

Humanitarna organizacija  
"Islamski vakuf"  
Odjel za nauku

Predmet: Hadis  
**ODABRANI HADISI**

Institut za pripremu daija na lokalnom jeziku  
Plan i program za jednu godinu

Priprema  
Odsjek za nauku

Odsjek  
Edukacija i nastavni plan i program

U ime Allaha, Milostivog, Samilosnog

Prenosi se u vjerodostojnom hadisu:

”نَضَّرَ اللهُ امْرَأً سَمِعَتْ مِنَّا حَدِيثًا فَحَفِظَتْهُ حَتَّى يَبْلُغَهُ غَيْرَهُ، فَرُبَّ حَامِلٍ  
فَقَّهِ إِلَى مَنْ هُوَ أَفْقَهُ مِنْهُ، وَرُبَّ حَامِلٍ فَقَّهِ لَيْسَ بِفَقِيهِ“

**"Neka Allah da udoban život čovjeku koji čuje od mene hadis pa ga zapamti da bi ga prenio nekom drugom; mnogo je onih koji prenose znanje učenijim od sebe, i mnogo je onih koji prenose znanje a nisu učeni."**

Sahihul-džami'u (2/1145), broj 6763.

## **Bismillahir-Rahmanir-Rahim**

### **PREDGOVOR:**

Zahvala pripada Allahu, Njega hvalimo, od Njega pomoć i oprost tražimo, Njemu se kajemo i Njemu se utječemo od zla nas samih i naših loših dijela. Koga Allah uputi niko ga u zabludu odvesti neće, a koga On u zabludu odvede niko ga uputiti neće. Svjedočim da nema drugog boga osim Allaha Jedinog, Koji sudruga nema, i svjedočim da je Muhammed Allahov rob i poslanik. Neka je Allahov salavat i selam njemu, njegovoj časnoj porodici i ashabima.

Kako je velika odgovornost upućivanja ljudi dobru i ukazivanja na Pravi put, i kolika je Allahova blagodat da se čovjek nađe u skupini Allahovih čestitih robova, koji postupaju u skladu sa Njegovim šerijatom (zakonom), slijedeći u tome Njegovog poslanika Muhammeda, sallallahu alejhi ve sellem. Želja nam je, kada govorimo o tome, da naglasimo svakom ko radi na polju daveta i podučavanja islamu da bude u svom nijjetu iskren prema Allahu, tako će učitelj nastojati da obavi svoj zadatak na način koji će ostvariti očekivane ciljeve predviđene planom i programom. A učenik je svjestan da kroz ove nauke koje uči sadi u sebi sadnicu koja će dati plemenite plodove, svjetlo i uputu, te da se od njega očekuje trud, čvrsta volja, rad na povećanju i traganju za znanjem.

Nastojali smo, praveći ovaj plan i program, pripremiti nužne teme koje odgovaraju nivou učenika. Obzirom da se ove teme uče samo u jednoj godini, nastojali smo obuhvatiti temeljne šerijatske znanosti i ono što svaki musliman mora znati, izlažući tematiku na jednostavan način, jasnim izrazima, čime se ostvaruje cilj ne ostavljajući nedoumice kod učenika.

Pripremajući nastavni plan i program predmeta hadis, nastojali smo spomenuti samo vjerodostojne hadise Allahovog Poslanika, sallahu alejhi ve sellem, čija su značenja i pouke nama sasvim jasne. Na taj način će poimanje biti jasnije i razumijevanje dublje uz potpuno ispunjenje cjelina plana i programa, jasnoću njegovih pitanja i nastojanja da bude povezan sa stvarnošću u kojoj ljudi žive.

Uspješan učitelj je onaj koji oblikuje učenička shvatanja kroz nastavni program i budi kod njih žudnju za povećanjem znanja i razumijevanjem lekcija na ispravan način. S te strane će nastojati da primjene naučeno, onako kako to diktira obrazovna odgovornost. Ogromna je obaveza stavljena na pleća daija i učitelja, a ona se ne može ostvariti osim zajedničkim trudom predavača i učenika, uz prisustvo sredstava koja olakšavaju shvatanje, poput udžbenika, pribora za podučavanje i tome slično.

Allaha Uzvišenog molimo da Odjel za nauku pri Organizaciji "Islamski vakuf" učini uspješnim u izboru i ponudi, i molimo Ga da pomogne i nadahne učitelja i učenika da upotpune sve neophodno za ostvarenje plemenitog cilja u širenju šerijatskog znanja i objašnjenju istine.

Naš cilj je Allahovo zadovoljstvo, neka je salavat i selam na našeg poslanika Muhammeda.

**Odjel za nauku**

## POSEBNI CILJEVI I SMJERNICE

### Posebni ciljevi ovog predmeta:

1. Da učenik upozna vjerodostojni sunnet, njegovo mjesto u islamskom zakonodavnom sistemu i da zna praviti razliku između Kur`ana i sunneta, te da se upozna sa načinom na koji je sunnet do nas prenešen i koliki trud je uložila ulema (učenjaci) ovog ummeta u tome.
2. Da učenik nauči napamet određen broj Poslanikovih, sallahu alejhi ve sellem, hadisa nakon što nauči njihovo značenje i ispravno čitanje.
3. Izvršena je vokalizacija teksta hadisa kako bi učenik vježbao njegovo ispravno čitanje onako kako je prenešen od Poslanika, sallahu alejhi ve sellem.
4. Da učenik shvati značenja hadisa te da radi po onom na šta upućuju u pogledu lijepog ahlaka u ophođenju roba sa svojim Gospodarom, ophođenju sa Poslanikom, sallahu alejhi ve sellem, odžavanju rodbinskih veza i jačanju islamskog bratstva.
5. Da učenik upozna ashabe koji prenose hadise; zbog toga je vođeno računa prilikom tumačenja hadisa da se spomene ime ashaba, njegovo porijeklo, najvažnije kakarakteristike i godina smrti.
6. Da se pokaže djelom i uvjerenjem ahlak tolerancije, blagog ophođenja i poniznosti prema učeniku.
7. Da učenik zahvaljuje Allahu na blagodatima kojima ga je obasuo.
8. Da učenik vodi računa o namazu i da ga obavlja u džematu.
9. Da se razvija kod učenika islamski ponos i mržnja prema nevjerstvu, paganstvu i slijeđenju šejtana.
10. Da učenik poprimi ahlak Allahovog Poslanika, sallahu alejhi ve sellem, u svim sferama života – u jedenju, pijenju, oblačenju i stanovanju.

### Smjernice:

1. Izučavanje hadisa pruža jedinstvenu priliku učitelju da odgaja učenike tako da se ponose islamom i da shvate nužnost čvrstog pridržanja vjerskih uputa.
2. Lijep primjer učitelja pomaže učeniku da praktično razumije teoretske lekcije i daje mu priliku da sunnet Poslanika, sallahu alejhi ve sellem, poveže sa ličnošću učitelja.
3. Pridržavanjem učitelja onog što je određeno predmetom hadis ostvaruju se željeni rezultati i zacrtani ciljevi. Zbog toga ne

treba pretjerano proširivati niti umanjivati tematiku pa da se naprave propusti u planiranom.

4. Učitelj treba nastojati da navodi primjere iz stvarnosti shodno sredini i okolnostima.
5. Učitelj je dužan da dobro zna maternji jezik učenika i da govori književnim jezikom bez izvještačenosti.
6. Učitelj treba navoditi primjere iz sire Poslanika, sallahu alejhi ve sellem, i biografije ashaba, radijallahu anhum, a pritom da slijedi Poslanika, sallahu alejhi ve sellem, u odgojnim predavanjima, kako bi učenici što bolje razumjevali.
7. Takođe, učitelj treba vezati učenike za knjige selefa (dobrih prethodnih generacija) i izvore hadisa tako što će navesti kratku biografiju pisaca hadiskih knjiga na kraju svakog teksta hadisa.
8. Učitelj treba koristiti metod koji privlači učenika i podstiče ga na razumijevanje lekcije i njeno pamćenje.

Molim Allaha da nam da uspjeh, uputu i valjan nijet.

## UVOD U HADISKU NAUKU

Uzvišeni Allah je poslao Svog vjerovjesnika Muhammeda, sallahu alejhi ve sellem, sa Kur'anom i sunnetom i sačuvao Svoju knjigu od iskrivljivanja, dodavanja ili oduzimanja. Kaže Uzvišeni:

{ لَا يَأْتِيهِ الْبَاطِلُ مِنْ بَيْنِ يَدَيْهِ وَلَا مِنْ خَلْفِهِ تَنْزِيلٌ مِّنْ حَكِيمٍ حَمِيدٍ }

"*Laž joj je strana, bilo s koje strane, ona je Objava od mudroga i hvale dostojnog*"<sup>1</sup>, i kaže:

{ إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ }

"*Mi, uistinu Kur'an objavljujemo i zaista ćemo Mi nad njim bdjeti*"<sup>2</sup>.

Poslanik, sallahu alejhi ve sellem, je protumačio Kur'an riječima i djelima, a sunnet je došao da pojašni plemeniti Kur'an. U ovom predgovoru učenik se može upoznati sa suštinom hadisa, razlikama između njega i Kur'ana, vrstama hadisa i metodama prenošenja hadisa onakvog kakav je došao do nas.

### DEFINICIJA SUNNETA ILI HADISA:

Kažu učenjaci da je hadis ili sunnet sve ono što se pripisuje Poslaniku, sallahu alejhi ve sellem, od riječi, djela, odobravanja šutnjom, tjelesnih i moralnih osobina.

### RAZLIKA IZMEĐU KUR'ANA, HADISUL-KUDSIJA I HADISA:

1. Kur'an: riječi i značenje Kur'ana su od Allaha a njegovo čitanje je ibadet. On je mu'džiza<sup>3</sup> i u svojoj najkraćoj suri, prenešen je mutevatir<sup>4</sup> predajom i nema sumnje u njegovu vjerodostojnost. Nije dozvoljeno džunupu niti ženi u stanju hajza ili nifasa čitanje ili dodirivanje Kur'ana. Nije dozvoljeno prenošenje Kur'ana po značenju.
2. Hadisul-kudsi: riječi su od Poslanika, sallahu alejhi ve sellem, a značenje je od Allaha, njegovo čitanje nije ibadet niti je on mu'džiza. Takođe, nije zabranjeno džunupu ili ženi u stanju hajza ili nifasa čitanje hadisul-kudsi niti dodirivanje knjige u kojoj je zabilježen. On može biti sahih (vjerodostojan), daif (slab) i mevd'u (izmišljen), a njegovo prenošenje po značenju je dozvoljeno. Hadisul-kudsi je ono što prenosi Poslanik, sallahu alejhi ve sellem, od svoga Gospodara. Na primjer: Prenosi se od

---

<sup>1</sup> Fussilet, 42.

<sup>2</sup> El-Hidžr, 9.

<sup>3</sup> mu'džiza: nadnaravna pojava

<sup>4</sup> mutevatir predaja: predaja koju prenosi velik broj prenosilaca hadisa tako da je nemoguće da su se složili na laži.



Ebu-Zerra, radijallahu anhu, da Poslanik, sallahu alejhi ve sellem, prenosi da je Allah, dž.š., rekao:

(يا عبادي إني حرمت الظلم على نفسي وجعلته بينكم محرماً فلا تظالموا)

**"O robovi moji, zaista sam ja zabranio zulum<sup>1</sup> samom Sebi, i učinio sam ga zabranjenim među vama, pa nemojte jedni drugima zulum činiti."**<sup>2</sup>

3. Hadis: riječi hadisa su od Poslanika, sallahu alejhi ve sellem, a čitanje hadisa nije ibadet niti je on mu'džiza. Može biti sahih, hasen (dobar), daif i mevd'u. Dozvoljeno je džunupu i ženi u stanju hajza ili nifasa njegovo čitanje i dodirivanje knjige u kojoj je zapisan, a njegovo prenošenje po značenju je dozvoljeno.

### HADIS KAO DOKAZ:

Hadis je šerijatski dokaz poput Kur'ana, jer su Kur'an i hadis dva izvora islamskog zakonodavstva, osim što je hadis došao kao tumač onog što je objavljeno u Kur'anu. Dokaz iz Kur'ana da je hadis šerijatski argument su riječi Uzvišenog:

{وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ }

**"A tebi objavljujemo Kur'an da bi objasnio ljudima ono što im se objavljuje, i da bi oni razmislili"**<sup>3</sup>. A dokaz iz sunneta su riječi Poslanika, sallahu alejhi ve sellem:

(عليكم بسنتي وسنة الخلفاء الراشدين المهديين تمسكوا بها وعضوا عليها بالنواجذ)

**"Držite se mog sunneta i sunneta pravovjernih upućenih halifa, čvrsto se toga držite i zagrizite ga svojim kutnjacima"**<sup>4</sup>.

### BILJEŽENJE SUNNETA:

Na početku svoje misije Poslanik, sallahu alejhi ve sellem, je zabranio pisanje hadisa zajedno sa Kur'anom na istom listu iz bojazni da se ne pomiješaju. Na ovo upućuje hadis kojeg bilježi Muslim od Ebu-Seida el-Hudrija, radijallahu anhu, da je Poslanik, sallahu alejhi ve sellem, rekao:

(لا تكتبوا عني، ومن كتب عني غير القرآن فليمحاه)

**"Ne pišite ono što govorim, a onaj ko je napisao nešto mimo Kur'ana neka to izbriše."**<sup>5</sup> Kaže učenjak Nevevi: "Zabrana je bila u vrijeme kada je postojao strah da se hadis pomiješa sa Kur'anom, a nakon što je nestao

<sup>1</sup> zulum: nepravda

<sup>2</sup> Muslim, Knjiga o dobročinstvu, održavanju rodbinskih veza i adabima, poglavlje: Zabrana zuluma, broj 2577.

<sup>3</sup> En-Nahl, 44.

<sup>4</sup> Ebu-Davud, Knjiga o sunnetu, poglavlje: Obaveza pridržavanja sunneta, broj 4607.

<sup>5</sup> Muslim, Knjiga o zuhdu i rekaiku, poglavlje: Provjeravanje u prenošenju hadisa i propis zapisivanja znanja, broj 3004.

strah, dozvoljeno je bilježenje. Neki učenjaci smatraju da je bila zabrana samo da se piše hadis sa Kur'anom na istom listu kako se ne bi pomiješali i doveli učača u nedoumicu, a Allah najbolje zna"<sup>1</sup>.

Nakon što se Poslanik, sallahu alejhi ve sellem, prestao bojati miješanja hadisa sa Kur'anom, dozvolio je ashabima bilježenje hadisa. Na dan oslobođanja Mekke naredio je Ebu-Šahu da bilježi hadise, a Abdullah ibn Amr ibn 'As, radijallahu anhuma, je bilježio ono što čuje od Poslanika, sallahu alejhi ve sellem. Takođe, od onih koji su pisali bio je i Alija, radijallahu anhu. Na pisanje hadisa upućuje knjiga Amra ibn Hazma, u kojoj su hadisi o nasljedstvu, sunnetima i krvarini, kao i knjiga koju je Ebu-Bekr poslao Enesu, radujallahu anhuma, kad ga je postavio namjesnikom Bahrejna, u kojoj su hadisi o sadaki i nisabima zekata.<sup>2</sup>

Ashabi, radijallahu anhum, poput četverice pravovjernih halifa, su posebno vodili računa o pisanju hadisa. Zatim se znanje proširilo a ashabi se rasuli po islamskim pokrajinama sve do vremena hilafeta Omera ibn Abdulaziza ibn Mervana, rahimehumullah. On je naredio svojim namjesnicima u pokrajinama: "Pogledajte hadise, Poslanika sallahu alejhi ve sellem, pa ih sakupite"<sup>3</sup>, a stanovnicima Medine je napisao: "Pogledajte hadise Poslanika, sallahu alejhi ve sellem, pa ih zabilježite, zaista se bojim nestanka znanja i umiranja učenih."<sup>4</sup>

Smatraju učenjaci da je period bilježenja hadisa za vrijeme Omera ibn Abdulaziza, rahimehullah, ustvari, period zvaničnog bilježenja hadisa, dok je samo zapisivanje i čuvanje hadisa na listovima knjiga, pločama i kožama bilo poznato za vrijeme ashaba, radijallahu anhum. Među prvim koji su bilježili sunnet i zapisivali ga u posebne knjige je imam Malik ibn Enes, rahimehullah, koji je preselio 173. god. po Hidžri. On se smatra prvim od onih koji su pisali u ovoj naučnoj oblasti, a njegova knjiga se zove "**El-Muvette ala ebvabil-fikh**". A prvi koji je pisao hadise sa senedom (lancem prenosilaca), sakupljajući hadise svih ashaba, je Ebu-Davud ibn Sulejman ibn el-Džarud et-Tajalisijj, koji je preselio 204. god. po Hidžri. Poslije njih dvojice napisano je mnoštvo različitih knjiga o hadisu, spomenut ćemo neke od tih knjiga:

1. EL-DŽAMI'U: poput zbirke **El-džami'u Es-sahih** od imama Buharije, koji je preselio 256. po Hidžri, rahimehullah. Sakupio je u ovoj zbirki hadise o akaidu, propisima, adabima, tefsiru i sl.
2. EL-MUSNED: poput zbirke **Musned imama Ahmeda ibn Hanbela**, koji je preselio 241. po Hidžri, rahimehullah. Sakupio je u ovoj zbirki predaje svakog ashaba ponaosob.

---

<sup>1</sup> Šerhun-Nevevi li Sahihil-Muslim, 8. tom, 130. str.

<sup>2</sup> Pogledaj: Šerhun Nevevi li Sahihil-Muslim, 8. tom, 130. str.

<sup>3</sup> Fethul-bari, 1. tom, 204. str.

<sup>4</sup> Sunenu Ed-Darimi, 1. tom, 126. str.

3. EL-MU'ADŽEM: poput zbirke **El-Mu'adžem el-Kebir**, **El-Mu'adžem el-Evsat** i **El-Mu'adžem es-Sagir** od Taberanija, a mu'adžemi su knjige u kojima su hadisi poredani po šejhovima. U većini slučajeva hadisi su poredani po alfabetu el-hidža kao što su mu'adžemi Taberanija, gore spomenutog.
4. EL-'ILEL: poput zbirke **Kitabul-'ilel** od Darekutnija i Ebu-Hatima. To su knjige u kojima su sakupljeni hadisi sa i'letom, to jest koji u sebi imaju neki skriveni nedostatak zbog kojeg su slabi.
5. EL-ATRAF: poput zbirke **Tuhfetul-ešraf bim'arifetil atraf** od Hafiza Ebul-Hadžadža el-Muzzija, rahimehullah. To su knjige koje spominju dio hadisa koji upućuje na ostali dio i u kojima su sakupljeni senedi tog hadisa.
6. EL-MUSTEDREK: poput zbirke **Mustedrekul-Hakim**. U njoj je sakupio Hakim hadise koji ispunjavaju šarte Buharije i Muslima a oni ih nisu spomenuli u svojim zbirkama.

#### **ŠEST POZNATIH ZBIRKI HADISA:**

1. SAHIHUL-BUHARI: od imama Buharije, rahimehullah, preselio 256. po Hidžri.
2. SAHIHUL-MUSLIM: od imama Muslima, rahimehullah, preselio 261. po Hidžri.
3. SUNEN EN-NESAI: od Ahmed ibn Šuajba en-Nesaia, rahimehullah, preselio 303. po Hidžri.
4. SUNEN EBI DAVUD: od Sulejmana ibn El-eša'sa, rahimehullah, preselio 375. po Hidžri.
5. DŽAMI'U ET-TIRMIZI: od Ebu 'Ise Muhammed ibn 'Isa et-Tirmizija, rahimehullah, preselio 267. po Hidžri.
6. SUNEN IBN MADŽE: od Muhammeda ibn Jezida ibn Madže rahimehullah, preselio 275. po Hidžri.

Kada se kaže da hadis bilježi grupa (džema'a), misli se na šest hadiskih zbirki, dva sahiha i četiri sunena.

A kada se kaže da ga bilježe sedmerica (seb'a), doda se na šest gore spomenutih zbirki Musned Imama Ahmeda.

A kada se kaže da ga bilježe peterica (hamse), misli se na četiri sunena i Musned Imama Ahmeda.

Kada se kaže da hadis bilježe trojica (selase), misli se na sunene osim Ibn-Madže.

#### **SENEDE (LANAC PRENOSILACA) I METN (TEKST HADISA):**

Pod senedom se podrazumijeva lanac prenosilaca hadisa koji vodi do teksta hadisa, nazvan je senedom jer se hadis oslanja na taj lanac.

A pod metnom se podrazumijeva dio hadisa koji počinje nakon završetka lanca prenosilaca.

Na primjer, hadis koji je spomenut u ovoj knjizi pod brojem 57: Bilježi Buharija u svom Sahihu: "Rekao nam je Sulejman ibn Harb da je rekao Šu'be od Katade od Enesa ibn Malika da je Poslanik, sallahu alejhi ve sellem, rekao:

( ثلاث من كن فيه وجد بهن حلاوة الإيمان ... )

'Kod koga se nađu tri osobine osjetiće slast imana...', sened u ovom hadisu su riječi Buharije: "Rekao nam je Sulejman (...) da je Poslanik, sallahu alejhi ve sellem, rekao", a metn: "Kod koga se nađu tri osobine osjetiće slast imana..."

Islamski učenjaci su napisali mnoga i ogromna djela o zaštiti sunneta i vodili su računa o senedima i metnovima hadisa. Kaže Ibn Mubarek, rahimehullah: "Sened je od vjere, da nije seneda rekao bi ko hoće šta hoće"<sup>1</sup>.

Odatle je nastala poznata hadiska naučna disciplina MUSTALAHUL HADIS za izučavanje seneda (lanca prenosilaca) i metna (teksta hadisa), kako bi učenjak razlikovao hadis koji se prihvata i radi po njemu od onog koji se odbija i ne radi po njemu.

## VRSTE HADISA U POGLEDU PRIHVATANJA I ODBIJANJA

### A. Sahih

Sahih hadis je hadis čiji je sened (lanac prenosilaca) spojen, a prenosi ga pravedan ravija od njemu sličnog do kraja seneda, u kom nema šuzuza niti 'illeta.

Sahih hadis ima pet uslova:

- 1- Spojenost seneda, tj. da je svaki ravija (prenosilac) uzeo hadis od onog ko je prije njega, i tako od početka pa do kraja seneda.
- 2- Pravednost ravije, tj. da je musliman, pametan i ne čini velike grijeha.
- 3- Pouzdanost ravije, tj. da ima dobro pamćenje i da čuva knjigu u kojoj piše hadis.
- 4- Da u hadisu nema šuzuza, a šaz znači da pouzdan ravija prenosi nešto što se suprosvavlja onome što je prenio ravija koji je pouzdaniji od njega.
- 5- Da u hadisu nema 'illeta, a 'illet je skriveni razlog koji umanjuje valjanost hadisa iako vanjština hadisa upućuje na njegovu valjanost.

### B. Hasen

---

<sup>1</sup> Predgovor Sahihu Muslim, poglavlje: Dokaz da je sened od vjere.

To je hadis čiji je sened (lanac prenosilaca) spojen, kojeg prenose pravedne ravije kod kojih je, pa makar jednog od njih, pouzdanost slabija, i u kojem nema šuzuza niti 'illeta.

### C. **Da'if**

To je hadis koji nije na stepenu hasen hadisa gubljenjem jednog od njegovih uvjeta.

Šerijatski propis rada po da'if hadisu

Mustehab je raditi po ovom hadisu ako se radi o hadisu koji govori o vrijednostima određenih dijela, uz tri uslova:

1. da hadis nije jako slab,
2. da hadis potpada pod šerijatsko pravilo po kome se radi,
3. da se ne smatra, budući da se radi po njemu, da je vjerodostojan, nego da se radi po njemu uz predostrožnost.

### D. **Mevd'u**

To je krivotvoreni i izmišljeni hadis koji se pripisuje Poslaniku, sallahu alejhi ve sellem.

Šerijatski propis rada po mevd'u hadisu:

Idžma'om (konsenzusom) učenjaka ovog ummeta nije dozvoljeno prenošenje ovog hadisa.

Kaže Poslanik, sallahu alejhi ve sellem:

(من حدث عني بحديث يرى أنه كذب فهو أحد الكاذبين)

**"Ko prenese od mene hadis znajući da je lažan, pa i on je jedan od onih koji lažu na mene."**<sup>1</sup>

## PRVI HADIS

### ISKRENOST U NIJJETU

---

<sup>1</sup> Predgovor Sahihu Muslim, poglavlje: Obaveza prenošenja hadisa od pouzdanih ravija i ostavljanje od lažljivaca.

عن عُمرَ بن الخطَّابِ ؓ قال: سمعتُ رسولَ الله ﷺ يقولُ: " إِنَّمَا الأَعْمَالُ بِالنِّيَّاتِ، وَإِنَّمَا لِكُلِّ امْرِئٍ مَا نَوَى، فَمَنْ كَانَتْ هِجْرَتُهُ إِلَى اللَّهِ وَرَسُولِهِ، فَهَجْرَتُهُ إِلَى اللَّهِ وَرَسُولِهِ، وَمَنْ كَانَتْ هِجْرَتُهُ لِدُنْيَا يُصِيبُهَا أَوْ امْرَأَةٍ يَنْكِحُهَا فَهَجْرَتُهُ إِلَى مَا هَاجَرَ إِلَيْهِ".

Kaže Omer ibn el-Hattab, radijallahu anhu: "Čuo sam da je Poslanik, sallahu alejhi ve sellem rekao: '**Zaista se djela vrednuju prema nijetima, i zaista svakom čovjeku pripada ono šta namjerava. Pa onaj ko je učinio hidžru Allahu i Njegovom Poslaniku, hidžra mu je bila Allahu i Njegovom Poslaniku, a onaj ko je učinio hidžru radi dunjalučke koristi ili zbog žene da bi je oženio, njegova hidžra je bila onome kome ju je učinio.**'"<sup>1</sup>

### **Značenje manje poznatih riječi:**

hidžra - preseljenje iz nevjerničke zemlje u islamsku

### **Biografija ravije (prenosioca hadisa):**

On je časni ashab, vođa pravovjernih Omer ibn el-Hattab ibn Nufejl el-Kureši el-'Adevi, radijallahu anhu. Primio je islam prije Hidžre. On je drugi pravovjerni halifa, a hilafet mu je trajao deset i po godina. Preselio je kao šehid u mjesecu zul-hidžetu 23. god. po Hidžri.

### **Kratki komentar hadisa:**

Učenjaci su saglasni da je nijjet neophodan u činjenju djela da bi se za njih dobila nagrada. Takođe su saglasni da se nijjeti srcem i da nije uslov da se izgovara riječima.

### **Pouke hadisa:**

1. Iskren nijjet Uzvišenom Allahu i slijeđenje Poslanika, sallahu alejhi ve sellem, su dva uvjeta za primanje bilo kojeg djela u islamu.
2. Ako musliman čini dunjalučka djela sa valjanim nijjetom biće nagrađen, pa time postaju sva njegova djela ibadet Uzvišenom Allahu. Na primjer: učitelj u njegovom poučavanju, učenik u učenju, službenik na svom poslu, trgovac u svojoj trgovini i njima slični, smatra se da su u ibadetu ako imaju valjan nijjet.
3. Ako je musliman imao namjeru da uradi neko dobro djelo, a nije bio u stanju da ga obavi ima nagradu za svoj nijjet.

---

<sup>1</sup> Buharija (1/3), broj 1, knjiga: Početak objave, poglavlje: Kako je počela objava Poslaniku, sallahu alejhi ve sellem, i Muslim (3/151), broj 1097, Knjiga o upravi, poglavlje: Riječi Poslanika, sallahu alejhi ve sellem: "Zaista se djela vrednuju prema nijjetima" sa drugačijim tekstom.

4. Iskren nijjet u ime Allaha je razlog uspjeha na dunjaluku i ahiretu.

**Pitanja:**

1. Rekao je Poslanik, sallahu alejhi ve sellem: "**Zaista se djela vrednuju prema nijjetima...**", dopuni hadis.
2. Šta je uslov za primanja nekog djela u islamu?
3. Kada će čovjek biti nagrađen za činjenje dunjalučkih dijela?
4. Navedi tri pouke iz hadisa.

**DRUGI HADIS**

**OBAVEZA ODRŽAVANJA ROBINSKIH VEZA**

عن أنس رضي الله عنه قال: قال رسول الله ﷺ: **” مَنْ أَحَبَّ أَنْ يُبْسَطَ لَهُ فِي رِزْقِهِ، وَيُنْسَأَ لَهُ فِي أَثَرِهِ، فَلْيَصِلْ رَحْمَتَهُ.”**

Prenosi se od Enesa, radijallahu anhu, da je Poslanik, sallahu alejhi ve sellem, rekao: "**Ko voli da mu se poveća opskrba i produži život neka održava rodbinske veze.**"<sup>1</sup>

### **Biografija ravije:**

Enes ibn Malik el-Ensari, rahimehullah, časni ashab, sluga Poslanika, sallahu alejhi ve sellem. Služio ga je deset godina. Prenio je mnogo hadisa i ubraja se među fakihe i učene ashabe. Preselio je 92. god. po Hidžri.

### **Kratki komentar hadisa:**

Održavanje rodbinskih veza je djelo sa kojim je Uzvišeni Allah zadovoljan, daje sevape na ahiretu i povećava opskrbu na dunjaluku. U ovom hadisu Poslanik, sallahu alejhi ve sellem, nas poučava da onaj koji voli da mu Allah poveća rizik (opskrbu) i da mu produži životni vijek i učini ga berićetnim treba održavati rodbinske veze. Tu vezu treba održavati sa svojom rodbinom po porijeklu i tazbinstvu, tako što će im čini dobročinstvo, biti suosjećajan prema njima, blag prema nemoćnim i neće zapostaviti nikog od njih. Udjeljivanje siromasima je sadaka a udjeljivanje rodbini je sadaka i održavanje rodbinskih veza.

### **Pouke hadisa:**

1. Podsticanje na održavanje rodbinskih veza je djelo sa kojima je Uzvišeni Allah zadovoljan i za njega daje sevape na ahiretu.
2. Uzvišeni Allah je učinio održavanje rodbinskih veza uzrokom povećanja opskrbe na dunjaluku.
3. Uzvišeni Allah je učinio održavanje rodbinskih veza uzrokom produženja života i činjenja života berićetnim.

### **Pitanja:**

1. Ko od tvoje rodbine je najpreči da održavaš rodbinske veze sa njima i ukazuješ im naklonost i prijateljstvo?
2. Kako čovjek održava rodbinsku vezu?
3. Pojasni ukratko značenje hadisa.
4. Navedi pouke hadisa.

---

<sup>1</sup> Buharija (2/728), broj 5986, knjiga: 'Itikaf, poglavlje: Ko voli da mu se poveća opskrba, i Muslim (4/1982), broj 5986, Knjiga o dobročinstvu, održavanju rodbinskih veza i adabima, poglavlje: Održavanje rodbinskih veza i zabrana njihovog prekidanja.



**TREĆI HADIS**  
**STRAH OD ALLAHA I LIJEP AHLAK**

عن أبي ذرٍّ: جُنْدُبُ بْنُ جُنَادَةَ، وَأَبِي عَبْدِ الرَّحْمَنِ: مُعَاذُ بْنُ جَبَلٍ رَضِيَ اللَّهُ عَنْهُمَا عَنْ رَسُولِ اللَّهِ ﷺ أَنَّهُ قَالَ: ” اتَّقِ اللَّهَ حَيْثُمَا كُنْتَ وَأَتَّبِعِ السَّبِيلَ الْحَسَنَ تَمَحُّهَا، وَخَالِقِ النَّاسَ بِخُلُقٍ حَسَنٍ “.

Prenosi se od Ebu-Zerra, Džundub ibn Dženadeta, i Mu'az ibn Džebela, radijallahu anhum, da je Poslanik, sallahu alejhi ve sellem, rekao: "**Boj se Allaha gdje god da si, loše djelo poprati dobrim, izbrisaće ga i lijepo se sa ljudima ophodi.**"<sup>1</sup>

### **Biografija ravija:**

1. Ebu-Zerr el-Gaffari, radijallahu anhu, je časni ashab, jedan od zahida i muhadžira. Rano je primio islam, ali je kasno obavio hidžru te nije učestvovao u Bici na Bedru. Učinio je mnogo plemenitih djela. Preselio je 32. god po Hidžri, za vrijeme hilafeta Osmana, radijallahu anhu.
2. Mu'az ibn Džebel el-Ensari el-Hazredži, radijallahu anhu, je plemeniti ashab. Primio je islam u osamnaestoj godini, učestvovao je na Bedru i u bitkama poslije Bedra. Dostigao je najviši stepen znanja o šerijatskim propisima i Kur'anu. Bio je namjesnik Šama za vrijeme hilafeta Omera, radijallahu anhu, gdje je i umro 18. god. po Hidžri.

### **Kratki komentar hadisa:**

Ovaj hadis se ubraja u Poslanikove, sallahu alejhi ve sellem, vesijete u kojima oporučuje svojim ashabima da žive po njima i da muslimani slijede te oporuke u svakom vremenu i na svakom mjestu da bi bili sretni na dunjaluku i ahiretu. Nakon što je Ebu-Zerr primio Islam u Mekki, naredio mu je Poslanik, sallahu alejhi ve sellem, da ide svom narodu želeći da ih Allah njegovim uzrokom uputi na Pravi put. Pa nakon što je vidio koliko mu je stalo da ostane sa njim, sallahu alejhi ve sellem, u Mekki, a znao je da nema kudreta za to, rekao mu je da se boji Allaha gdje god da je, jer je to preče njemu od boravka u Mekki. Ovo je naredba i svakom muslimanu. Moguće je da je ovaj hadis obraćanje Mu'azu da izvršava Allahove naredbe i ostavi zabrane, jer Allah vidi šta on radi i dobro je obaviješten o njemu gdje god bio. I još mu je rekao, sallahu alejhi ve sellem, da se ophodi prema ljudima onako kako bi volio da se oni prema njemu ophode, da ih poštedi neprijatnosti, da ih savjetuje i da bude vedra lica kako bi im se srca zbližila i ljubav među njima upotpunila. A ovakvo ponašanje donosi mnogo hajra i ključ je uspjeha.

---

<sup>1</sup> Tirmizi (4/355), broj 1987, poglavlje: Ono što je prenešeno o ophođenju sa ženama, kaže Tirmizi: "Ovaj hadis je hasen sahih."

**Pouke hadisa:**

1. Naredba da se treba bojati Allaha javno, tajno i na svim mjestima.
2. Kada čovjek uradi loše djelo a zatim zatraži oprost od Allaha i uradi dobro djelo, to dobro djelo poništi loše.
3. Naredba da se ophodi prema ljudima na najljepši način i da se otklanjaju neprijatnosti od njih.
4. Da lijep ahlak upotpunjuje bogobožnost.

**Pitanja:**

1. Kako čovjek može poništi loše djelo kada ga učini?
2. Zašto je Poslanik, sallahu alejhi ve sellem, oporučio Ebu-Zerru ovaj hadis?
3. Kakva je veza između lijepog ahlaka i bogobožnosti?
4. Navedi dva primjera lijepog ahlaka u ophođenju sa ljudima.

**ČETVRTI HADIS****PODSTICANJE NA SPREMANJE ZA SUDNJI DAN I  
POLAGANJE RAČUNA**

عن معاذ بن جبل  $\tau$  أن الرسول  $\rho$  قال: "لَنْ تَزُولَ قَدَمًا عَبْدًا يَوْمَ الْقِيَامَةِ حَتَّى يُسْأَلَ عَنْ أَرْبَعِ خِصَالٍ: عَنْ عُمُرِهِ فِيْمَ أَفْنَاهُ، وَعَنْ شَبَابِهِ فِيْمَ أَبْلَاهُ، وَعَنْ مَالِهِ مِنْ أَيْنَ اكْتَسَبَهُ؟ وَفِيْمَ أَنْفَقَهُ؟ وَعَنْ عِلْمِهِ مَاذَا عَمِلَ بِهِ".

Prenosi Mu'az ibn Džebel, radijallahu anhu, da je Poslanik, sallahu alejhi ve sellem, rekao: "Neće se pokrenuti stopala Allahovog roba na Sudnjem danu sve dok ne bude pitan o četiri stvari: o svom životu - u šta ga je utrošio, o svojoj mladosti - u čemu ju je proveo, o svom imetku - kako ga je stekao i ušta ga je potrošio i o svom znanju - šta je po njemu radio."<sup>1</sup>

### **Biografija ravije:**

Biografija ovog ravije je spomenuta u prethodnom hadisu.

### **Kratki komentar hadisa:**

Dani našeg života na ovom dunjaluku su odbrojani, životni vijek je ograničen a zatim će doći smrt u koju nema sumnje. I nakon proživljenja ljudi iz njihovih kaburova, biće pitan svako od njih o danima njegovog života kako ih je proveo, u dobru ili zlu? Biće pitan o danima svoje mladosti, koja je period živosti i aktivnosti, kako ih je proveo, da li u korisnom znanju i dobrom djelu kako bi bio nagrađen. Zatim će biti pitan o svom imetku da li ga je stekao na dozvoljen način i utrošio u onome što je obavezno i pohvalno? Biće pitan, takođe, o svom znanju koje je stekao da li je radio po njemu i druge poučavao, jer korisno znanje je ono po kojem radi onaj koji ga posjeduje i poučava druge njemu. Molim Uzvišenog Allaha da nam omogući da stičemo znanje iskreno radi Njegovog lica.

### **Pouke hadisa:**

1. Dokaz da će ljudi biti proživljeni poslije smrti, da će polagati račun i biti nagrađeni shodno djelima.
2. Podsticanje na primjenu korisnog znanja i dobrog djela.
3. Podsticanje na sticanje imetka na halal način i njegovo trošenje u dobrotvorne svrhe.

### **Pitanja:**

1. O kojim stvarima će biti pitan Allahov rob na Sudnjem danu?
2. Pojasni hadis u kratkim crtama.
3. Zašto će čovjek biti pitan o svojoj mladosti u čemu ju je proveo?

---

<sup>1</sup> Hadis prenosi Taberani u El-Mu'adžem el-Kebir (20/60), a tekst hadisa je: "Neće se sastaviti stopala Allahovog roba ... ", Šejh Albani smatra da je vjerodostojan, pogledaj Sahihut-tergib pod brojem 3593.

**PETI HADIS**

**OD UPUTE ISLAMA JE SAMILOSŤ PREMA**  
**ŽIVOTINJAMA**

عن أبي هريرة ر، أن رسول الله ص قال: ”بينما رجلٌ يمشي بطريق، اشتدَّ عليه العطشُ، فوجدَ بئراً، فنزلَ فيها فشربَ ثمَّ خرجَ، فإذا كلبٌ يلهثُ يأكلُ الثرى من العطشِ. فقالَ الرجلُ: لقد بلغَ هذا الكلبُ من العطشِ مثلَ الذي كانَ قد بلغَ مِنِّي، فنزلَ البئرَ فملاً حُقَّهُ ماءً، ثمَّ أمسكهُ بفيه حتى رقي فسقى الكلبَ. فشكرَ اللهُ له، فغفرَ له، قالوا: يا رسولَ اللهِ وإن لنا في البهائمِ أجراً؟ فقال: في كلِّ كبدٍ رطبةٍ أجرٌ.“

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "Idući putem neki čovjek jako je ožednio, pa kad nađe bunar, siđe u njega i napi se vode, a zatim izađe. Kad odjedanput pas, od žeđi isplazio jezik i jede vlažno tlo. 'Ovog psa je snašla jaka žeđ kao što je i mene bila snašla', reče taj čovjek, te siđe u bunar i napuni svoju cipelu vodom, a zatim je stavi u svoja usta da bi se popeo, te napoji psa. Uzvišeni Allah mu se zahvali i oprostí grijeha." Rekoše ashabi: "Allahov Poslaniče, zar u činjenju dobročinstva prema životinjama imamo nagradu?" a on odgovori: "U činjenju dobročinstva svakom živom hajvanu čovjek ima nagradu."<sup>1</sup>

#### **Biografija ravije:**

Abdurrahman ibn Sahr ed-Devsí, radijallahu anhu, je plemeniti ashab. Primio je islam u godini Bitke na Hajberu, tj. 7. god. po Hidžri. Stalno je bio uz Poslanika, sallahu alejhi ve sellem, nastojeći da što više stekne znanja. Smatra se ashabom koji je zapamtio najviše hadisa. Preselio je 57. god. po Hidžri, s tim da ima i drugih mišljenja o godini njegove smrti.

#### **Kratki komentar hadisa:**

Naš din islam je din milosti. Ta milost nije ograničena na ljudski rod nego ona obuhvata i blagost prema životinjama.

Islam podstiče muslimana da bude milostiv prema ljudima i prema hajvanima. Ovo je priča o čovjeku koji je išao putem i jako ožednio, te je sišao u bunar i napio se vode. A nakon što je izašao vidio je psa kako je isplazio jezik i liže vlažno tlo od žestoke žeđi koja ga je snašla. Pa reče sam sebi: "Zaista je ovaj hajvan osjetio žestoku žeđ kao što sam i ja bio osjetio", te odluči da ga napoji, zatim siđe po drugi put u bunar napuni svoju obuću vodom i napoji psa. Pa mu se Allah zahvali na tom postupku i oprostí mu njegove grijeha.

Ako su ljudi u savremenom dobu upoznali kroz oblike društvene aktivnosti, organizacije koje pozivaju na samilost prema životinjama, pa

<sup>1</sup> Buharija (2/870), broj 2466, Knjiga o žalbama, poglavlje: Bunari na putu kada nikom ne smetaju, i (5/2238), broj 6009, Knjiga o adabima, poglavlje: Samilost prema ljudima i životinjama, i Muslim (4/1761), broj 2244, Knjiga o selamu, poglavlje: Vrijednost napajanja i hranjenja životinja.

islam stavlja ovaj hadis kao najbolji primjer ove samilosti. Tako da nema nikakvog prostora za sumnju u uzvišenost i plemenitost ciljeva ove vjere i u njenom prednjačenju u svakom korisnom civilizacijskom napretku.

**Pouke hadisa:**

1. Islam podstiče na blagost i samilost prema životinjama.
2. Samilost u islamu nije ograničena samo na ljudsku vrstu.

**Pitanja:**

1. Zašto je čovjek napojio psa?
2. Pričaj o tome kako islam vodi brigu o životinjama oslanjajući se na ovaj hadis.

## ŠESTI HADIS

### ADABI ISLAMA PRILIKOM JEDENJA I PIJENJA

عن ابن عمر رضي الله عنهما، أن رسول الله ﷺ قال: «إِذَا أَكَلَ أَحَدُكُمْ فَلْيَأْكُلْ بِيَمِينِهِ، وَإِذَا شَرَبَ فَلْيَشْرَبْ بِيَمِينِهِ، فَإِنَّ الشَّيْطَانَ يَأْكُلُ بِشِمَالِهِ وَيَشْرَبُ بِشِمَالِهِ».

Prenosi Ibn-Omer, radijallahu anhumu, da je Poslanik, sallahu alejhi ve sellem, rekao: "**Kada neko od vas jede neka jede svojom desnom**

**rukom, a kada pije neka pije svojom desnom rukom, zaista šejtan jede i pije svojom lijevom rukom."**<sup>1</sup>

**Biografija ravije:**

Abdullah ibn Omer ibn el-Hattab, radijallahu anhumu, je plemeniti ashab, prenio je mnogo hadisa. Bio je najčvršći u slijedenju sunneta. Preselio je 73. god. po Hidžri.

**Kratki komentar hadisa:**

Od uzvišenih ciljeva islama je odgajanje Muhammadovog, sallahu alejhi ve sellem, ummeta na lijepom ahlaku i pohvalnim svojstvima. Zbog toga islam poziva da se prilikom jela i pića upotrebljava desna ruka. Međutim, ima ljudi koji oponašajući šejtana u njegovim djelima tokom jedenja i pijenja čine djela koja se suprotstavljaju Allahovom šerijatu i dinu.

Ovaj hadis nas poučava da musliman treba jesti i piti desnom rukom i da mu nije dozvoljeno jedenje i pijenje lijevom rukom. Jer šejtan jede i pije svojom ljevicom, a muslimanu je naređeno da se kloni šejtanskog djela i ahlaka. Mi u Allahovom Poslaniku, sallahu alejhi ve sellem, imamo divan uzor, on je jeo i pio desnom rukom, počinjao je s desnom stranom prilikom oblačenja, a lijeva ruka je bila za ostale radnje.

**Pouke hadisa:**

1. Podsticanje na jedenje i pijenje desnom rukom i da je to od islamskih adaba.
2. Jedenje i pijenje lijevom rukom je šejtansko djelo i ahlak.

**Pitanja:**

1. Da li je dozvoljeno jesti i piti lijevom rukom?
2. Pojasni značenje hadisa u kratkim crtama.
3. Zašto je Poslanik, sallahu alejhi ve sellem, zabranio pijenje lijevom rukom?
4. U čemu je upotrebljavao Poslanik, sallahu alejhi ve sellem, svoju desnu ruku?

---

<sup>1</sup> Muslim (3/1598), broj 2020, Knjiga o piću, poglavlje: Adabi jedenja i pijenja.



## SEDMI HADIS

### VAŽNOST MEĐUSOBNE SARADNJE MU'MINA

عن أبي موسى  $\tau$ ، قال: قال رسول الله  $\rho$ : "المؤمنُ للمؤمنِ كالبُئيانِ، يَشُدُّ  
بَعْضُهُ بَعْضاً"، وشبَّكَ بَيْنَ أَصَابِعِهِ.

Prenosi Ebu-Musa, radijallahu anhu, da je Poslanik, sallahu alejhi ve sellem, rekao: "**Mu'min prema mu'minu je poput građevine, jedan dio učvršćuje i jača drugi**", a zatim je isprepleo svoje prste.<sup>1</sup>

### **Biografija ravije:**

Ebu-Musa Abdullah ibn Kajs ibn Sulejm el-Eš'ari je plemeniti ashab, bio je namjesnik Kufe. Preselio je 50. god. po Hidžri.

### **Kratki komentar hadisa:**

Allahov Poslanik, sallahu alejhi ve sellem, je uporedio mu'mina sa građevinom u njegovom potpomaganju i podupiranju brata mu'mina. Zaista, građevina nije potpuna niti ima od nje koristi ako se njeni dijelovi međusobno ne podupiru, ne bude li tako njeni zidovi će popucati i građevina će se srušiti. Takav je i mu'min, nije neovisan u svojoj vjeri i dunjalučkom životu od pomoći i podrške njegovog brata muslimana. On neće moći ostvariti brojne koristi ako ne bude imao pomagača, a Allah najbolje zna.

### **Pouke hadisa:**

1. Požrtvovanost Poslanika, sallahu alejhi ve sellem, u nastojanju da pojašnjava značenja i približava ih ljudskom razumu praveći poređenja i navodeći primjere.
2. Podsticanje na međusobno potpomaganje među mu'minima.

### **Pitanja:**

1. Navedi biografiju ravije ovog hadisa.
2. Kada mu'min postaje jači u svojoj vjeri i dunjalučkom životu?
3. Sa čim se upoređuje lijepa, jaka i čvrsta građevina?

## **OSMI HADIS**

### **PREPORUČLJIVOST LIJEPOG GOVORA I VEDRALICA**

عن أبي ذر ر، قال: قال لي رسول الله ﷺ: " لا تحقرنَّ من المعروفِ شيئاً، ولو أن تلقى أخاك بوجهٍ طلقٍ ".

---

<sup>1</sup> Buharija (2/862), broj 2446, Knjiga o sporenju, poglavlje: Pomoć mazlumu, i Muslim (4/1999), broj 2585, Knjiga o dobročinstvu, održavanju rodbinskih veza i adabima, poglavlje: Samilost, suosjećanje i potpomaganje između mu'mina.

Prenosi Ebu-Zerr, radijallahu anhu, da je Poslanik, sallahu alejhi ve sellem, rekao: "**Ne omalovažavaj ništa od dobrih djela, pa makar to bilo da sretnoš svoga brata vedra lica.**"<sup>1</sup>

### **Biografija ravije:**

Biografija ovog ravije je spomenuta u komentaru trećeg hadisa.

### **Kratki komentar hadisa:**

Poučava nas ovaj hadis da musliman ne treba potcjenjivati ono što Šerijat smatra dobrim. Takođe, poučava nas da musliman prilikom susreta sa svojim bratom muslimanom bude veseo i nasmijan, jer ljudi umanjuju značaj ovog djela i potcjenjuju ga a ne znaju kakav uticaj ima. Susretanje muslimana na takav način budi osjećaj ljubavi i radosti. A vanjski izgled čovjeka govori o njegovoj unutrašnjosti.

### **Pouke hadisa:**

1. Neomalovažavanje dobrog djela pa makar ono bilo sasvim nezatno.
2. Podsticanje na blagost i vedrinu lica u ophođenju sa prijateljima.
3. Podsticanje na ono što jača bratske i islamske veze.

### **Pitanja:**

1. Pojasni značenje hadisa u kratkim crtama.
2. Navedi neke pouke iz hadisa i pojasni ih.
3. Kako hadis upućuje na jačanje imanskih veza?

## **DEVETI HADIS**

### **UDALJAVANJE OD SUMNJIVIH STVARI**

عَنْ أَبِي مُحَمَّدٍ، الْحَسَنِ بْنِ عَلِيٍّ بْنِ أَبِي طَالِبٍ، رَضِيَ اللَّهُ عَنْهُمَا، سَبَّطِ رَسُولِ اللَّهِ ﷺ وَرِيحَانَتِهِ قَالَ : حَفِظْتُ مِنْ رَسُولِ اللَّهِ ﷺ ” دَعُ مَا يَرِيْبُكَ إِلَى مَا لَا يَرِيْبُكَ “.

Kaže Ebu-Muhammed Hasan ibn Alijj ibn Ebi-Talib, radijallahu anhuma, sin kćerke Allahovog Poslanika, sallahu alejhi ve sellem, i

---

<sup>1</sup> Muslim (4/2026), Knjiga o dobročinstvu, održavanju rodbinskih veza i adabima, poglavlje: Preporučljivost vedra lica kod susreta.

njegov amidžić: "Zapamtio sam od Allahovog Poslanika, sallahu alejhi ve sellem, da je rekao: '**Ostavi ono što ti je sumnjivo i drži se onog u što nemaš sumnje.**'"<sup>1</sup>

### **Značenje manje poznatih riječi:**

ono što ti je sumnjivo – nejasne stvari

onog u što nemaš sumnje - ono što je jasno i dozvoljeno

### **Biografija ravije:**

Hasan ibn Alij ibn Ebi-Talib el-Hašimi el-Kureši, radijallahu anhumu, je plemeniti ashab, rođen je u Medini. Bio je razborit, blag, dobroćudan i rječit, od najumnijih i najpronijljivijih ljudi. U licu je najviše ličio Allahovom Poslaniku, sallahu alejhi ve sellem. Preuzeo je hilefet a zatim odustao od njega i ustupio ga Muaviji, radijallahu anhu. Preselio je 49. god po Hidžri.

### **Kratki komentar hadisa:**

Musliman treba da gradi svoje stvari na jasnom ubjeđenju i na onom što je vjerovatno, te da ima znanja o svojoj vjeri, kako ne bi čineći nejasne i sumnjive stvari upao u haram. Ukazuje nam ovaj hadis na obavezu ostavljanja onog u čiju dozvoljenost sumnjamo i uzimanja onog u što nemamo sumnju, sa čim je srce smireno i duša zadovoljna. Zato, čuvaj se, muslimanu, da radiš ono u šta sumnjaš. A ako ti je neka stvar nejasna, pitaj o njoj i ne upuštaj se u nju sve dok ne budeš znao da je dozvoljena, izvršavajući naredbu Allahovog Poslanika, sallahu alejhi ve sellem.

### **Pouke hadisa:**

1. Naredba da se ostavlja sve u čemu ima podozrivosti i sumnje u stvarima vjere i dunjaluka i da se drži onoga što je sasvim jasno.
2. Zabrana ulaženja u sumnjive stvari.

### **Pitanja:**

1. Navedi neke karakteristike Hasana ibn A'lijja, radijallahu anhumu, i kada je preselio na ahiret?
2. Navedi dvije pouke iz hadisa.

---

<sup>1</sup> Tirmizi (4/668), broj 2518, i kaže: "Ovaj hadis je hasen sahih", i Nesai u zbirci Es-Sunen es-sugra (8/327), broj 5711, poglavlje: Podsticanje na ostavljanje sumnjivih stvari.

## DESETI HADIS

### ISLAM ZABRANJUJE MITO

عن أبي هريرة ؓ، قال : ” لَعَنَ رَسُولُ اللَّهِ ﷺ الرّاشي والمُرْتشي“.

Prenosi se od Ebu-Hurejre da je rekao: "Prokleo je Allahov Poslanik, sallahu alejhi ve sellem, onog koji podmićuje i onog koji prima mito."<sup>1</sup>

#### **Značenje manje poznatih riječi:**

prokleo je Allahov Poslanik, sallahu alejhi ve sellem – dovio da ga Allah udalji od Svoje milosti  
onog koji podmićuje – ko daje svoj imetak da bi dobio ono na šta nema pravo

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

Prenosi nam Ebu-Hurejre, radijallahu anhu, da je Poslanik, sallahu alejhi ve sellem, molio Allah da udalji od Svoje milosti onog koji podmićuje. A to je onaj koji daje imetak nekom čovjeku da bi tako pridobio njegovu naklonost i da bi mu ovaj zauzvrat dao ono na šta neko drugi ima pravo kako bi tim mitom ostvario cilj na nepošten način. Prokleo je Allahov Poslanik, sallahu alejhi ve sellem, i onog koji prima mito jer uzima imetak na nedozvoljen i nepošten način. Zato treba musliman da bude daleko od sumnjivih stvari kako ne bi izložio samog sebe Allahovoj srdžbi i kazni.

#### **Pouke hadisa:**

1. Daleko je od Allahove milosti onaj koji daje mito i koji ga uzima.
2. Mito je veliki grijeh.
3. Mito je zabranjeno zbog velike štete koju nanosi muslimanskoj zajednici.

#### **Pitanja:**

1. Kakva kazna čeka onog koji uzima mito?
2. Zašto je Uzvišeni Allah zabranio mito?

#### **JEDANAESTI HADIS**

### **KO UKAŽE NA DOBRO IMA NAGRADU ONOG KO GA RADI**

---

<sup>1</sup> Tirmizi (3/622), broj 1336, poglavlje: Ono što je prenešeno o propisu onog koji podmićuje i onog koji prima mito, i u hadisu je dodata riječ "u sudu", i Ahmed u svom Musnedu (2/387), broj 9011 i 9019, sa tekstom: "Prokleo je Allah ..."

عن أبي هريرة  $\tau$  ، أن رسول الله  $\rho$  قال : ”من دعا إلى هدى كان له من الأجر مثل أجور من تبعه لا ينقص ذلك من أجورهم شيئاً. ومن دعا إلى ضلالة كان عليه من الإثم مثل آثام من تبعه لا ينقص ذلك من آثامهم شيئاً“.

Prenosi Ebu-Hurejre, radijallahu anhu, da je Allahov Poslanik, sallahu alejhi ve sellem, rekao: "**Ko poziva u hidajet ima nagradu poput nagrade onih koji ga slijede, a to neće njihove nagrade nimalo umanjiti. A ko poziva u dalalet ima grijeh poput grijeha onih koji ga slijede, a to neće njihove grijeha nimalo umanjiti.**"<sup>1</sup>

### **Značenje manje poznatih riječi:**

hidajet – lijepa stvar koja se podudara sa Šerijatom

onih koji ga slijede – koji mu se odazovu i rade po onome u šta poziva

dalalet – ružna stvar koja se suprostavlja Šerijatu

### **Biografija ravije:**

Biografija ovog ravije je spomenuta u komentaru petog hadisa.

### **Kratki komentar hadisa:**

Poslanik, sallahu alejhi ve sellem, podstiče svoj ummet da rade dobra djela i pozivaju u njih. Onaj ko ukaže drugom na uputu stiže kod Uzvišenog Allaha ogromnu nagradu, s tim da ova nagrada ne umanjuje nagradu onih koji ga slijede, a ko ukaže na dobro ima nagradu onog ko ga radi. Ko navede nekog na grijeh, ili mu naredi da ga radi, ili ga pomogne u tom grijehu, ima grijeh poput grijeha onih koji ga slijede. Pa kakav je grijeh tek onima koji okrećući se od Allahova šerijata sude ljudima po zakonima koje su ljudi izmislili i podržavaju ateistička upropaštjuća shvatanja. Svi ovi su okrenuli leđa Allahovoj knjizi i zalutali sa Pravog puta. I oni imaju grijeh za sve ove zablude koje su upropastile mnogu omladinu i odvele ih sa pravog puta.

### **Pouke hadisa:**

1. Vrijednost pozivanja na dobro i da je njegova nagrada ogromna.
2. Nagrada onog koji poziva ne umanjuje nagradu onih koji ga slijede.
3. Žestoka opomena svakom onom ko poziva u novotariju i dalalet i svakom onom ko uzrokuje skretanja ljudi sa istine.

### **Pitanja:**

---

<sup>1</sup> Muslim (4/2060), broj 2674, Knjiga o znanju, poglavlje: Ko uvede lijep ili loš sunnet i ko poziva u hidajet ili dalalet.

1. Kakva je nagrada onome ko poziva ili uputi nekog od ljudi da uradi neko dobro djelo?
2. Kakva je kazna za onog ko pomogne u činjenju grijeha?
3. Kaži nešto o vrijednosti da'veta (pozivanja u Allahovu vjeru) oslanjajući se na ovaj hadis.

## **DVANAESTI HADIS**

### **PODSTICANJE NA TRAŽENJE ZNANJA**



عن أبي الدرداء ر، قال: سمعت رسول الله ص يقول: "مَنْ سَلَكَ طَرِيقاً يَبْتَغِي فِيهِ عِلْماً سَهَّلَ اللَّهُ لَهُ طَرِيقاً إِلَى الْجَنَّةِ، وَإِنَّ الْمَلَائِكَةَ لَتَتَّضِعُ أَجْنِحَتَهَا لِطَالِبِ الْعِلْمِ رِضاً بِمَا صَنَعَ، وَإِنَّ الْعَالِمَ لَيَسْتَغْفِرُ لَهُ مَنْ فِي السَّمَاوَاتِ وَمَنْ فِي الْأَرْضِ، حَتَّىٰ الْحَيْتَانُ فِي الْمَاءِ، وَفَضْلُ الْعَالِمِ عَلَى الْعَابِدِ كَفَضْلِ الْقَمَرِ عَلَى سَائِرِ الْكَوَاكِبِ، وَإِنَّ الْعُلَمَاءَ وَرَثَةُ الْأَنْبِيَاءِ، وَإِنَّ الْأَنْبِيَاءَ لَمْ يُورَثُوا دِينَاراً وَلَا دِرْهماً، إِنَّمَا وَرَثُوا الْعِلْمَ، فَمَنْ أَخَذَهُ أَخَذَ بِحِطِّ وَافِرٍ".

Kaže Ebu-Derda, radijallahu anhu: Čuo sam Allahovog Poslanika da je rekao: "Ko se uputi putem tražeći na njemu znanje, Allah će mu olakšati put u Džennet. I zaista, melec podmeću svoja krila onom ko traži znanje iz zadovoljstva sa onim što radi. Zaista, za učenog traži oprost sve što je na nebesima i na Zemlji, pa čak i ribe u vodi. Vrijednost učenog nad pobožnim je kao vrijednost Mjeseca nad ostalim zvijezdama. Učenjaci su, zaista, nasljednici vjerovijesnika, a vjerovijesnici nisu ostavili u nasljedstvo ni dinare ni dirhme, nego su ostavili u nasljedstvo znanje, pa ko ga uzme uzео je ogroman udio."<sup>1</sup>

#### **Biografija ravije:**

'Uvejmir ibn Zejd ibn Kajs ibn Umejete el-Hazredži el-Ensari, radijallahu anhu, je plemeniti ashab, bio je fakih, zahid i hafiz Kur'ana. Hrabro se borio u Bici na Uhudu i učestvovao je u svim bitkama poslije Uhuda. Bio je kadija Šama i učenjak Palestine. Preselio je 32. god. po Hidžri.

#### **Kratki komentar hadisa:**

Znanje je od najvažnijih temelja islamske civilizacije koja je učvrstila svoje osnove na nauci u svim oblastima života. Pojašnjava nam Poslanik, sallahu alejhi ve sellem, u ovom hadisu da onaj ko se trudi u traženju šerijatskog znanja, prisustvuje predavanjima i halkama učenjaka i ponavlja to znanje, Allah će mu učiniti lakim znanje koje traži i put kojim je kreno. Bude li na putu sticanja znanja tražio Allahovo zadovoljstvo, Allah će mu omogućiti da radi po tom znanju, te će ono biti razlog njegove upute, uspjeha i zadobijanja nagrade Uzvišenog Allaha.

Onoga dana kada islamski ummet izvrši svoju obavezu prema korisnom znanju vratiće mu se njegov prvobitni ugled koji je imao među drugim narodima. A među generacijama islamske omladine se nalaze oni koji vode računa o ovoj obavezi, inšaallah.

<sup>1</sup> Ebu-Davud (3/317), broj 3641, Knjiga o znanju, poglavlje: Podsticanje na traženje znanja, i Tirmizi (5/48), broj 2682, Knjiga o znanju, poglavlje: Ono što je prenešeno o prednosti znanja nad ibadetom.

**Pouke hadisa:**

1. Vrijednost traženja znanja i podsticanje na to.
2. Sva stvorenja traže oprost za onog ko traži znanje.
3. Prednost učenjaka koji radi po svom znanju nad pobožnjakom.
4. Razlika između učenjaka i pobožnjaka je poput razlike između punog Mjeseca i ostalih zvijezda.

**Pitanja:**

1. Šta vjerovjesnici ostavljaju u nasljedstvo? Ko su nasljednici vjerovjesnika?
2. Ko je vredniji mudžahid ili učenjak?
3. Navedi tri vrline onog ko traži znanje?

**TRINAESTI HADIS****OBAVEZA ČUVANJA EMANETA**

عن أبي هريرة  $\tau$  قال: قال رسول الله  $\rho$ : "أدِّ الأمانةَ إلى مَنْ ائْتَمَكَ ولا تخُنْ مِنْ خَائِكَ".

Prenosi Ebu-Hurejre, radijallahu anhu, da je Allahov Poslanik, sallahu alejhi ve sellem, rekao: "**Čuvaj emanet onom ko ti ga je povjerio i nemoj iznevjeriti onog ko te je iznevjerio.**"<sup>1</sup>

### **Značenje manje poznatih riječi:**

emanet – sve ono što je povjereno na čuvanje od imetka, tajni i slično

### **Biografija ravije:**

Biografija ovog ravije je spomenuta u komentaru petog hadisa.

### **Kratki komentar hadisa:**

Naređuje Poslanik, sallahu alejhi ve sellem, u ovom hadisu da se čuva emanet i preda njegovom vlasniku. Emanet obuhvata ono što je posuđeno ('arija), ono što je dato na čuvanje (vedia') i slično. Emanet ima veliko mjesto u islamu, on je pohvalna osobina kojom treba da se okiti svaki musliman.

Ako je osoba povjerljiva, poštuju ju je ljudi i svi imaju u nju povjerenja, a isto tako, ta plemenita osobina mu daje ugled u porodici i rodbini. Učitelj koji savjesno obavlja svoju obavezu smatra se povjerljivim, Allah mu zahvaljuje na radu a takođe su mu zahvalni i svi ljudi, i učenik koji izvršava svoje zadatke i čuva imetak, tajnu ili čast koje su mu povjerene, smatra se povjerljivim i zaslužuje svaku pohvalu. A onaj koji porekne i zataji povjereni emanet i ne vodi brigu o onom što mu je dato na čuvanje, bilo da je to imetak, tajna ili čast, zaista će ga to odvesti u propast i poniženje na dunjaluku. Pa ako je bio službenik biće otpušten iz službe, a ako je bio trgovac napustiće ga ljudi i neće imati povjerenja u njegovu trgovinu.

Zbog toga, treba svaki musliman da je povjerljiv u imetku koji su mu dali ljudi, tako što će ga čuvati da se ne izgubi ili ne pokvari. I treba da vodi računa o tajnama i časti koji su mu povjereni, te da se ophodi prema ljudima onako kako vole da se oni prema njemu odnose, jer nema imana onaj ko nema emaneta.

### **Pouke hadisa:**

1. Vadžib je da se povjereni emanet vrati njegovom vlasniku.
2. Zabranjeno je da se pronevjera uzvrati pronevjerom.

### **Pitanja:**

---

<sup>1</sup> Ebu-Davud (2/290), broj 3535, poglavlje: Čovjek koji uzima svoje pravo iz tuđeg imetka koji je pod njegovom upravom, i Tirmizi (3/564), broj 1264, i kaže: "Ovaj hadis je hasen garib."

1. Kakvo je mjesto povjerljive osobe kod njegove rodbine i onih koji ga okružuju?
2. Kada se smatra neka osoba povjerljivom? A kako će završiti ko zaniječe povjerenu stvar?
3. Navedi nake pouke iz hadisa.

## ČETRNAESTI HADIS

### VRIJEDNOST DŽIHADA NA ALLAHOVOM PUTU

عن أبي موسى الأشعري  $\tau$  قال: قال رسول الله  $\rho$ : ”من قَاتَلَ لِنَتُّوَنَ كَلِمَةَ  
اللهِ هِيَ الْعُلْيَا فَهُوَ فِي سَبِيلِ اللهِ“.

Prenosi Ebu-Musa el-Eš'ari, radijallahu anhu, da je Allahov Poslanik, sallahu alejhi ve sellem, rekao: "**Ko se bori da Allahova riječ bude gornja on se bori na Allahovom putu.**"<sup>1</sup>

### **Biografija ravije:**

Biografija ovog ravije je spomenuta u komentaru sedmog hadisa.

### **Kratki komentar hadisa:**

Džihad na Allahovom putu je jedno od najboljih djela, pa tako onaj koji se bori na Allahovom putu da bi Allahova riječ bila gornja ima nagradu i sevap kod Allaha. Međutim, ne bori se na Allahovom putu onaj ko se bori radi plijena, ili da bi se čulo o njemu, da bi ljudi govorili: zaista je on hrabar, ili ko udijeli nešto od imetka sa ciljem da zadobije neku dunjalučku korist, kao kada bi htio da se o njemu čuje putem štampe tako da se njegovo ime nađe na listi onih koji su dali dobrovoljne priloge. To je zato što Uzvišeni Allah prima samo ono djelo sa kojim se traži Njegovo lice i koje je čisto od primjesa nastojanja da bi bio viđen i da se o njemu čuje.

### **Pouke hadisa:**

1. Ukazivanje na visoko mjesto džihada na Allahovom putu i njegovoj vrijednosti.
2. Nastojanje čojeka da ga drugi vide u činjenju ibadeta poništava njegovo djelo.
3. Pokuđenost pretjerane ljubavi prema dunjaluku i borbe radi nečeg drugog mimo Allahovog zadovoljstva.

### **Pitanja:**

1. Opiši vrijednost džihada na Allahovom putu.
2. Ako se čovjek bori da bi postao poznat ili zbog toga udijeli nešto iz imetka, da li se on bori na Allahovom putu? Pojasni svoj odgovor.
3. Kaži nešto o važnosti iskrenog nijjeta oslanjajući se na ovaj hadis.

### **PETNAESTI HADIS**

## **ZABRANA ŠIRKA, NEPOSLUŠNOSTI RODITELJIMA I LAŽNOG SVJEDOČENJA**

عن أبي بكرة  $\tau$ ، قال: قال رسول الله  $\rho$ : «ألا أنبئكم بأكبر الكبائر؟ قلنا: بلى يا رسول الله قال: الإشرāk بالله وِعُفُوقُ الوَالِدِينَ وَكَانَ مُتَكِنًا فَجَلَسَ فَقَالَ: أَلَا وَقَوْلُ الزُّورِ، وَشَهَادَةُ الزُّورِ فَمَا زَالَ يُكْرِرُهَا حَتَّى قُلْنَا لَيْتَهُ سَكَتَ».

<sup>1</sup> Buharija (1/58), broj 123, Knjiga o znanju, poglavlje: Ko pita stojeći učenjaka koji sjedi, i Muslim (2/1512), broj 1904, Knjiga o upravi, poglavlje: Ko se bori da Allahova riječ bude gornja on se bori na Allahovom putu.

Prenosi Ebu-Bekre, radijallahu anhu, da je Poslanik, sallahu alejhi ve sellem, rekao: "**Hoćete li da vas obavijestim o najvećem velikom grijehu?**" Rekli smo: "Svakako, Allahov Poslaniče" Kaže: "**Činjenje širka Allahu (pridruživanje Allahu druga) i neposlušnost roditeljima**". Dok je ovo govorio bio je naslonjen sjedeći pa se ispravi i reče: "**Zar ne, lažan govor i lažno svjedočenje**", i neprestano je to ponavljao tako da smo rekli kamo sreće da ušuti (suosjećajući sa njim).<sup>1</sup>

### **Značenje manje poznatih riječi:**

neposlušnost roditeljima – ponižavanje roditelja riječima ili djelom

### **Biografija ravije:**

Nufe'j ibn el-Haris ibn Klede es-Sekfi, radijallahu anhu, je plemeniti ashab, nazvan je Ebu-Bekre jer se u Bici na Taifu uhvatio za mladu devu i pobjegao od svog naroda, došao Poslaniku, sallahu alejhi ve sellem, i primio islam na njegovim rukama. Prenio je nekoliko hadisa Allahovog Poslanika, sallahu alejhi ve selem, i učestvovao u nekoliko bitki. Preselio je 51. god. po Hidžri.

### **Kratki komentar hadisa:**

Velikih grijeha ima mnogo a najveći od njih je širk, tj. pridruživanje Uzvišenom Allahu druga u stvaranju, u činjenju ibadeta ili u Njegovim imenima i svojstvima. Spomenuo je prvo širk jer je on najveći grijeh.

Zatim je naveo neposlušnost roditeljima. To je ogroman grijeh i Allah opominje žestokom kaznom one koji su neposlušni roditeljima. Zato je vadžib muslimanu da roditeljima dobročinstvo čini, pa njih dvoje su se brinuli o njemu sa nježnošću i pažnjom odmalehna. Uzvišeni Allah je naredio činjenje dobročinstva roditeljima, a zabranio neposlušnost, kao što je rekao:

{ وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا إِمَّا يَبُلُغَنَّ عِنْدَكَ الْكِبَرَ أَحَدُهُمَا أَوْ كِلَاهُمَا فَلَا تَقُلْ لَهُمَا آفٌ وَلَا تُنْهَرُهُمَا وَقُلْ لَهُمَا قَوْلًا كَرِيمًا \* وَاخْفِضْ لَهُمَا جَنَاحَ الذَّلْمِ مِنَ الرَّحْمَةِ وَقُلْ رَبِّ ارْحَمْهُمَا كَمَا رَبَّيْتَنِي صَغِيرًا }

*"Gospodar tvoj zapovijeda da se samo Njemu klanjate i da roditeljima dobročinstvo činite. Kad jedno od njih dvoje , ili oboje, kod tebe starost dožive, ne reci im ni: "Uh!" i ne podvikni na njih, i obraćaj im se riječima poštovanja punim. Budi prema njima pažljiv i ponizan i reci: 'Gospodaru moj, smiluj im se, oni su mene, kad sam bio dijete,*

---

<sup>1</sup> Buharija (2/939), broj 2654, Knjiga svjedočenja, poglavlje: Ono što je rečeno o lažnom svjedočenju, i Muslim (1/91), broj 87, Knjiga o iman, Poglavlje o velikim grijesima i najvećem velikom grijehu.

**njegovali!**<sup>1</sup> I oni su najpreči od svih ljudi da im se bude pokoran i poslušan i da im se izražava poštovanje. Poslušnost roditeljima je stroga obaveza sve dok ne naredi ono u čemu je grijeh.

Veliki grijeh je, takođe, laž i namjerno lažno svjedočenje. Poslanik, sallahu alejhi ve sellem, je posebno istakao lažno svjedočenje zato što su lažan govor i lažno svjedočenje lahki na jeziku, ljudi su nemarni prema njima i mnogo je razloga koji ih uzrokuju, poput mržnje, neprijateljstva i sličnog. Ponovio je ovu riječ nekoliko puta tako da su ashabi rekli kamo sreće da ušuti iz samilosti prema njemu i preziranja onog što ga uznemirava.

Zato je na onom koga je Allah počastio vjerom islamom da se čuva upadanja u bilo koji veliki grijeh i tako izloži samog sebe Allahovoj srdžbi i kazni.

#### **Pouke hadisa:**

1. Poslanik, sallahu alejhi ve sellem, poučava i savjetuje svoje ashabe.
2. Zabrana širka i neposlušnosti roditeljima.
3. Zabrana laži i lažnog svjedočenja.
4. Suosjećanje ashaba sa Poslanikom, sallahu alejhi ve sellem, i njihovo preziranje onog što ga uznemirava.

#### **Pitanja:**

1. Šta se podrazumijeva pod najvećim velikim grijesima? Navedi ih.
2. Ako otac naredi svom sinu da ponudi goste alkoholnim pićem, da li ga treba poslušati?
3. Navedi tri harama spomenuta u ovom hadisu.
4. Zašto je Poslanik, sallahu alejhi ve sellem, ponovio nekoliko puta zabranu laži i lažnog svjedočenja?

## **ŠESNAESTI HADIS**

### **ZABRANA VARANJA**

عن أبي هريرة  $\tau$  : ” أن رسول الله  $\rho$  مرَّ في السُّوقِ عَلَى صُبْرَةٍ طَعَامٍ فَأَدْخَلَ يَدَهُ فِيهَا فَنَالَتْ أَصَابِعُهُ بِلَأً فَقَالَ: مَا هَذَا يَا صَاحِبَ الطَّعَامِ؟ قَالَ: يَا رَسُولَ اللَّهِ أَصَابَتْهُ السَّمَاءُ، قَالَ: أَفَلَا جَعَلْتَهُ فَوْقَ الطَّعَامِ حَتَّى يَرَاهُ النَّاسُ؟! وَقَالَ: مَنْ عَشَّ فَلَيْسَ مِنَّا“.

Prenosi Ebu-Hurejre da je Allahov Poslanik, sallahu alejhi ve sellem, idući pijacom naišao na gomilu hrane koja se prodaje, stavio je

---

<sup>1</sup> El-isra', 23-24

svoju ruku u tu gomilu i na prstima su mu ostali tragovi vlažnosti, pa reče: **"Šta je ovo, vlasniče hrane?"** Kaže: "Pokislo je, o Allahov Poslaniče." Pa mu reče: **"A zašto nisi pokvarenu hranu stavio iznad da je vide ljudi? Onaj ko vara nije od nas."**<sup>1</sup>

### **Biografija ravije:**

Biografija ovog ravije je spomenuta u komentaru petog hadisa.

### **Kratki komentar hadisa:**

Poučava nas Poslanik, sallahu alejhi ve sellem, u ovom hadisu kako treba da se ophode ljudi jedni prema drugima u njihovim trgovinskim relacijama. Nije im dozvoljeno da jedni druge obmanjuju i varaju jer to raspaljuje u njihovim prsima mržnju, širi zlobu i kida islamske bratske veze, a to je ono što islam ne želi od svojih sljedbenika. Naime, islam podstiče da prodavač spomene mahane robe koju prodaje, i da pojasni njene karakteristike od kojih zavisi interes mušterije. A ako ne postupi ovako smatra se varalicom i obmanjivačem izlažući samog sebe Allahovoj srdžbi i kazni.

### **Pouke hadisa:**

1. Obaveza je prodavaču da spomene mahane robe koju prodaje i da opiše njene karakteristike.
2. Zabrana varanja u međuljudskim postupcima i žestoka opomena onima koji to rade.
3. Vadžib je muslimanima da se međusobno savjetuju.

### **Pitanja:**

1. Je li dozvoljeno prodavati robu sa mahanom?
2. Zašto je Uzvišeni Allah zabranio mu'minima varanje?
3. Pojasni kako ovaj hadis upućuje na obavezu savjetovanja muslimana.

---

<sup>1</sup> Muslim (1/99), broj 102, Knjiga o imanu, poglavlje: Riječi Poslanika, sallahu alejhi ve sellem: "Ko nas vara nije od nas", i Tirmizi (3/606), broj 1315, poglavlje: Ono što je prenešeno o zabrani varanja u trgovini, i kaže Tirmizi : "Hadis je hasen sahih."



## SEDAMNAESTI HADIS

### ZABRANA NEMIMETA

عن ابن مسعود ، أن رسول الله ﷺ قال: ” ألا هل أنبئكم ما العضة؟ هي  
النميمة، القالة بين الناس“.

Prenosi Abdullah ibn Mes'ud, radijallahu anhu, da je Poslanik, sallahu alejhi ve sellem, rekao: "**Zar nećete da vas obavijestim šta je 'iddatu (ujed)? To je nemimet, govorkanje među ljudima.**"<sup>1</sup>

---

<sup>1</sup> Muslim (4/2012), broj 2606, Knjiga o dobročinstvu, održavanju rodbinske veze i adabima, Poglavlje o nemimetu.

### **Značenje manje poznatih riječi:**

nemimet – prenošenje tuđeg govora s ciljem sisanja fesada među ljudima

### **Biografija ravije:**

Ebu-Abdurrahman Abdullah ibn Mes'ud je plemeniti ashab, jedan od prvih muslimana. Ubraja se među najplemenitije ashabe, i najučenije u fikhu i kiraetu. Od Alahovog Poslanika je naučio napamet sedamdeset sura. Preselio je 32. god. po Hidžri u Medini napunivši šezdesetu godinu, radijallahu anhu.

### **Kratki komentar hadisa:**

Islam je din koji poziva u prijateljstvo, uzajamnu ljubav i potpomaganje među mu'minima, i odvraća od preziranja i međusobne mržnje. A ono što najviše ruši društvo i kida veze uzajamne ljubavi je nemimet. Nemimet razjaruje neprijateljstvo i rađa međusobnu netrpeljivost. Često onaj koji čini nemimet i služi se lažima učini više nereda u jednom satu od sihrbaza u jednoj godini. Pa na tebi je, o učeniče, da dobro provjeravaš ono što čuješ i da ne prihvataš sumnjive i neprovjerene riječi, našto upućuju riječi Uzvišenog:

{ يَا أَيُّهَا الَّذِينَ آمَنُوا إِنْ جَاءَكُمْ فَاسِقٌ بِنَبَأٍ فَتَبَيَّنُوا أَنْ تُصِيبُوا قَوْمًا بِجَهَالَةٍ فَتُصْبِحُوا عَلَىٰ مَا فَعَلْتُمْ نَادِمِينَ }

*"O vjernici, ako vam nekakav nepošten čovjek donese kakvu vijest, dobro je provjerite, da u neznanju nekome zlo ne učinite, pa da se zbog onoga što ste učinili pokajete."*<sup>1</sup> Pa se čuvaj i dobro pazi onog koji čini nemimet, to je osoba u kojoj nema plemenitosti, niti ahlaka. On namjerno čini neprijatnosti ljudima i raduje se njihovim nevoljama. Da nas Allah sačuva od njegova zla.

### **Pouke hadisa:**

1. Zabrana gibeta (ogovaranja) i nemimeta.
2. Nemimet je veliki grijeh.

### **Pitanja:**

1. Šta je to nemimet?
2. Zašto je Allah zabranio nemimet?
3. Kako je obaveza da se postupi spram onog koji čini nemimet?

---

<sup>1</sup> El-Hudžurat, 6.

## OSAMNAESTI HADIS

### OBAVEZA TAČNOG MJERENJA NA LITRI I KANTARU

عن ابن عباس رضي الله عنهما قال: لما قدم النبي صلى الله عليه وسلم المدينة كانوا من أحبب الناس كيلاً فأنزل الله سبحانه: { وَيَلِّ لِلْمُطَفِّينَ } ، فأحسنوا الكيل بعد ذلك.

Kaže Abdullah ibn 'Abbas, radijallahu anhuma: "Kada je Poslanik, sallahu alejhi ve sellem, došao u Medinu njeni stanovnici su bili među najpokvarenijim ljudima u vaganju kantarom, pa je Uzvišeni Allah

objavio: "*Teško onima koji pri mjeranju zakidaju*", pa su poslije toga pošteno vagali na kantar. <sup>1</sup>

### **Značenje manje poznatih riječi:**

onaj koji pri mjeranju zakida - onaj koji pri vaganju na litri ili kantar zakida

### **Biografija ravije:**

Abdullah ibn 'Abbas ibn Abdulmuttalib ibn Hašim, Kureši Hašimi je plemeniti ashab, učenjak ovog ummeta, mufesir i fakih. Spada među najplemenitije ashabe, i među one koji prenose najviše hadisa. Preselio je 68. god. po Hidžri u Taifu, u 72. godini života.

### **Kratki komentar hadisa:**

Obilježja islama i njegovu uzvišeni principi naređuju da se pošteno i tačno mjeri na litri i kantar, a zabranjuju zakidanje, i zahtijevaju iskrenost u međuljudskim relacijama i da se da svakom njegovo potpuno pravo. Kaže Uzvišeni Allah:

{ وَيَلِّ لِلْمُطَّقِينَ \* الَّذِينَ إِذَا اكْتَالُوا عَلَى النَّاسِ يَسْتَوْفُونَ \* وَإِذَا كَالَوْهُمْ أَوْ وَزَنُوهُمْ يُخْسِرُونَ }

*"Teško onima koji pri mjeranju zakidaju, koji punu mjeru uzimaju kad od drugih kupuju, a kad drugima mjere na litar ili na kantar zakidaju."*<sup>2</sup>

Kažu mufesiri: Došao je Poslanik, sallahu alejhi ve sellem, u Medinu a Medinjani su zakidali na litri i kantar onima koji nisu iz Medine, a uzimali su punu mjeru kad od drugih kupuju... I kažu, takođe: U Medini je bio čovjek koji se zvao Ebu-Džuhejne, imao je dvije posude za mjerenje sa'a<sup>3</sup>, onom koja vaga punu mjeru vagao bi sebi kada kupuje, a onom koja vaga zakidajući vagao bi drugima kada prodaje.

A Uzvišeni Allah je učinio muslimana pravednim u vaganju na litri i kantar. Kada vaga nekom drugom ne zakida njegovo pravo, nego mu ga da u potpunosti, i iskren je u trgovanju sa njim kako bi imao bereketa na dunjaluku i veliku nagradu na ahiretu. Jer onaj koji zakida na litri i kantar izlaže sebe Allahovoj srdžbi i kazni na dunjauku i ahiretu, kao što se desilo prijašnjim narodima koji su kada kupuju uzimali punu mjeru, a mjereći drugima zakidali.

---

<sup>1</sup> Ibn-Madže, Knjiga o trgovini, poglavlje: Predostrožnost u vaganju na litri i kantar, broj 2223, Šejh Albani smatra da je hadis hasen, a kaže El-Busajri: "Ovaj sened je hasen. Učenjaci hadisa imaju različito mišljenje oko Alije ibn el-Husjen ibn Vakid, a ostali prenosioci hadisa su pouzdani. "

<sup>2</sup> El-Mutaffifin, 1-3.

<sup>3</sup> Sa'a je mjera za zapreminu u iznosu od četiri pregršti.

### **Pouke hadisa:**

1. Podsticanje na poštenje pri mjeranju na litri i kantar u trgovanju.
2. Musliman treba da voli drugima ono što voli samom sebi.
3. Zabranjeno varanje prilikom kupovine, prodaje i sličnog.
4. Onaj ko zakida pri mjeranju na litri i kantar opominje se propašću.

### **Pitanja:**

1. Šta naređuju principi islama? A šta zabranjuju pri mjeranju na litri i kantar?
2. Koja je kazna onom ko vara na litri i kantar?
3. Koje koristi stiže onaj koji je iskren pri mjeranju na litri i kantar?

## **DEVETNAESTI HADIS**

### **ZABRANA MEĐUSOBNE MRŽNJE I ZAVISTI**

عن أنس بن مالك ، أن النبي ﷺ قال : « لا تَبَاعِضُوا ، ولا تَحَاسَدُوا ، ولا تَدَابِرُوا ، ولا تَقَاطِعُوا ، وكُونُوا عِبَادَ اللَّهِ إِخْوَانًا ، ولا يَحِلُّ لِمُسْلِمٍ أَنْ يَهْجُرَ أَخَاهُ فَوْقَ ثَلَاثٍ » .

Prenosi Enes ibn Malik, radijallahu anhu, da je Poslanik, sallahu alejhi ve sellem, rekao: "**Nemojte se međusobno mrziti, zavidjeti jedni drugima, biti u neprijateljstvu niti prekidati međusobne odnose, budite, o Allahovi robovi, braća. Nije dozvoljeno muslimanu da**

**izbjegava svoga brata muslimana (tj. da bude u svadi sa njim) više od tri dana."**<sup>1</sup>

**Značenje manje poznatih riječi:**

zavist – kada čovjek želi da nestane blagodat koju je Allah dao njegovom bratu muslimanu

**Biografija ravije:**

Biografija ovog ravije je spomenuta u komentaru drugog hadisa.

**Kratki komentar hadisa:**

Poučava nas Poslanik, sallahu alejhi ve sellem, u ovom hadisu u kakvim međusobnim odnosima je nama vadžib da budemo. To jest, vadžib nam je da budemo braća koja se vole, žive u međusobnoj ljubavi, koja se ophode jedni prema drugima najljepšim islamskim adabima. Ti islamski adabi vode nas prema islamskom ahlaku i udaljavaju nas od pokvarenog morala, čiste naša srca od mržnje i čine naše ponašanje plemenitim islamskim ponašanjem. Ovaj hadis nam govori da je bratska veza u islamu jača od veza po porijeklu i krvi, jer je temelj bratske veze vjerovanje u Allaha, stoga nije dozvoljeno muslimanu da ne govori sa svojim bratom muslimanom ili da ga izbjegava više od tri dana, osim ako za to ima šerijatski razlog želeći time da ovaj ostavi grijeh zbog kojeg ga izbjegava.

**Pouke hadisa:**

1. Zabrana međusobne mržnje, zavisti, neprijateljstva i prekidanja odnosa.
2. Zabrana uznemiravanja muslimana na bilo koji način.
3. Zabrana izbjegavanja brata muslimana više od tri dana.
4. Islamski moral nema ništa sa gore spomenutim stvarima.

**Pitanja:**

1. Zašto su Uzvišeni Allah i Njegov Poslanik, sallahu alejih ve sallem, zabranili zavist i neprijateljstvo među muslimanima?
2. Kada je dozvoljeno muslimanu da izbjegava brata muslimana?
3. Kaži nešto o islamskom bratstvu oslanjajući se na ovaj hadis.

---

<sup>1</sup> Buharija (5/2256), broj 6065, Knjiga o adabima, poglavlje: Zabranjena zavist i neprijateljstvo, i Muslim (4/1983), broj 2559, poglavlje: Zabrana međusobne zavisti, mržnje i neprijateljstva.

## DVADESETI HADIS

### ODGOVORNOST SVAKOG POJEDINCA ZA ONO ŠTO MU JE POVJERENO

عن ابن عمر رضي الله عنهما قال : سمعت رسول الله ﷺ يقول : **”كُلُّكُمْ رَاعٍ وَكُلُّكُمْ مَسْئُولٌ عَنْ رَعِيَّتِهِ، وَالرَّجُلُ رَاعٍ فِي أَهْلِهِ وَمَسْئُولٌ عَنْ رَعِيَّتِهِ، وَالْمَرْأَةُ رَاعِيَةٌ فِي بَيْتِ زَوْجِهَا وَمَسْئُولَةٌ عَنْ رَعِيَّتِهَا، وَالْخَادِمُ رَاعٍ فِي مَالِ سَيِّدِهِ وَمَسْئُولٌ عَنْ رَعِيَّتِهِ، وَكُلُّكُمْ رَاعٍ وَمَسْئُولٌ عَنْ رَعِيَّتِهِ.“**

Kaže Ibn-Omer, radijallahu anhumā: Čuo sam Allahovog Poslanika, sallahu alejhi ve sellem, da je rekao: "Svi ste vi pastiri i svi će te biti pitani za svoje stado. Muškarac je pastir u svojoj porodici i biće pitan o svom stadu. Žena je pastirica u kući njenog muža i biće pitana o

**svom stadu. Sluga je pastir u imetku njegovog gospodara i biće pitan o svom stadu. I svi ste vi pastiri i bićete pitani o svom stadu."**<sup>1</sup>

**Biografija ravije:**

Biografija ovog ravije je spomenuta u komentaru šestog hadisa.

**Kratki komentar hadisa:**

Ovaj hadis upućuje da će svaki pojedinac biti pitan o onome što mu je Allah dao na povjerenje. Dužan je da uređuje ono što mu je povjereno, da postupa pravedno i radi na njegovom popravljanju. Obaveza je svima gore spomenutim u hadisu da rade ono što je u koristi onog za koga je odgovoran, da ih savjetuju i poučavaju nužnim stvarima vjere i dunjaluka. Obavezni su, takođe, da iz straha od Allaha lijepo postupaju prema njima kako se ne bi izložili Allahovoj srdžbi i kazni.

**Pouke hadisa:**

1. Podsticanje vladara i staratelja na blagost i davanje savjeta svojim podanicima.
2. Žestoka opomena onom kome bude povjerena stvar muslimana pa je zapostavi i zanemari.
3. Podsticanje staratelja na pravednost prema onima nad kojima je pretpostavljen.

**Pitanja:**

1. Šta je vadžib onom kome budu povjerene stvari muslimana?
2. Kako žena čuva kuću svog muža?
3. Kako radnik i službenik vode računa o njihovom poslu?

---

<sup>1</sup> Buharija (1/304), broj 5188, Knjiga o braku, poglavlje: "Sebe i porodice svoje čuvajte od vatre", i Musim (3/1459), broj 1829, Knjiga o upravi, poglavlje: Vrijednost pravednog imama i kazna imamu zalimu.



## DVADESET I PRVI HADIS

### ISLAMSKI ADABI JEDENJA

عنْ عُمَرَ بْنِ أَبِي سَلَمَةَ قَالَ: كُنْتُ فِي حَجْرٍ رَسُولِ اللَّهِ ﷺ وَكَانَتْ يَدِي تَطِيشُ فِي الصَّحْفَةِ. فَقَالَ لِي: "يَا غُلَامُ! سَمَّ اللَّهُ وَكُلْ بِيَمِينِكَ وَكُلْ مِمَّا يَلِيكَ".

Kaže Omer ibn Ebi-Seleme: "Bio sam pod skrbništvom Allahovog Poslanika, salallahu alejhi ve sellem (i jednom kada smo jeli) uzimao sam rukom hranu sa svih krajeva zdjele. Pa mi reče: '**O mladiću, reci bismillah, jedi desnom rukom i jedi ono što je ispred tebe.**'"<sup>1</sup>

---

<sup>1</sup> Buharija (5/2056), broj 5376, Knjiga o hrani, poglavlje: Izgovaranje bismile prilikom jela, i Muslim (3/1599), broj 2022, Knjiga o piću, poglavlje: Adabi jela i pića i propisi vezani za njih.

### **Biografija ravije:**

Omer ibn Ebi-Seleme ibn Abduled el-Mahzumi je plemeniti ashab, majka mu je Ummu Seleme, žena Poslanika, sallahu alejhi ve sellem. Rođen je druge godine po Hidžri, i odgajan je u kući Poslanika, sallahu alejhi ve sellem. Postavio ga je Alija, radijallahu anhu, namjesnikom Bahrejna. Preselio je u Medini 83. god. po Hidžri, radijallahu anhu.

### **Kratki komentar hadisa:**

U ovom hadisu se skreće pažnja na nekoliko islamskih adaba jedenja o kojima treba voditi računa. Od tih adaba je: izgovaranje bismile prije jela i jedenje desnom rukom. Ovo je dokaz zabrane jedenja i pijenja lijevom rukom, jer je to djelo šejtana, a muslimanu je naređeno da se kloni puta fasika (griješnika) a da ne govorimo šejtana. Dodao je Nafi, jedan od prenosilaca hadisa, uzimanje i davanje (desnom rukom). A isto tako od tih adaba je da musliman jede hranu koja mu je najbliža.

### **Adabi jedenja i pijenja:**

1. Izgovaranje bismile prije jela je mustehab.
2. Ako zaboraviš reći bismillah na početku jela, reci bismillahi evvlehu ve ahirehu.
3. Kada jedeš, jedi desnom rukom, a isto tako kada piješ.
4. Reci elhamdulillah poslije završetka jela i pića.
5. Kada sjedneš da jedeš jedi ono što je ispred tebe.

### **Pitanja:**

1. Navedi adabe na koje je Poslanik, sallahu alejhi ve sellem, skrenuo pažnju Omeru ibn Ebi-Seleme.
2. Šta kaže musliman kada hoće da počne sa jelom?
3. A šta kaže kada završi sa jelom?
4. Ako musliman zaboravi bismilu na početku jela, šta će reći?
5. Navedi dva adaba jedenja.

## DVADESET I DRUGI HADIS

### ADABI KIHANJA

عن أبي هريرة  $\tau$  عن النبي  $\rho$  قال: "إِذَا عَطَسَ أَحَدُكُمْ فَلْيَقُلْ: "الْحَمْدُ لِلَّهِ"،  
وَلْيَقُلْ لَهُ أَخُوهُ أَوْ صَاحِبُهُ: "يَرْحَمُكَ اللَّهُ"، فَإِذَا قَالَ لَهُ: يَرْحَمُكَ اللَّهُ فَلْيَقُلْ: "يَهْدِيكُمْ  
اللَّهُ وَيُصَلِّحُ بِالْكُمِّ"."

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "Kada neko od vas kihne, neka kaže: **ELHAMDULILLAH** (hvala Allahu), i neka mu kaže njegov brat ili prijatelj: **JERHAMUKELLAH** (Allah ti se smilovao), a kad mu kaže

**jerhamukellah, neka mu odgovori: JEHDIKUMULLAH VE JUSLIHU BALEKUM (neka vas Allah uputi i popravi vam stanje)."**<sup>1</sup>

**Biografija ravije:**

Biografija ovog ravije je spomenuta u komentaru petog hadisa.

**Kratki komentar hadisa:**

Ovaj hadis ukazuje na veličinu Allahove blagodati onome koji kihne, a to se zaključuje iz hajra i dobra koje povlači za sobom kihanje.

U hadisu je i aluzija na veliku Allahovu blagodat prema Njegovom robu. Dao mu je blagodat kašljanja kojom je otklonio od njegov štetu, a onda mu propisao da izgovori elhamdulillah čime biva nagrađen, a zatim da dovi za onog koji je njemu dovio. Pošto je onom koji kihne kihanje bilo blagodat i korist, naređeno mu je da se zahvali Allahu na ovoj blagodati, a uz to njegovi organi su ostali u prirodnom obliku i skladu poslije ovog potresa, koji je prema tijelu kao zemljotres prema Zemlji.

**Adabi kihanja:**

1. Stišati glas kod kihanja koliko je moguće.
2. Prilikom kihanja staviti ruku ili maramicu na usta.
3. Ko kihne treba reći: elhamdulillah.
4. Onom kome kihne i kaže elhamdulillah se kaže: jerhamukellah.
5. Onom ko kaže jerhamukellah kaže se: jehdikumullah ve juslihu balekum.
6. Dova onom koji kihne rađa ljubav i međusobno zbližavanje među muslimanima.

**Pitanja:**

1. Dopuni sljedeću rečenicu:  
Musliman kada kihne kaže:....., a kada mu se kaže:  
jerhamukellah kaže:.....  
.....
2. Stavi znak tačno ili netačno ispred sljedećih rečenica:
  - Musliman kada kihne, stiša glas koliko je moguće.
  - Musliman kada kihne, ne stavlja ništa na svoja usta.
  - Dova onom koji kihne ne rađa ljubav i međusobno zbližavanje među muslimanima.

---

<sup>1</sup> Buharija (5/2298), broj 6224, Knjiga o adabima, poglavlje: Šta se kaže onom ko kihne.

## DVADESET I TREĆI HADIS

### PODSTICANJE NA ISKRENOST I ODVRAĆANJE OD LAŽI

عن ابن مسعود قال : قال رسول الله ﷺ : **”عليكم بالصدق، فإن الصدق يهدي إلى البر، وإن البر يهدي إلى الجنة، وما يزال الرجل يصدق ويتحرى الصدق حتى يكتب عند الله صديقاً، وإياكم والكذب، فإن الكذب يهدي إلى الفجور، وإن الفجور يهدي إلى النار، وما يزال الرجل يكذب ويتحرى الكذب حتى يكتب عند الله كذاباً“.**

Prenosi Ibn-Mes'ud, radijallahu anhu, da je Poslanik, sallahu alejhi ve sellem, rekao: **"Budite iskreni, zaista, iskrenost vodi ka dobročinstvu, i zaista, dobročinstvo vodi ka Džennetu. Čovjek će preprestano govoriti istinu i držati se iskrenosti sve dok ne bude**

**upisan kod Allaha da je iskren. Čuvajte se laži, zaista, laž vodi u griješenje, i zaista, griješenje vodi u vatru. I čovjek će neprestano lagati i držati se laži sve dok ne bude upisan kod Allaha da je lažljivac."**<sup>1</sup>

### **Biografija ravije:**

Biografija ovog ravije je spomenuta u komentaru sedmog hadisa.

### **Kratki komentar hadisa:**

U hadisu je sugestija da onom ko se trudi da govori istinu da mu iskrenost postaje prirodna odlika, a onom ko namjerno laže i drži se laži, laž postaje prirodna odlika, i da se sa vježbanjem i sticanjem određenih osobina te osobine ustaljuju, bile one dobre ili loše. Ovaj hadis je dokaz važnosti osobine iskrenosti, te da ona vodi čovjeka u Džennet, i dokaz je koliko je laž ružna osobina i da ona vodi čovjeka u vatru.

### **Smjernice:**

1. Iskrenost je pohvalna moralna osobina na koju islam podstiče.
2. Od upute islama je da se čovječiji govor slaže sa onim što mu je u srcu.
3. Iskrenost je najljepši put za spas na dunjaluku i ahiretu.
4. Iskren mu'min je drag Allahu i ljudima.
5. Ukazivanje prijateljima da je iskrenost put spasa na dunjaluku i ahiretu.
6. Treba reći istinu kada učitelj pita o razlogu nemarnosti u pisanju zadaće.
7. Laž je ružna osobina koju je islam zabranio.
8. Vadžib je dati savjet onom ko laže da ostavi laž.
9. Laž je put koji vodi u vatru.

### **Pitanja:**

1. Navedi jednu štetnu posljedicu laganja.
2. Kada će čovjek biti drag Allahu i ljudima?
3. Kaži nešto o iskrenosti oslonjajući se na ovaj hadis.

---

<sup>1</sup> Buharija (5/2261), broj 6094, Knjiga o adabima, poglavlje: Riječi Uzvišenog: "O vjernici, bojte se Allaha i budite sa onima koji su iskreni", i Muslim (4/2013), broj 2607, Knjiga o dobročinstvu, održavanju rodbinskih veza i adabima, poglavlje: Zabrana laži i pojašnjenje laži koja je dozvoljena.

## DVADESET I ČETVRTI HADIS

### ZABRANA GIBETA

عن أبي هريرة  $\pi$  ، أن رسول الله  $\rho$  قال : ”أتدرون ما الغيبة؟ قالوا: الله ورسوله أعلم. قال: ذكرك أخاك بما يكره، قيل : أفرأيت إن كان في أخي ما أقول؟ قال: إن كان فيه ما تقول فقد اعتبته وإن لم يكن فيه ما تقول فقد بهته“.

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "**Znate li šta je gibet?**" Kažu: "Allah i Njegov Poslanik najbolje znaju." Kaže: "**Da spomeneš svoga brata po onom što ne voli.**" "A šta ako je istina ono što kažem o mom bratu?", neko reče. Kaže: "**Ako je istina to što kažeš, ogibetio si ga, a ako nije istina, potvorio si ga.**"<sup>1</sup>

#### Značenje manje poznatih riječi:

potvorio si ga – slagao si na njega i učinio mu zulum

---

<sup>1</sup> Muslim (4/2001), broj 2589, Knjiga o dobročinstvu, održavanju rodbinskih veza i adabima, poglavlje: Zabrana gibeta i nemimeta.

### **Biografija ravije:**

Biografija ovog ravije je spomenuta u komentaru petog hadisa.

### **Kratki komentar hadisa:**

Hadis je dokaz da onaj ko ti nije brat po vjeri, za njega nema gibeta, poput židova, kršćana, pripadnika neke druge religije i onog koga je njegova novotarija izvela iz islama. U nazivanju onog koji se gibeti bratom je buđenje želje kod onog koji gibeti da ostavi gibet, jer ako je on njegov brat pa preče je da mu oprost, preče preko njegovih loših djela i nađe opravdanje za njegove mahane, a ne da ih spominjući razglasuje. A u riječima "po onom što ne voli" se sugeriše da ako odsutni ne mrzi to zbog čega mu se zamjera poput nemoralnih i bestidnih osoba, da njega gibetiti, u ovom slučaju, nije haram.

Zabrana gibeta je poznata u Šerijatu i na tom su se saglasili učenjaci. Gibet je veliki grijeh i Kur'an mu daje ružan nadimak opisujući onog koji gibeti opisom iznad kog se uzvisuje čovjek normalne ljudske prirode i zdravog ukusa. Kao što kaže Uzvišeni:

{ أَيُّبُ أَحَدِكُمْ أَنْ يَأْكَلَ لَحْمَ أَخِيهِ مَيْتًا فَكَرِهْتُمُوهُ }

"Zar bi nekom od vas bilo drago da jede meso umrlog brata svoga, a vama je to odvratno."<sup>1</sup> Upoređivanje gibeta sa jedenjem mesa umrlog brata je zbog niskosti ovog grijeha, njegove težine i prezrenosti onih koji gibete.

### **Smjernice:**

1. Zalaganje islama za poštivanje i zaštitu časti muslimana.
2. Zabrana gibeta, a gibet je da musliman spomene svoga brata po onom što ne voli.
3. Razlog postojanja mržnje među muslimanima je gibet.
4. Zabrana laganja među muslimanima i o njima.
5. Spominjanje mahana, pa makar bile prisutne pri osobi, smatra se gibetom.
6. Pohvalno je spominjanje muslimana po onom što voli da se spominje.
7. Dozvoljeno je gibetiti onog koji otvoreno, javno, bez stida čini ono što je zabranjeno, ili novotariju i tome slično, upozoravajući i savjetujući muslimane.

### **Pitanja:**

1. Šta znaš o plemenitom ashabu Ebu-Hurejri?

---

<sup>1</sup> El-Hudžurat, 12.



2. Kakva je razlika između gibeta i potvora?
3. Zašto je Uzvišeni Allah zabranio gibe?

## DVADESET I PETI HADIS

### VRIJEDNOST NAZIVANJA SELAMA I NJEGOVOG ŠIRENJA

عَنْ عَبْدِ اللَّهِ بْنِ عَمْرٍو بْنِ الْعَاصِ رَضِيَ اللَّهُ عَنْهُمَا، أَنَّ رَجُلًا سَأَلَ الرَّسُولَ ﷺ :  
أَيُّ الْإِسْلَامِ خَيْرٌ؟ قَالَ: «تُطْعِمُ الطَّعَامَ، وَتُقْرِئُ السَّلَامَ عَلَى مَنْ عَرَفْتَ وَمَنْ لَمْ تَعْرِفْ»<sup>1</sup>

Prenosi Abdullah ibn Amr ibn el-'As, radijallahu anhum, da je neki čovjek upitao Poslanika, sallahu alejhi ve sellem: "Koji islam je najbolji?" Kaže: "Da hraniš gladne i nazivaš selam onom koga znaš i koga ne znaš."<sup>1</sup>

#### **Biografija ravije:**

Abdullah ibn Amr ibn el-'As ibn Vail es-Sehmi el-Kureši je plemeniti ashab, jedan od prvih muslimana. K'ab ibn L'uej je pradjed u

---

<sup>1</sup> Buharija (1/13), broj 12, Knjiga o imanu, poglavlje: Hranjenje gladnih je od islama, i Muslim (1/65), broj 39, Knjiga o imanu, poglavlje: Dokaz da djela u islamu imaju različite vrijednosti i koja djela u islamu se smatraju najvrednijim.

kojem se sastaje sa Poslanikom, sallahu alejhi ve sellem, u porijeklu. Prenio je mnogo hadisa. Preselio je otprilike 65. god. po Hidžri, radujallahu anhu.

### **Kratki komentar hadisa:**

Selam je jedno od lijepih Allahovih imena. Izraz "eslamu alejkum" znači: vi ste u Allahovoj zaštiti, kao što se kaže: Allah je s tobom i Allah te prati. Neki učenjaci smatraju da selam znači spas ili mir, tj. Allahov spas je stalno uz tebe.

Najkraća forma nazivanja selama je da čovjek kaže: ESSELAMU ALEJKUM. A razlog što je u formi selama oblik množine "alejkum" (što znači: vama), iako se jednoj osobi naziva selam, je to što taj oblik obuhvata tu osobu i meleke koji su sa njim. A potpunija forma nazivanja selama je da doda: VE RAHMETULLAHI VE BEREKATUHU (što znači: Allahova milost i bereket). Ako je osoba kojoj se naziva selam sama, vadžib je da odgovori na selam, a ako su oni grupa onda je otpozdravljanje fard kifaje.<sup>1</sup>

### **Adabi nazivanja selama:**

1. Nazivanje selama je sunnet a otpozdravljanje vadžib.
2. Dobro jutro i dobro večer nisu islamski pozdravi.
3. Mustehab je nazivati selam onom koga znaš i koga ne znaš.
4. Dozvoljeno je nazvati selam išaretom uz izgovor riječima (ovo je u slučaju kada te ne čuje osoba kojoj nazivaš selam).
5. Razgovaranje telefonom se počinje sa selamom.
6. Mustehab je nazvati selam kad se napušta društvo.

### **Pitanja:**

1. Kako glasi potpuna forma nazivanja selama?
2. Koju riječ ćeš izgovoriti najprije prilikom telefoniranja?
3. Ispravi greške u sljedećim rečenicama ako ih ima:
  - Ne preporučuje se nazivanje selama kad se napušta društvo.
  - Dozvoljeno je nazvati selam išaretom kada te ne čuje osoba kojoj nazivaš selam.
  - Dobro jutro i dobro večer su islamski pozdravi.

---

<sup>1</sup> Fard kifaje je vadžib koji je Uzvišeni Allah naredio da se obavi ne gledajući u osobu koja će ga obaviti, pa ako ga neko obavi spada obaveza sa ostalih, a ako ga niko ne izvrši svi su griješni.

## DVADEST I ŠESTI HADIS

### VRIJEDNOST SAĐENJA I SIJANJA

عن أنس بن مالك  $\tau$  : قال رسول  $\rho$  : ”ما من مسلم يغرس غرساً أو يزرع زرعاً فيأكل منه طيرٌ أو إنسانٌ أو بهيمة، إلا كان له به صدقة“.

Prenosi Enes ibn Malik, radijallahu anhu, da je Poslanik, sallahu alejhi ve sellem, rekao: "**Koji god musliman zasadi sadnicu ili posije sjeme pa se hrani od njih ptica, čovjek ili hajvan, ubraja mu se u sadaku.**"<sup>1</sup>

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

---

<sup>1</sup> Buharija (2/817), broj 2320, Knjiga o sijanju, poglavlje: Vrijednost sijanja i sađenja ako se od tog jede, i Muslim (3/1189), broj 1553, knjiga: Davanje pod zakup, poglavlje: Vrijednost sađenja i sijanja.

Hadis upućuje na vrijednost sadenja i sisanja i podstiče na kultiviranje zemljišta. A može poslužiti kao dokaz preporučljivosti uzimanja zemljišta i rada na njemu zbog opće koristi za muslimane i sevapa od toga. Došlo je u predaji kod Muslima

"إلا كان له صدقة إلى يوم القيامة"

"...ubraja mu se u sadaku do Sudnjeg dana", što znači da nagrada tog djela traje dokle god se jedu plodovi te sadnice ili sjemena, pa makar umro onaj koji je posadio ili posijao, ili je zemljište prešlo u vlasništvo nekog drugog.

### Smjernice:

1. Islam naređuje sadenje drveća zbog plodova, ljepote i hladovine.
2. Zemljoradnjom se stiče sevap, jer od nje imaju koristi ljudi, hajvani i ptice.
3. Ne treba sjeći drveće i cvijeće u parkovima, dvorištima i na ulicama.
4. Pomaganje porodice i društva u zaštiti drveća.

### Pitanja:

1. Navedi tri pouke hadisa.
2. Kakva je korist od drveća?
3. Zašto Uzvišeni Allah podstiče muslimane na sadenje sadnica?

## DVADESET I SEDMI HADIS

### ADABI OBAVLJANJA NUŽDE

عن أنس  $\tau$  قال: كان النبي  $\rho$  إذا دخل الخلاء قال: "اللهم إني أعوذ بك من الخبث والخبائث". وعن عائشة رضي الله عنها أن النبي  $\rho$  كان إذا خرج من الخلاء قال: "غفرانك".

Kaže Enes, radijallahu anhu: "Kada bi Poslanik, sallahu alejhi ve sellem, išao u nužnik rekao bi: '**ALLAHUMME INNI EUZU BIKE MINEL HUBSI VEL HABAISI**'" (što znači: **Allahu moj, utječem ti se od muških i ženskih džinna**).<sup>1</sup> Prenosi Aiša, radijallahu anha, da kada bi izašao, sallahu alejhi ve sellem, iz nužnika rekao bi: "**GUFRANEK**" (što znači: **Tražim Tvoj oprost**).<sup>2</sup>

### Biografija ravije:

<sup>1</sup> Buharija (1/66), broj 142, Knjiga o abdestu, poglavlje: Šta se kaže pri ulasku u nužnik, i Muslim (1/283), broj 375, Knjiga o hajzu, poglavlje: Šta kaže onaj ko hoće ući u nužnik.

<sup>2</sup> Ebu-Davud (1/8), broj 30, Knjiga o čišćenju, poglavlje: Šta se kaže kada se izađe iz nužnika.

Biografija ovog ravije je spomenuta u komentaru petog hadisa.

**Biografija ravije, ashabijke:**

Aiša bintu Ebi-Bekr es-Siddik, radijallahu anhumu, je plemenita ashabijka, majka pravovjenih, žena Poslanika, sallahu alejhi ve sellem. Bila je učena, fakiha i prenijela je mnoštvo hadisa. Preselila je 57. god. po Hidžri.

**Kratki komentar hadisa:**

Preporučuje se ovaj zikr prije ulaska u mjesta u kojima se obavlja nužda, a takođe i u mjestima koja nisu predviđena samo za obavljanje nužde, iako hadis govori o zahodu i o tome da u njemu borave šejtani. Vanjski smisao hadisa upućuje da je Poslanik, sallahu alejhi ve sellem, učio naglas ovaj zikr, pa je lijepo učiti ga naglas.

**Adabi obavljanja nužde:**

1. Mustehab je proučiti prije ulaska u nužnik: ALLAHUMME INNI EUZU BIKE MINEL HUBSI VEL HABAISI.
2. Mustehab je pri ulasku u kupatilo ući lijevom nogom, a prilikom izlaska izaći desnom.
3. Nakon izlaska iz nužnika mustehab je reći: GUFRANEK.
4. Zabranjeno je spominjati ime Uzvišenog Allaha unutar kupatila.

**Pitanja:**

1. Kojom nogom ćemo ući u kupatilo, a kojom izaći?
2. Šta se kaže prilikom izlaska iz kupatila?
3. Kakva je korist od zikrova?

## DVADESET I OSMI HADIS

### TEMELJI ISLAMA

عَنْ عَبْدِ اللَّهِ بْنِ عُمَرَ -رَضِيَ اللَّهُ عَنْهُمَا- قَالَ : سَمِعْتُ رَسُولَ اللَّهِ ﷺ يَقُولُ : ”  
بُنِيَ الْإِسْلَامُ عَلَى خَمْسٍ : شَهَادَةِ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ ، وَإِقَامِ  
الصَّلَاةِ ، وَإِيتَاءِ الزَّكَاةِ ، وَحَجِّ الْبَيْتِ ، وَصَوْمِ رَمَضَانَ“ .

Od Abdullah ibn Omera, radijallahu anhum, se prenosi da je rekao:  
"Čuo sam Allahovog Poslanika, sallahu alejhi ve sellem, da je rekao:  
**'Islam se temelji na pet stvari: svjedočenju da nema drugog boga osim Allaha i da je Muhammed Allahov Poslanik, obavljanju namaza, davanju zekata, obavljanju hadždža i postu mjeseca ramazana.'**"<sup>1</sup>

#### **Biografija ravije:**

Biografija ovog ravije je spomenuta u komentaru šestog hadisa.

#### **Kratki komentar hadisa:**

Hadis je dokaz da islam počiva na pet temelja. Prvi temelj su dva šehadeta: svjedočenju da nema drugog boga osim Allaha (tj. nema boga

---

<sup>1</sup> Buharija (1/12), broj 8, Knjiga o imanu, poglavlje: Iman, i Muslim (1/45), broj 16, Knjiga o imanu, poglavlje: Temelji i glavni osnovi islama.

koji istinski zaslužuje da se obožava osim Allaha), a ovo obuhvata potvrđivnje Njegovog rububijeta (da je On Stvoritelj, Opskrbljivač, ...), uluhijeta (da se samo Njemu ibadet čini) i Njegovih imena i svojstava, i svjedočenju da je Muhammed Allahov rob i Njegov poslanik. Ovaj drugi šehadet se očituje potvrđivanjem onog o čemu nas je Poslanik, sallahu alejhi ve sellem, obavijestio, poslušnošću u onom što nam je naredio i ostavljanjem onog što nam je zabranio i od čega je odvrćao. Svjedočenje da je Muhammed Allahov poslanik je od potpunog ispoljavanja tevhida Uzvišenom Allahu.

Drugi temelj je obavljanje namaza, to jest ustrajnost u njegovom obavljanju ili uopće klanjanje.

Treći temelj je davanje zekata, a on se daje izdvajanjem dijela imetka na poseban način.

Četvrti temelj je obavljanje hadždža, ko ima za to mogućnosti, a pod mogućnosti se misli na putne troškove i tjelesnu sposobnost za obavljanje hadždža.

I peti temelj je post mjeseca ramazana.

### **Neki propisi vezani za temu:**

1. Svjedočenje da nema drugog boga osim Allaha i da je Muhammed Allahov poslanik je temelj islama.
2. Namaz je jedan od najvažnijih ruknova islama.
3. Namaz ima svoje strogo određeno vrijeme za obavljanje i nije ga dozvoljeno odgađati van njegova vremena bez opravdanog razloga.
4. Namaz je razlog ljudske sreće na dunjaluku i ahiretu.
5. Vadžib je davanje zekata kada se za to ispune šarti.
6. Post je vadžib svakoj punoljetnoj osobi, a maloljetnoj je mustehab.
7. Obavljanje hadždža je vadžib onome kod koga se ispune šarti za obavljanje hadždža.

### **Pitanja:**

1. Kaže Abdullah ibn Omer, radijallhu anhu: "Čuo sam Allahovog Poslanika, sallahu alejhi ve sellem, da kaže: 'Islam se temelji .....  
.....  
.....'".(upotpuni hadis)
2. Kakav je propis odgađanja namaza van njegova propisanog vremena bez opravdanog razloga?
3. Kakav je propis posta maloljetnoj osobi?

4. Da li je griješan ako ne obavi hadždž onaj ko nema sredstava za obavljanje hadždža?

## DVADESET I DEVETI HADIS

### PAŽNJA ISLAMA PREMA MESDŽIDIMA

عن أبي هريرة  $\tau$  أن رجلاً أسود -أو امرأة سوداء- كان يقم المسجد فمات، فسأل النبي  $\rho$  فقالوا: مات. فقال: «أفلا كنتم أدنتموني به، دلوني على قبره -أو قال: قبرها- فأتى قبره فصلى عليه».

Prenosi Ebu-Hurejre, radijallahu anhu, da je neki čovjek crnac, ili žena crnkinja, čistio mesdžid, te je umro. Pa je Poslanik, sallahu alejhi ve sellem, pitao o njemu i rekoše mu da je umro. A on reče: "**Zar me niste mogli o tome obavijestiti, pokažite mi njegov kabur, ili je rekao, njen kabur**", pa je otišao na njegov kabur i klanjao mu dženazu.<sup>1</sup>

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

U hadisu je dokaz da islam vodi računa o čistoći mesdžida. Takođe, u njemu je dokaz o ispravnosti dženaze namaza poslije ukopavanja umrlog, svejedno da li mu je klanjana dženaza prije ukopa ili ne. A isto

---

<sup>1</sup> Buharija (1/175), broj 460, Knjga o namazu, poglavlje: Čišćenje mesdžida, i Muslim (2/659), broj 956, knjiga: Dženaza, poglavlje: Namaz na kaburu.



tako hadis upućuje da je Poslanik, sallahu alejhi ve sellem, posvećivao veliku pažnju mesdžidima.

**Propisi vezani za hadis:**

1. Islam vodi računa o održavanju čistoće mesdžida.
2. Pažnja Poslanika, sallahu alejhi ve sellem, prema ovom čovjeku ukazuje koliko je, sallahu alejhi ve sellem, vodio računa o svojim ashabima i pitao o njima kada su odsutni.
3. Podsticanje na održavanje Allahovih kuća i na učestvovanje u njihovom čišćenju.
4. Nebacanje maramica i sličnog u mesdžidima.
5. Čišćenje mesdžida, uređivanje mushafa i prostirki i zatvaranje vrata je vid brige o mesdžidu.
6. Ne treba pisati po vanjskim ili unutrašnjim zidovima mesdžida.
7. Podsticanja na klanjanje dženaze namaza dobrim ljudima, i preporučljivost klanjanja dženaze prije ukopa, ili poslije na kaburu za onog ko ne prisustvuje dženazi.

**Pitanja:**

1. Stavi znak tačno ili netačno ispred sljedećih rečenica:
  - Nije dozvoljeno učestvovanje u čišćenju mesdžida.
  - Od pažnje prema mesdžidu je pisati po vanjskim ili unutrašnjim zidovima mesdžida.
  - Pažnja Poslanika, sallahu alejhi ve sellem, prema ovom čovjeku ukazuje koliko je, sallahu alejhi ve sellem, vodio računa o svojim ashabima i pitao o njima kada su odsutni.

## TRIDESETI HADIS

### ZABRANA PROŠENJA BEZ POTREBE

عن أبي هريرة  $\tau$  قال : قال رسول الله  $\rho$  : ” مَنْ سَأَلَ النَّاسَ تَكْثُرًا فَإِنَّمَا يَسْأَلُ جَمْرًا فَلْيَسْتَقِلَّ أَوْ لِيَسْتَكْثِرْ“.

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "**Ko prosi od ljudi da bi se obogatio, zaista on prosi žeravicu, pa nek prosi malo ili nek prosi puno.**"<sup>1</sup>

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

Kaže Ibnul-Arebi: "Značenje njegovih riječi "...zaista on prosi žeravicu..." je da će biti kažnjen vatrom, a može imati i stvarno značenje, tj. da će ono što uzima postati žeravica pa će biti njome žigosan kao što će biti sa onim koji ne daje zekat. A njegove riječi "...pa nek prosi malo..." su ironična naredba (podrugljivost), a poput ovih riječi su one poslije njih, ili je to pak naredba koja u sebi nosi prijetnju poput Allahovih riječi:

{ اَعْمَلُوا مَا شِئْتُمْ }

"**Radite šta hoćete...**"<sup>1</sup>. Dakle, hadis upućuje na zabranu prošnje onom ko prosi da bi bio imućniji."

---

<sup>1</sup> Muslim (2/720), broj 1041, Knjiga o zekatu, poglavlje: Pokuđenost prošenja od ljudi.

### Propisi vezani za hadis:

1. Zabrana prošenja od ljudi bez potrebe.
2. Prošiti malo ili puno bez potrebe se ne razlikuje u grijehu.
3. Treba znati da bogatstvo nije mnoštvo imetka nego je bogatstvo bogatstvo duše.
4. Stroga prijetnja onom ko prosi od ljudi da bi se obogatio.
5. Osoba koja prosi bez potrebe je bez stida.
6. Od osobina pravog muslimana je da bude čedan.

### Pitanja:

1. Upotpuni prazninu: " Ko prosi od ljudi .....  
..... "
2. Navedi tri propisa vezana za hadis.
3. Šta je istinsko bogatstvo?

## TRIDESET I PRVI HADIS

### PRAVA KOMŠILUKA

عن أبي هريرة  $\tau$  أن رسول الله  $\rho$  قال: "مَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلَا يُؤْذِ جَارَهُ، وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُكْرِمْ ضَيْفَهُ، وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيَقُلْ خَيْرًا أَوْ لِيَسْكُتْ".

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "Ko vjeruje u Allaha i Sudnji dan neka ne uznamirava svog komšiju, ko vjeruje u Allaha i Sudnji dan neka bude gostoljubiv, ko vjeruje u Allaha i Sudnji dan neka govori ono u čemu je hajr ili neka šuti."<sup>2</sup>

### Biografija ravije:

Biografija ovog ravije je spomenuta u komentaru petog hadisa.

### Kratki komentar hadisa:

Hadis govori o čuvanju komšijskog prava, a to je od stvari koje upotpunjuju iman. Nanošenje štete komšiji je veliki grijeh, na što upućuju riječi Poslanika, sallahu alejhi ve sellem: "Ko vjeruje u Allaha i Sudnji dan neka ne uznamirava svog komšiju." Veličina ovog grijeha se razlikuje shodno stanju komšije, da li je on dobar čovjek ili nije. Komšijsko pravo koje obuhvata sve vrste komšija je da mu se želi hajr, da

<sup>1</sup> El-Fussilet, 40.

<sup>2</sup> Buharija (5/2273), broj 6018, Knjiga o adabima, poglavlje: Gostoljublje, i Muslim (1/68), broj 47, Knjiga o imanu, poglavlje: Podsticanje na lijepe komšijske odnose i gostoljublje.

se savjetuje na lijep način, da se dovi za njega da ga Allah uputi i da mu se ne nanosi šteta.

Zaista, suvišan govor nema granica, dok je bitan govor naveden u knjizi Uzvišenog Allaha, gdje kaže:

{ لَا خَيْرَ فِي كَثِيرٍ مِّن نَّجْوَاهُمْ إِلَّا مَنْ أَمَرَ بِصَدَقَةٍ أَوْ مَعْرُوفٍ أَوْ إِصْلَاحٍ بَيْنَ النَّاسِ }

*"Nema kakva dobra u mnogim njihovim tajnim razgovorima, osim kada traže da se milostinja udjeljuje ili da se dobra djela čine ili da se uspostavlja sloga među ljudima."*<sup>1</sup> Štete suvišnog govora su bezbrojne, od njih su pričanje o grijesima, poput pričanja o miješanju žena sa muškarcima i o pijanskim sijelima. Takođe, suvišan govor je i ponašanje fasika, poput: gibeta, nemimeta, svađe, raspravljanja i zbijanja šala. U to ulazi i griješenje, psovanje, razvrat, bestidan govor, ruganje i ismijavanje s ljudima, laganje i slično.

### **Propisi vezani za hadis:**

1. Islam podstiče na stvari koje uzrokuju ljubav i međusobno potpomaganje među ljudima.
2. Međusobno potpomaganje komšija jača veze među njima.
3. Od dobročinstva prema komšiji je neuznemiravanje njegove djece rječju ili djelom.
4. Pisanje po zidovima i nanošenje štete na posjedima komšija se ubraja u uznemiravanje komšija.
5. Veliki je grijeh gledanje u unutrašnjost komšijine kuće, bilo sa krova, kroz otvor na vratima ili kroz ogradu.
6. Bacanje smeća ili kamenja ispred kuća komšija ili u njihova dvorišta uzrokuje mržnju među komšijama.
7. Dizanje glasa uznemirava komšije.
8. Gostoljubivost je vadžib.
9. Od potpunog imana je da se ne priča mnogo.
10. Od razloga poštovanja čovjeka od strane drugih je da mnogo ne priča.
11. Lijep govor se ne ubraja u zabranjeno pretjerano pričanje.
12. Šutnja je bolja od beskorisne priče.
13. Pričati malo je od imana.

### **Pitanja:**

1. Navedi tri primjera dobročinstva prema komšijama.
2. Koje stvari jačaju vezu među komšijama?
3. Popuni prazninu: ( Dizanje glasa .....).

---

<sup>1</sup> En-Nisa', 114.

#### 4. Kada je šutnja bolja od pričanja?

### TRIDESET I DRUGI HADIS

### UPOZORENJE NA SRDŽBU

عن أبي هريرة  $\tau$  ، أن رجلاً قال للنبي  $\rho$  : أوْصِنِي، قال : «لَا تَعْضِبْ» فردّدَ  
مِراراً، قال : «لَا تَعْضِبْ» .

Prenosi Ebu-Hurejre, radijallahu anhu, da je neki čovjek rekao Poslaniku, sallahu alejhi ve sellem: "Oporuči mi", rekao je: "**Ne srdi se**", pa je ponovio nekoliko puta, a on mu reče: "**Ne srdi se**".<sup>1</sup>

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

Hadis je dokaz da je srdžba zabranjena, te da se treba kloniti povoda koji uzrokuju srdžbu i ne izlagati se onome što je donosi. U hadisu je i dokaz da je blagost naređena, jer nešto zabraniti znači narediti ono što mu je suprotno. Poslanik, sallahu alejhi ve sellem, se ograničio ovim riječima (ne srdi se) zato što je onaj koji pita bio po prirodi ljut čovjek, a on bi, sallahu alejhi ve sellem, odgovarao svakom ono što je najpreče za njega i što priliči njegovom stanju. U riječima "Ne srdi se" sastavio je Poslanik, sallahu alejhi ve sellem hajr, dunjaluka i ahireta, jer srdžba vodi u međusobno neprijateljstvo i kidanje veza uzajamne ljubavi. Ponekad srdžba navede onog koji se srdi da uznemirava onog na koga se naljutio i da pređe šerijatsku granicu u tome, a to je mahana u njegovoj vjeri.

#### **Propisi vezani za temu:**

1. Islam je zabranio srdžbu zbog njenih štetnih posljedica.

---

<sup>1</sup> Buharija (5/2267), broj 6116, Knjiga o adabima, poglavlje: Upozorenje na srdžbu.

2. Upozorenje na srdžbu jer je ona od šejtana.
3. Musliman bez razloga ne srđi druge muslimane.
4. Blagost i promišljenost su pohvalna svojstva.
5. Ko se puno ljuti mnogo se kaje.

#### **Pitanja:**

1. Zašto je islam zabranio srdžbu?
2. Navedi tri propisa vezana za hadis.
3. Šta je Poslanikova, sallahu alejhi ve sellem, oporuka onom koji je pitao u ovom hadisu?

### **TRIDESET I TREĆI HADIS**

#### **ZABRANA NEPOSLUŠNOSTI RODITELJIMA**

عَنْ عَبْدِ اللَّهِ بْنِ عَمْرٍو بْنِ الْعَاصِ رَضِيَ اللَّهُ عَنْهُمَا قَالَ : قَالَ رَسُولُ اللَّهِ ﷺ : **مَنْ الْكَبَائِرِ شَتَمَ الرَّجُلَ وَالِدِيهِ. قَالُوا: يَا رَسُولَ اللَّهِ وَهَلْ يَشْتُمُ الرَّجُلُ وَالِدِيهِ؟ قَالَ: نَعَمْ، يَسُبُّ أَبَا الرَّجُلِ فَيَسُبُّ أَبَاهُ وَيَسُبُّ أُمَّ الرَّجُلِ فَيَسُبُّ أُمَّهُ.**“

Prenosi Abdullah ibn 'Amr ibn el-'As, radijallahu anhuma, da je Poslanik, sallahu alejhi ve sellem, rekao: **"Od velikih grijeha je da čovjek psuje svoje roditelje."** Kažu: "Zar čovjek psuje svoje roditelje, o Allahov Poslaniče?" Kaže: **"Da, psuje nečijeg oca pa on psuje njegovog oca, i psuje nečiju majku pa on psuje njegovu majku."**<sup>1</sup>

#### **Biografija ravije:**

Biografija ovog ravije je spomenuta u komentaru dvadeset i petog hadisa.

#### **Kratki komentar hadisa:**

Hadis je dokaz da je zabranjeno uzrokovati neprijatnost roditeljima i njihovo psovanje, i da je to veliki grijeh. Takođe, taj drugi je grijehšan zbog psovanja njegovih roditelja. Ovaj hadis je dokaz za šerijatski argument SEDDU ZERI'A (zatvaranje puteva koji vode u haram). Iz tog argumenta se uzima da djelo koje vodi u haram je haram iako sa tim djelom nije namjeravan haram. Na ovo upućuju i riječi Uzvišenog:

{ وَلَا تَسْبُوا الَّذِينَ يَدْعُونَ مِنْ دُونِ اللَّهِ فَيَسْبُوا اللَّهَ عَدْوًا بِغَيْرِ عِلْمٍ }

<sup>1</sup> Buharija (5/2228), broj 5973, Knjiga o adabima, poglavlje: Neka čovjek ne psuje svoje roditelje, i Muslim (1/92), broj 90, Knjiga o imanu, Poglavlje o velikom grijehu i najvećim velikim grijesima.

***"Ne grdite one kojima se oni, pored Allaha, klanjaju, da ne bi i oni nepravедno i ne misleći šta govore Allaha grdili."***<sup>1</sup>

**Propisi vezani za hadis:**

1. Zabrana psovanja, vrijeđanja i proklinjanja.
2. Psovanje i proklinjanje je razlog za upadanje u grijeh.
3. Ne treba vrijeđanje uzvratiti uvredom jer time se gubi nagrada.
4. Uznemiravanje roditelja može biti riječima kao što može biti i djelom.
5. Ko psuje ljude njegova psovka se često vrati na njega.
6. Od stvari koje se ubrajaju u uznemiravanje roditelja je uzrokovanje njihovog psovanja.

**Pitanja:**

1. Kaže Poslanik, sallahu alejhi ve sellem: "Od valikih grijeha je da čovjek psuje svoje roditelje." Kažu:.....(upotpuni hadis).
2. Šta znaš o ashabu Abdullahu ibn 'Amru?
3. Kakav je propis vrijeđanja i proklinjanja?
4. Navedi tri propisa vezana za hadis.

---

<sup>1</sup> El-Ena'm, 108.

## TRIDESET I ČETVRTI HADIS

### POKUĐENOST BAVLJENJA ONIM ŠTO TE SE NE TIČE

عن أبي هريرة  $\tau$  قال: قال رسول الله  $\rho$ : "مِنْ حُسْنِ إِسْلَامِ الْمَرْءِ تَرْكُهُ مَا لَا يَغْنِيهِ".

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "Od lijepog islama čovjeka je da ostavi ono što ga se ne tiče."<sup>1</sup>

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

Ovaj hadis je od hadisa DŽEVAMI'UL KELIM, a to su hadisi u kojima se sa malo riječi mnogo kaže. Hadis znači da je od lijepog islama čovjeka da ostavi ono za čim nema potrebe od riječi i djela, što mu nije od nužnih stvari vjere i dunjaluka, niti mu može koristiti u zadovoljstvu njegovog Gospodara, poput zabranjenih stvari, mekruha, sumnjivih stvari i suvišnih diskusija.

Nakon što ostavi spomenute stvari, treba se ograničiti na ono što mu daje veću korist i fajdu, jer musliman, i kada pretpostavi da se spasio od upadanja u grijeh, ne može se sačuvati od nedaća koje mu nanose štetu u zdravlju, imetku ili sličnom.

#### **Propisi vezani za hadis:**

1. Islam podstiče muslimane da se ne upliću u ono što ih se ne tiče.

---

<sup>1</sup> Tirmizi (4/558), broj 2317, Knjiga o zuhdu, Poglavlje o onom ko priča da bi nasmijavao ljude, i kaže : "Ovaj hadis je garib."



2. Od potpunosti islama je da musliman ostavi ono što ga se ne tiče od riječi i djela.
3. Musliman ne odgovara na pitanje o kojem nije pitan.
4. Ukazivanje na hajr je od stvari koje se tiču muslimana.

**Pitanja:**

1. Kakav je propis slušanja razgovora ljudi bez njihovog znanja?
  2. Navedi tri propisa vezana za hadis.
  3. Dopuni prazninu: "Od lijepog islama čovjeka .....
- ..... "

**TRIDESET I PETI HADIS**

**POKUĐENOST OHOLOSTI I PREPORUČLJIVOST  
ULJEPŠAVANJA**

عن عبدالله بن مسعود  $\tau$  قال: قال النبي  $\rho$ : "لَا يَدْخُلُ الْجَنَّةَ مَنْ كَانَ فِي قَلْبِهِ مِثْقَالُ ذَرَّةٍ مِنْ كِبَرٍ، فَقَالَ رَجُلٌ لِلنَّبِيِّ  $\rho$ : إِنْ الرَّجُلُ يُحِبُّ أَنْ يَكُونَ ثَوْبُهُ حَسَنًا وَنَعْلُهُ حَسَنَةً، قَالَ: إِنَّ اللَّهَ جَمِيلٌ يُحِبُّ الْجَمَالَ، الْكِبَرُ بَطْرُ الْحَقِّ وَعَمَطُ النَّاسِ".

Prenosi Abdullah ibn Mes'ud, radijallahu anhu, da je Poslanik, sallahu alejhi ve sellem, rekao: "**Neće ući u Džennet onaj u čijem srcu bude koliko i trun oholosti.**" Na to neki čovjek reče Poslaniku, sallahu alejhi ve sellem: "Zaista, čovjek voli da mu njegova odjeća i obuća budu lijepi." Kaže Poslanik, sallahu alejhi ve sellem: "**Allah je lijep i voli ljepotu, oholost je odbijanje istine i potcjenjivanje ljudi.**"<sup>1</sup>

**Biografija ravije:**

Biografija ovog ravije je spomenuta u komentaru sedamnaestog hadisa.

**Kratki komentar hadisa:**

Hadis govori o podsticanju na čistoću, o zabrani oholosti, izdizanju iznad ljudi, omalovažavanju ljudi, i odbacivanju i negiranju istine iz umišljenosti i oholosti. Oholost može biti unutrašnja i vanjska. Unutrašnja oholost je narav u duši, njoj naziv oholost više priliči. A vanjska oholost su djela koja se fizički ispoljavaju i ona su plod te naravi. I kada se ta djela ispolje, kaže se oholo se ponaša, a kada su skrivena kaže

---

<sup>1</sup> Muslim (1/93), broj 91, Knjiga o imanu, poglavlje: Zabrana oholosti i pojašnjenje toga.

se oholost. Pa kod koga se nađe oholo ponašanje i unutrašnja oholost zaslužuje prijetnju.

Muslimanu priliči da osjeća odvratnost prema ovom prezrenom svojstvu, da se prisjeća da što god je blagodati kod njega da je to od Allaha i da osobina oholosti ne priliči nikome osim Onome kome pripada gordost i veličanstvo, slavljen je On i Uzvišen.

Međutim, nije od oholosti dozvoljeno uljepšavanje i sređivanje. Ono je pohvalno u islamu, po prirodi lijepo i u njemu je ispoljavanje Allahovih blagodati koje je podario robu. Zaista, Allah voli da gleda trag Svoje blagodati na Svom robu. A ujedno, uljepšavanje se podudara sa onim što Uzvišeni Allah voli, jer Allah je lijep i voli ljepotu.

### **Propisi vezani za hadis:**

1. Zabrana oholosti i potcjenjivanja ljudi.
2. Oholost je veliki grijeh, bilo da je mala ili velika.
3. Čistoća obuhvata sve što čovjek oblači i upotrebljava.
4. Pojavljivanje među ljudima lijepog izgleda pričajući o Allahovom ni'metu i zahvaljujući na njemu, nije oholost.
5. Požrtvovanost u čišćenju kuće, škole i ulice.
6. Nije lijepo pisati po školskom stolu i zidu.
7. Mustehab je kupati se najmanje jedanput u sedmici.

### **Pitanja:**

1. Navedi šta znaš o ashabu Abdullah ibn Mes'udu, radijallahu anhu.
2. Navedi tri islamska propisa o čistoći.
3. Da li se čistoća ograničava samo na odjeću i obuću?
4. Šta je oholost? Zašto je Uzvišeni Allah zabranio oholost?

## TRIDESET I ŠESTI HADIS

### MNOŠTVO PUTEVA DOBRA U ISLAMU

عن أبي هريرة  $\tau$  قال: قال رسول الله  $\rho$ : ”كُلُّ سُلَامَى مِنْ النَّاسِ عَلَيْهِ صَدَقَةٌ كُلَّ يَوْمٍ تَطْلُعُ فِيهِ الشَّمْسُ؛ تَعْدُلُ بَيْنَ اثْنَيْنِ صَدَقَةٌ، وَتُعِينُ الرَّجُلَ فِي دَابَّتِهِ فَتَحْمِلُهُ عَلَيْهَا أَوْ تَرْفَعُ لَهُ عَلَيْهَا مَتَاعَهُ صَدَقَةٌ، وَالْكَلِمَةُ الطَّيِّبَةُ صَدَقَةٌ، وَبِكُلِّ خُطْوَةٍ تَمْشِيهَا إِلَى الصَّلَاةِ صَدَقَةٌ، وَتُمْيِطُ الْأَذَى عَنِ الطَّرِيقِ صَدَقَةٌ“.

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "Za svaki ljudski zglob se daje sadaka svakog dana u kojem grane sunce. Da izmiriš dvojicu je sadaka, da pomogneš čovjeka u njegovoj jahalici, da mu pomogneš da je uzjaše ili da staviš njegove stvari na jahalicu, je sadaka. I lijepa riječ je sadaka. Svaki korak kojim ideš na namaz je sadaka i otklanjanje neprijatnosti sa puta je sadaka."<sup>1</sup>

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

U hadisu je dokaz da se sadaka ne ograničava na ono što joj je osnova, a to je da čovjek dobrovoljno udijeli iz svog imetka. Pa tako nije specifična samo za imućne, nego je svako sposoban da udjeli sadaku u većini slučajeva i bez teškoće. Zaista, sve što čovjek radi ili kaže od dobrih djela piše mu se da ima sadaku.

#### **Propisi vezani za hadis:**

---

<sup>1</sup> Buharija (3/1090), broj 2989, Knjiga o džihadu, poglavlje: Ko uzme za uzengiju i slično, i Muslim (2/699), broj 1009, Knjiga o zekatu, poglavlje: Ime sadaka se upotrebljava za sve vrste dobra.

1. Uzvišeni Allah je iz milost prema Svojim robovima učinio sticanje dobrih djela lahkim i jednostavnim.
2. Vadžib je biti zahvalan Uzvišenom Allahu na blagodati čula, tjelesnih organa i drugih ni'meta.
3. Pomaganje drugih u dobru je vid zahvale Uzvišenom Allahu.
4. Pomiriti braću i kolege je vadžib.
5. Obraćati se ljudima lijepim govorom se ubraja u pohvalna svojstva.
6. Odlaskom u mesdžid se stiču dobra djela i poništavaju loša.
7. Brižljivost u otklanjanju neprijatnosti u školi i na ulici.
8. Nebacanje smeća na ulicu jer se to suprosvavlja učenju islama.
9. Stavljanje smeća na mjesto koje je za to određeno je od islamskih adaba.

**Pitanja:**

1. Kakav je propis izmirivanja braće i kolega?
2. Koliko ima puteva hajra koji su spomenuti u hadisu?
3. Kaži nešto o čistoći oslanjajući se na ovaj hadis.

## TRIDESET I SEDMI HADIS

### UPOZORENJE NA OSTAVLJANJE VATRE DA GORI U KUĆI PRILIKOM SPAVANJA

عن أبي موسى الأشعري  $\tau$  قال : احترق بيت بالمدينة على أهله من الليل، فلما حُدِّث رسول الله  $\rho$  بشأنهم، قال : ” إِنَّ هَذِهِ النَّارَ إِنَّمَا عَدُوٌّ لَكُمْ فَإِذَا نِمْتُمْ فَأَطْفِئُوهَا“ .

Prenosi se da je Ebu-Musa el-Eš'ari rekao: "U Medini se noću zapalila kuća sa ukućanima, pa je Poslanik, sallahu alejhi ve sellem, nakon što mu je ispričano o postupku ukućana, rekao: "**Zaista, ova vatra je vaš neprijatelj, pa kada legnete ugashite je.**"<sup>1</sup>

#### **Biografija ravije:**

Biografija ovog ravije je spomenuta u komentaru sedmog hadisa.

#### **Kratki komentar hadisa:**

U hadisu je uputa plemenitog Vjerovjesnika, sallahu alejhi ve sellem, da se bude na oprezu i da se otkloni sve ono što može uzrokovati neugodnosti muslimanu i drugima. Od toga je gašenje vatre prije spavanja, i da se ne bude nemaran u tome. Ova naredba nije ograničena samo na spavanje, nego je njen smisao da musliman ne bude nehajan, a spavanje je vrijeme kada je velika vjerovatnoća da se neprijatnost može desiti, i zbog toga je spomenuto. Takođe, naredba o gašenju nije ograničena na svjetiljku i lampe, kao što je došlo u nekim hadisima, nego se iz ovog hadisa razumije naredba o gašenju vatre i na drugim mjestima. Ponekad vatra iz svjetiljke ili fitilja dopre do stvari i zapali ih, pa zbog toga se treba osigurati od požara. Kada se potpuno obezbjedi tako da je siguran da do požara neće doći, onda prestaje važenje propisa, jer je nestao razlog zbog kojeg je propisan.

---

<sup>1</sup> Buharija (5/2319), broj 6294, knjiga: Traženje dozvole za ulazak, poglavlje: Ne ostavljaj vatru da gori u kući prilikom spavanja, i Muslim (3/1596), Knjiga o piću, poglavlje: Naredba o pokrivanju zdjela i vezanju mješina za vodu.

### **Propisi vezani za hadis:**

1. Upozorenje na poigravanje sa vatrom.
2. Poigravanje sa šibicom i upaljačem je razlog nastajanja požara.
3. Ne upotrebljavati peć na plin bez znanja kako se koristi.
4. Gašenje vatre nakon njene upotrebe.
5. Ne zatvarati vrata sobe ako je u njoj peć ili kamin.
6. Treba imati aparat za gašenje požara u kući, školi i autu.

### **Pitanja:**

1. Ispričano je Allahovom Poslaniku, sallahu alejhi ve sellem, da se u Medini noću zapalila kuća sa ukućanima, pa je rekao: "....." (navedi šta je rekao).
2. Šta znaš o ashabu Ebu-Musau el-Eš'ariju?
3. Navedi tri islamska propisa u vezi upozorenja na vatru.

## TRIDESET I OSMI HADIS

### ZABRANA MUČENJA ŽIVOTINJE

عن عبدالله بن عمر رضي الله عنهما، أن رسول الله ﷺ قال: "عُدْبَتِ امْرَأَةٍ فِي هِرَّةٍ حَبَسَتْهَا حَتَّى مَاتَتْ فَدَخَلَتْ فِيهَا النَّارَ. لَا هِيَ أَطْعَمَتْهَا وَسَقَتْهَا إِذْ هِيَ حَبَسَتْهَا، وَلَا هِيَ تَرَكَتْهَا تَأْكُلُ مِنْ حَشَاشِ الْأَرْضِ".

Prenosi Abdullah ibn Omer, radijallhu anhumā, da je Allahov Poslanik, sallahu alejhi ve sellem, rekao: "**Kažnjena je žena zbog mačke koju je zatvorila sve dok nije umrla, pa je zbog nje ušla u vatru. Nije je hranila ni počila kada ju je zatvorila, niti ju je pustila da jede gmizavce i insekte.**"<sup>1</sup>

#### **Biografija ravije:**

Biografija ovog ravije je spomenuta u komentaru šestog hadisa.

#### **Kratki komentar hadisa:**

U hadisu je dokaz da ne treba uznemiravati nijednu životinju ni pticu bilo koje vrste bile, svejedno bile one ptice za ukas, golubovi, zečevi ili slično. Osim onih životinja koje se izuzimaju iz ovog propisa, poput FEVASIKA<sup>2</sup>, kojeg je dozvoljeno ubiti u Mekanskom haremu i van njega i vezega (vrsta guštera).

Takođe, u hadisu je dokaz da životinje ne treba zatvarati i lišavati ih hrane. Ova žena je ušla u vatru zbog mačke, pa se analogijom (kijasom) na to sve životinje i ptice stavljaju pod isti propis. Neki učenjaci su zaključili iz ovog hadisa da je vlasnik obavezan izdržavati životinje koje su u njegovom posjedu.

Priča Abdullaha ibn Omera, radijallahu anhumā, je poznata, njen rezime je da je on naišao pored skupine ljudi koji su postavili kokošku i

---

<sup>1</sup> Buharija (2/83), broj 2365, knjiga: Davanje pod zakup, poglavlje: Vrijednost navodnjavanja vodom, i Muslim (4/1760), broj 2242, Knjiga o selamu, poglavlje: Zabrana ubijanja mačke.

<sup>2</sup> FEVASIK su životinje spomenute u hadisu muttfek alejhi od Aiše, radijallahu anha, od njih su: škorpija, lutnja (vrsta sokola), gavran, miš i pas koji ujeta, u drugim rivajetima je dodato: zmija, zvijeri, vuk i tigar.

zajednički je gađali, pa kada su ga ugledali, razbježali su se a on je na to rekao: "Ko je ovo uradio? Zaista, Allahov Poslanik je prokleo onog ko to radi."

**Propisi vezani za hadis:**

1. Upozorenje na uznamiravanje životinja i ptica svih vrsta, poput ptica za ukras, golubova, zečeva, kokoši, mački, pasa i slično, osim što je došlo u Šerijatu da je dozvoljeno ili mustehab ubiti, poput vezega i fevasika koji se ubijaju u Haremu i van Harema.
2. Zabranjeno je zatvarati bilo koju životinju i lišavati je hrane.
3. Ne treba biti uporan u traženju od roditelja da kupe neku životinju zbog bojazni da se ne zgriješi prilikom hranjenja iz nemarnosti.
4. Biti milostiv prema životinjama i pticama je razlog ulaska u Džennet. Došlo je u hadisu da je Allah oprostio čovjeku zbog toga što je napojio žedna psa.

**Pitanja:**

1. Šta znaš o ashabu Abdullahu ibn Omeru, radijallahu anhuma?
2. Zašto je Uzvišeni Allah kaznio ženu zbog mačke?
3. Kako se ophodiš prema kućnim životinjama i pticama?



## TRIDESET I DEVETI HADIS

### IMAN I ISTIKAMET

عن سُفْيَانَ بْنِ عَبْدِ اللَّهِ ٧ قَالَ: قُلْتُ: يَا رَسُولَ اللَّهِ ﷺ قُلْ لِي فِي الْإِسْلَامِ قَوْلًا لَا أَسْأَلُ عَنْهُ أَحَدًا غَيْرَكَ، قَالَ: «قُلْ آمَنْتُ بِاللَّهِ فَاسْتَقِمَّ».

Prenosi se da je Sufjan ibn Abdullah, radijallhu anhu, rekao: "Rekao sam, o Allahov Poslaniče, reci mi o islamu nešto pa da više nikog drugog ne pitam", pa mu reče: "**Reci vjerujem u Allaha, a zatim ustraj.**"<sup>1</sup>

#### **Biografija ravije:**

Sufjan ibn Abdullaha es-Sekafi, radijallahu anhu, je plemeniti ashab, bio je Omerov, radijallhu anhu, namjesnik u Taifu.

#### **Kratki komentar hadisa:**

U hadisu je dokaz obaveze stalne poslušnosti Uzvišenom Allahu i da je iman (vjerovanje) u Allaha temelj istikameta (ustrajnosti). I ovaj hadis je od hadisa DŽEVAMI'UL-KELIM koji u sebi sadrži mnoga značenja izražena sa malo riječi. Zaista, Poslaniku, sallahu alejhi ve sellem, je dato da sa malo riječi mnogo kaže, sakupio je ovom ashabu u ovim dvjema karakteristikama sva značenja islama, imana i pokornosti.

Takođe, u hadisu nema izvještačenosti i suvišnih jezičkih ukrasa, jer hadis teče iz iskrene prirode i čistog obilnog izvora Poslanika, sallahu alejhi ve sellem, a to se jasno vidi u lahkoći izraza. On se, sallahu alejhi ve sellem, obraća jednostavnim riječima običnim masama i inteligenciji, a uz to govor odgovara stanju onog kome se obraća.

#### **Pouke hadisa:**

1. Pitanje učenih o onom što se ne zna.
2. Iman u Uzvišenog Allaha je temelj islama.
3. Brižljivost ashaba, radijallahu anhum, u učenju propisa islama i rad po njima.
4. Iman i istikamet su vadžib svakom muslimanu.

#### **Pitanja:**

---

<sup>1</sup> Muslim (1/65), Knjiga o imanu, poglavlje: Opća obilježja islama.

1. Reci šta znaš o plemenitom ashabu Sufjanu ibn Abdullahu.
2. Navedi dvije pouke hadisa.
3. Šta je temelj islama?

## ČETRDESETI HADIS

### KO OSTAVI NAMAZ, KAFIR JE (NEVJERNIK)

عَنْ جَابِرِ بْنِ عَبْدِ اللَّهِ رَضِيَ اللَّهُ عَنْهُمَا قَالَ : سَمِعْتُ رَسُولَ اللَّهِ ﷺ يَقُولُ : "إِنَّ بَيْنَ الرَّجُلِ وَبَيْنَ الشُّرْكِ وَالْكُفْرِ تَرْكُ الصَّلَاةِ".

Prenosi Džabir ibn Abdullah, radijallhu anhumu, da je čuo Allahovog Poslanika, sallahu alejhi ve sellem, da je rekao: "**Zaista, između čovjeka, širka i kufra (nevjerstva) je ostavljanje namaza.**"<sup>1</sup>

#### Biografija ravije:

Džabir ibn Abdullah ibn 'Amr ibn Haram el-Ensari es-Selemi je plemeniti ashab, ensarija, ubraja se među poznate ashabe, radijallahu anhum. Učestvovao je na Bedru i Hunejnu i borio se uz Poslanika, sallahu alejhi ve sellem, u devetnaest bitki (gazveta). On je od onih ashaba koji prenose mnogo hadisa. Preselio je u Medini nakon 70. god. po Hidžri, radijallahu anhumu.

#### Kratki komentar hadisa:

Hadis je dokaz da je ostavljanje namaza kufr, dalalet (zabluda) i izlazak iz kruga islama. Veoma je mnogo hadisa koji upućuju na obavezu obavljanja namaza u džematu i u džamijama koje se Allahovom voljom podižu i u kojima se spominje Njegovo ime. Svakom muslimanu je vadžib da vodi računa o ovoj obavezi, pristupi njenom izvršenju, da ne bude nemaran i da je preporučuje svojoj djeci, ukućanima i ostaloj braći muslimanima. Zaista, nema udjela u islamu onome ko ostavi namaz.

#### Pouke hadisa:

1. Znanje da je namaz stub islama i njegov temelj.
2. Od najvažnijih stvari kojom se musliman razlikuje od kafira je izvršenje obaveze namaza.
3. Namaz je najbitniji praktični temelj islama i ne stavlja se ispred njega nijedno drugo djelo.

---

<sup>1</sup> Muslim (1/88), broj 82, Knjiga o imanu, poglavlje: Nazivanje kafirom onog ko ostavi namaz.

4. Namaz je jedno od najvećih djela sa kojim se približava Uzvišenom Allahu.
5. Namazom se stiču mnoge koristi na dunjaluku i ogromna nagrada na ahiretu.

**Pitanja:**

1. Koliku važnost ima namaz u islamu?
2. Kakav je propis onog koji ostavlja namaz?
3. Dopuni prazninu: Od najjasnijih razlika između muslimana i kafira je .....

## ČETRDESET I PRVI HADIS

### STID JE KLJUČ SVAKOG DOBRA

عن عمران بن حصين رضي الله عنهما قال : قال رسول الله ﷺ : ”الحياء لا يأتي إلا بخير“.

Prenosi se od 'Imrana ibn Husajna, radijallahu anhumu, da je Poslanik, sallahu alejhi ve sellem, rekao: "**Stid donosi samo hajr.**"<sup>1</sup>

#### **Značenje manje poznatih riječi:**

stid – karakterna osobina koja sprečava čovjeka da radi pokuđena djela

#### **Biografija ravije:**

'Imran ibn Husajn el-Huza'i el-K'abi, radijallahu anhumu, je plemeniti ashab. Primio je islam u godini Bitke na Hajberu. Bio je od ashaba koji su se istakli u fikhu. Živio je u Basri, a 52. god. po Hidžri preselio je na ahiret.

#### **Kratki komentar hadisa:**

U hadisu je pohvala stida i isticanje da je on dio imana, stoga je stid islamski moral. Međutim, pohvalni stid je stid kako ga islam tretira, a ne onaj iz kojeg proizilazi ostavljanje nekih vadžiba, poput ostavljanja naređivanja dobra i odvrćanja od zla. Ovo, zaista, nije islamski stid nego slabost i poniženje, a naziva se stidom zbog sličnosti islamskom stidu.

A hadis može imati i značenje: onaj čiji je ahlak stid da u njemu hajr prevladuje. Ili može značiti: ako je stid dio njegovog ahlaka da je hajr u njemu sam posebi, a činjenje grijeha, ponekad, ne negira taj hajr.

#### **Pouke hadisa:**

1. Imati osobinu stida je dio imana.
2. Stid je ključ za sva vrata dobra.
3. Stid je osobina vjerovjesnika, alejhimussalatu vesselamu.
4. Ružne riječi negiraju stid, poput psovke, vrijeđanja i galame.

---

<sup>1</sup> Buharija (5/2267), broj 5766, Knjiga o adabima, Poglavlje o stidu, i Muslim (1/64), broj 37, Knjiga o imanu, poglavlje: Dijelovi imana.

5. Nije od islamskog stida ostavljanje obaveze naređivanja dobra i odvrćanja od zla.

**Pitanja:**

1. Navedi dvije pouke hadisa.
2. Popuni praznine:
  - .....je ključ za sva vrata .....
  - Obraćanje s poštovanjem prema roditeljima, nastavnicima i prijateljima je .....

## ČETRDESET I DRUGI HADIS

### VIJEDNOST ZIKRA I ONIH KOJI ZIKRE

عن أبي موسى الأشعري  $\tau$  عن النبي  $\rho$  قال: "مَثَلُ الَّذِي يَذْكُرُ رَبَّهُ وَالَّذِي لَا يَذْكُرُهُ مَثَلُ الْحَيِّ وَالْمَيِّتِ".

Prenosi Ebu-Musa el-Eš'ari, radijallahu anhu, da je Poslanik, sallahu alejhi ve sellem, rekao: "Onaj koji zikri (spominje svoga Gospodara) i onaj koji ne zikri (koji Ga ne spominje) su primjer živog i mrtvog."<sup>1</sup>

#### **Biografija ravije:**

Biografija ovog ravije je spomenuta u komentaru sedmog hadisa.

#### **Kratki komentar hadisa:**

Pod riječi zikr u hadisu podrazumijevaju se zikrovi na koje podstiče Kur'an i sunnet da se uče, poput zikra el-bakijatus-salihatu (dobra i trajna djela), to jest, izgovarati: subhanallahi vel-hamdu lilllhi ve la ilahe illallahu vallahu ekber (slava i hvala Allahu, nema drugog boga osim Allaha, Allah je najveći).

Takođe, riječ zikrullah (spominjanje Allaha) upotrebljava se u značenju marljivog izvršavanja onog što je naredeno i preporučeno, kao učenje Kur'ana, čitanje hadisa, izučavanje nauke, klanjanje nafile i upućivanje dove. Značenje riječi zikr (spominjanje Allaha) obuhvata sva ova djela, iako se većina njih vrše jezikom. A onaj koji iskreno čini zikr slijedeći u tome uputu Poslanika, sallahu alejhi ve sellem, biće nagrađen u svakom slučaju.

#### **Propisi vezani za zikr:**

1. Zikr je lagan na jeziku, težak na mizanu (vagi) na Sudnjem danu.
2. Poslanik, sallahu alejhi ve sellem, je imao poseban zikr za svako stanje. Na primjer:
  - a. Zikr ulaska u mesdžid i izlaska iz mesdžida.
  - b. Zikr pri ulasku u nužnik i pri izlasku iz nužnika.

---

<sup>1</sup> Buharija (5/2353), broj 6407, Knjiga o dovama, poglavlje: Vrijednost spominjanja Allaha, dž.š..

- c. Zikr prije spavanja i nakon buđenja.
- 3. Najvredniji zikr su riječi *la ilahe illallah*.
- 4. Zikr čuva čovjeka od džinnskih i ljudskih šejtana i daje mu smirenost i radost.
- 5. Učenje plemenitog Kur'ana i donošenje salavata na Poslanika, sallahu alejhi ve sellem, se ubraja u zikr.
- 6. Onaj koji ne zikri je poput mrtvog čovjeka.

**Pitanja:**

- 1. Navedi jednu korist od zikrenja.
- 2. Navedi tri islamska propisa vezana za zikr.
- 3. Stavi znak tačno ili netačno ispred sljedećih rečenica:
  - a. Zikr je težak na jeziku lagan na mizanu (vagi).
  - b. Zikr čuva čovjeka od džinnskih i ljudih šejtana .
  - c. Onaj koji ne zikri je primjer živog čovjeka.

## ČETRDESET I TREĆI HADIS

### PODSTICANJE NA LIJEP AHLAK

عنُ عبدالله بن عمرو بن العاص رضي الله عنهما، قال: لم يكن رسول الله ﷺ فاحشاً ولا مُتَفَحِّشاً، وكان يقول: **”إِنَّ مِنْ خِيَارِكُمْ أَحْسَنَكُمْ أَخْلَاقاً“**.

Prenosi se da je Abdullah ibn Amr ibn el-'As, radijallahu anhuma, rekao: "Allahov Poslanik, sallahu alejhi ve sellem, nije bio nepristojan u govoru niti nemoralan u djelu, i govorio bi: **'Zaista, najbolji od vas su najljepšeg ahlaka.'**"<sup>1</sup>

#### **Biografija ravije:**

Biografija ovog ravije je spomenuta u komentaru dvadeset i petog hadisa.

#### **Kratki komentar hadisa:**

Hadis je dokaz da je Poslanik, sallahu alejhi ve sellem, imao lijep ahlak i da nije bio nepristojan u govoru niti nemoralan u djelu. Nepristojnost ili bestidnost je sve ono što pređe svoju mjeru tako da postane prezreno. A ona može biti u govoru, djelu i naravi, međutim, najviše je izražena u govoru.

Kaže Poslanik, sallahu alejhi ve sellem:

**”إِنَّ اللَّهَ لَا يَحِبُّ كُلَّ فَحَّاشٍ مُتَفَحِّشٍ“**

**"Zaista, Allah ne voli svakog bestidnika razvratnika."**<sup>2</sup> Musliman treba da se ugleda na Poslanika, sallahu alejhi ve sellem, i da popravlja svoj ahlak odabiranjem plemenitih osobina i izbjegavanjem ružnih djela, te da se trudi na ostvarenju i sticanju toga.

#### **Pouke hadisa:**

1. Superiornost islamskog zakonodavstva budući da poziva muslimane da se okite lijepim moralom, poput: otklanjanja neprijatnosti, susretanje ljudi sa osmjehom i činjenje dobra.

---

<sup>1</sup> Buharija (3/1305), broj 3559, Knjiga o velikim djelima, poglavlje: Opis Vjerovjesnika, sallahu alejhi ve sellem, i Muslim (4/1810), broj 2321, poglavlje: Poslanik, sallahu alejhi ve sellem, se mnogo stidio.

<sup>2</sup> Ahmed (5/202), broj 21812.



2. Obaveza ustrajnosti u plemenitim moralnim osobinama i klonjenju poroka.
3. Lijep moral (ahlak) približava roba stepenu Allahovog Poslanika, sallahu alejhi ve sellem, na Sudnjem danu.
4. Od lijepog ahlaka je poštivanje muslimana i ophođenje sa njima na lijep način.
5. Ko se ukrasi lijepim moralnim osobinama zaslužuje ljubav Uzvišenog Allaha i ljudi.

**Pitanja:**

1. Šta znači lijep moral (ahlak)?
2. Navedi tri pouke ovog hadisa.
3. Šta znaš o plemenitom ashabu Abdullahu ibn Amru ibn el-'Asu, radijallahu anhumu?

## ČETRDESET I ČETVRTI HADIS

### OBAVEZA LJUBAVI PREMA ALLAHOVOM POSLANIKU, SALLAHU ALEJHI VE SELLEM

عن أنس  $\tau$  أن رسول الله  $\rho$  قال : ” لا يُؤْمِنُ أَحَدُكُمْ حَتَّىٰ أَكُونَ أَحَبَّ إِلَيْهِ مِنْ وَالِدِهِ وَوَلَدِهِ وَالنَّاسِ أَجْمَعِينَ “ .

Prenosi Enes, radijallahu anhu, da je Allahov Poslanik, sallahu alejhi ve sellem, rekao: "Ne vjeruje niko od vas sve dok mu ja ne budem draži od njegovog oca, djeteta i svih ljudi."<sup>1</sup>

#### **Biografija ravije:**

Biografija ovog ravije je spomenuta u komentaru drugog hadisa.

#### **Kratki komentar hadisa:**

U hadisu je dokaz da je ljubav prema Poslaniku, sallahu alejhi ve sellem, vadžib. Od znakova ove ljubavi je čuvanje njegovog sunneta, zaštita njegovog šerijata i potčinjavanja protivnika njegova šerijata. Kaže učenjak Kurtubi, rahimehullah: "Svako ko ispravno vjeruje u Poslanika, sallahu alejhi ve sellem, ima u sebi te ljubavi s tim da se u njoj međusobno razlikuju, pa su neki od njih uzeli najobilniji udio dok su drugi uzeli najoskudniji. Tako se kod mnogih, kada se spomene Poslanik, sallahu alejih ve sellem, probudi žudnja da ga vide, tako da više vole njega vidjeti nego svoju porodicu, dijete, imetak i roditelja".

#### **Pouke hadisa:**

1. Ljubav prema Poslaniku, sallahu alejhi ve sellem, i davanje prednosti toj ljubavi u odnosu na sve ljude je vadžib.
2. Od znakova ljubavi prema Poslaniku, sallahu alejhi ve sellem, je poslušnost Poslaniku, sallahu alejhi ve sellem, izvršenje njegove naredbe i donošenje salavata kada se spomene njegovo ime.
3. Vadžib je slijediti Poslanika, sallahu alejhi ve sellem.
4. Nije pravi mu'min onaj ko da prednost u ljubavi nekom od ljudi nad ljubavi prema Poslaniku, sallahu alejhi ve sellem.

---

<sup>1</sup> Buharija (1/14), broj 14, Knjiga o imanu, poglavlje: Ljubav prema Poslaniku, sallahu alejhi ve sellem, je dio imana.

5. Onaj ko donese jedan salavat na Poslanika, sallahu alejhi ve sellem, Uzvišeni Allah donese na njega deset salavata.

**Pitanja:**

1. Kakav je propis ljubavi prema Poslaniku, sallahu alejhi ve sellem?
2. Šta znači ljubav prema Poslaniku, sallahu alejhi ve sellem?
3. Šta kažeš kada čuješ da je spomenuto ime Poslanika, sallahu alejhi ve sellem?
4. Popuni prazninu: Kaže Poslanik, sallahu alejhi ve sellem: "Ne vjeruje niko od vas .....  
.....".

## ČETRDESET I PETI HADIS

### ZNAK MUNAFIKA

عن أبي هريرة  $\tau$  أن رسول الله  $\rho$  قال : ”آية المنافق ثلاث: إذا حدث كذب، وإذا وعد أخلف، وإذا أؤتمن خان“.

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "**Tri su znaka munafika: kada govori laže, kada obeća ne ispuni i kada mu se povjeri iznevjeri.**"<sup>1</sup>

#### **Značenje manje poznatih riječi:**

kada mu se povjeri – kada mu se da nešto na čuvanje, i izvršenje odgovornosti na propisan način

#### **Biografija ravije:**

Biografija ovog ravije je spomenuta u komentaru petog hadisa.

#### **Kratki komentar hadisa:**

U hadisu je upozorenje muslimanu da se ne navikava na ova svojstva zbog kojih se strahuje za njega da ga odvedu u istinsko licemjerstvo. Pa tako hadis upozorava na ovakvo ponašanje koji vodi čovjeka u čisto licemjerstvo.

#### **Smjernice hadisa:**

1. Od vrijednosti islama je da se bori protiv loših običaja i niskih moralnih osobina, poput laži, neispunjavanja obećanja, pronevjere i tome slično.
2. Upozorenje na licemjerstvo time što je ono kod Uzvišenog Allaha veći grijeh od kufra (nevjerstva).
3. Udaljavanje od svih osobina munafika (licemjera).
4. Kod koga se nađu osobine munafika biva prezren kod Uzvišenog Allaha i kod ljudi.
5. Od osobina mu'mina ja da kada govori ne laže, kada obeća ispuni i kada mu se povjeri ne iznevjeri.

#### **Pitanja:**

1. Navedi dvije osobine munafika.
2. Navedi tri smjernice hadisa.

---

<sup>1</sup> Buharija (1/21), broj 33, Knjiga o imanu, poglavlje: Znak munafika, i Muslim (1/78), broj 59, poglavlje: Pojašnjenje osobina munafika.

3. Koji je veći grijeh kufr ili licemjerstvo.

#### ČETRDESET I ŠESTI HADIS

### OPRAŠTANJE I DOBRODUŠNOST SU OD ISLAMSKOG MORALA

عن عائشة رضي الله عنها قالت: ما خُير رسولُ الله ﷺ بين أمرين قط إلا أخذ أيسرَهما ما لم يكن إثماً، فإن كان إثماً كان أبعد الناس منه، وما انتقم رسولُ الله ﷺ لنفسه في شيء قط إلا أن تُنتهك حُرمةُ الله فينتقم الله بها.

Prenosi se da je Aiša, radijallahu anha, rekla: "Nije nikada dato Allahovom Poslaniku, sallahu alejhi ve sellem, da izabere između dvije stvari a da nije izabrao lakšu, ako nije grijeh, a ako je grijeh, bio je najdalji čovjek od njega. I nikada se Allahov Poslanik, sallahu alejhi ve sellem, nije ni u čemu svetio zbog sebe, osim kada se skrnavi Allahova zabrana, tada be se svetio radi Allaha."<sup>1</sup>

#### **Biografija ravije:**

Biografija ovog ravije je spomenuta u komentaru dvadeset sedmog hadisa.

#### **Kratki komentar hadisa:**

U hadisu je dokaz lahkoće i velikodušnosti islama. I dokaz da Poslaniku, sallahu alejhi ve sellem, nije dato da izabere između dvije dunjalučke stvari a da nije uzeo lakšu i to, ako ta lakša stvar nije iziskivala grijeh, a u tom slučaju izabrao bi pravi put.

Poslanik, sallallahu alejhi ve sellem, se nije svetio zbog sebe. Oprostio je beduinu koji je prema njemu grubo postupio dižući glas na njega, i drugom beduinu koji ga je povukao za ogrtač tako da je ostavio trag na njegovom ramenu. Ovo upućuje na opraštanje osim u pravima Uzvišenog Allaha.

#### **Smjernice hadisa:**

1. Pojašnjenje da je islam din lahkoće i velikodušnosti ako u tome nema grijeha.
2. Opraštanje i dobrodušnost su razlog međusobne ljubavi i bratstva među muslimanima.

---

<sup>1</sup> Buharija (2/106), broj 3560, Knjiga o velikim djelima, poglavlje: Opis Vjerovjesnika, sallahu alejhi ve sellem, i Muslim (4/1813), broj 2327, Knjiga o vrijednostima djela, poglavlje: Udaljavanje Poslanika, sallallahu alejhi ve sellem, od grijeha i izabiranje lakše dozvoljene stvari.

3. Slijedenje Poslanika, sallahu alejhi ve sellem, u opraštanju, blagosti i strpljenju.
4. Musliman koji prašta i koji je blag stiče ogromnu nagradu od Allaha, dž.š..
5. Opraštanje i dobrodušnost su u vlastitim pravima, a ne u pravima Uzvišenog Allaha.
6. Opraštanje i dobrodušnost nisu izraz slabosti i nemoći nego želje za hajrom.
7. Šutnjom odobriti loše djelo ne ulazi u opraštanje i dobrodušnost.

**Pitanja:**

1. Šta znaš o sahabijki Aiši, radijallhu anha?
2. Dopuni sljedeće: (Prenosi se da je Aiša, radijallahu anha rekla: "Nije nikada dato Allahovom Poslaniku, sallahu alejhi ve sellem da            izabere            između            dvije            stvari .....  
.....  
.....").
3. Stavi znak tačno ili netačno ispred sljedećih rečenica:
  - a. Šutnjom odobriti loše djelo ne ulazi u opraštanje i dobrodušnost.
  - b. Opraštanje i dobrodušnost su izraz slabosti i nemoći.
  - c. Opraštanje i dobrodušnost su u vlastitim pravima.

**ČETRDESET I SEDMI HADIS**

## ISLAM ZABRANJUJE DA SE NE GOVORI SA MUSLIMANOM VIŠE OD TRI DANA

عن أبي أيوب الأنصاري  $\tau$  أن رسول الله  $\rho$  قال : «لَا يَحِلُّ لِمُسْلِمٍ أَنْ يَهْجُرَ أَخَاهُ فَوْقَ ثَلَاثِ لَيَالٍ، يَلْتَقِيَانِ فَيُعْرَضُ هَذَا وَيُعْرَضُ هَذَا، وَخَيْرُهُمَا الَّذِي يَبْدَأُ بِالسَّلَامِ».

Prenosi se od Ebu-Ejjuba el-Ensarije, radijallhu anhu, da je Allahov Poslanik, sallhu alejhi ve sellem, rekao: "**Nije dozvoljeno muslimanu da ne govori sa svojim bratom muslimanom više od tri noći, sretnu se pa jedan od drugog okreće glavu, a bolji od njih dvojice je onaj koji prvi nazove selam.**"<sup>1</sup>

### **Biografija ravije:**

Halid ibn Zejd el-Ensari, radijallahu anhu, je plemeniti ashab. Učestvovao je na Drugoj prisegi na vjernost, borio uz Poslanika, sallahu alejhi ve sellem, u Bici na Bedru i svim ostalim bitkama. Bio je pisar Kur'ana. Nije ostavljao džihad poslije smrti Poslanika, sallahu alejhi ve sellem, sve dok nije preselio 51. god. po Hidžri u Bici na Carigradu (današnjem Istanbulu).

### **Kratko značenje hadisa:**

Hadis upućuje na zabranu nepričanja sa muslimanom više od tri dana, a razumije se iz hadisa da je dozvoljeno u vremenu od tri dana. Mudrost dozvoljavanja u ovom periodu je to što je čovjek po prirodi sklon srdžbi, lošem ahlaklu i tome slično, pa mu se oprašta nepričanje sa svojim bratom tri dana kako bi se otklonila ta smetnja, olakšalo čovjeku i odstranile loše posljedice. U prvom danu stiha se srdžba, u drugom se čovjek preispita a u trećem traži izvinjenje. Prelaskom više od tri dana narušavaju se prava bratstva po vjeri.

### **Smjernice hadisa:**

1. Islam poziva u međusobnu ljubav i zbližavanje među muslimanima.
2. Čuvanje od prepirki koje uzrokuju nepričanje sa muslimanima.
3. Upozorenje na nepričanje muslimana sa svojim bratom više od tri noći.
4. Izmirivanje prijatelja kada nastane među njima konflikt je vadžib.

---

<sup>1</sup> Buharija (5/2256), broj 6077, Knjiga o adabima, Poglavlje o izbjegavanju muslimana, i Muslim (4/1984), broj 2560, Knjiga o dobročinstvu, održavanju rodbinskih veza i adabima, poglavlje: Zabrana izbjegavanja više od tri dana bez opravdanog šerijatskog razloga.

5. Ako tvoj brat musliman neće da govori sa tobom, prvi mu nazovi selam, to ti je vrednije kod Uzvišenog Allaha.
6. Ako poselamiš onog ko neće da govori sa tobom pa okrene glavu od tebe, sa tebe spada grijeh.

**Pitanja:**

1. Popuni sljedeću prazninu: ( "Nije dozvoljeno muslimanu da ne govori sa svojim bratom muslimanom .....  
....."  
....." )
2. Kakav je propis nepričanja sa svojim bratom muslimanom?
3. Ko je bolji kod Allaha od dva muslimana koji međusobno ne pričaju?

**ČETRDESET I OSMI HADIS**

**VIJEDNOST UČENJA I POUČAVANJA KUR'ANU**



عن عثمان بن عفان  $\tau$  قال : قال رسول الله  $\rho$  : ”خَيْرُكُمْ مَنْ تَعَلَّمَ الْقُرْآنَ وَعَلَّمَهُ“.

Prenosi se od Osmana ibn 'Affana, radijallhu anhu, da je Allahov Poslanik, sallahu alejhi ve sellem, rekao: "**Najbolji od vas je onaj ko nauči Kur'an i druge poučava njemu.**"<sup>1</sup>

### **Biografija ravije:**

Osman ibn 'Affan, radijallahu anhu, je plemeniti ashab, treći pravedni halifa. On je jedan od desetorice kojima je obećan Džennet i od prvih koji je primio islam. Učinio je hidžru u Abesiniju a zatim u Medinu. Preselio je kao šehid u Medini 35. god. po Hidžri.

### **Kratki komentar hadisa:**

Hadis potvrđuje vrijednost koju ima onaj ko nauči Kur'an i njemu poučava druge. Pomenuta vrijednost se stiče poučavanjem nakon što se nauči Kur'an. Onaj koji poučava druge Kur'anu čini opću korist za razliku od onog koji samo nauči za sebe. Šta više, najčasnije djelo je podučavanje drugih, jer onaj koji poučava druge kroz njegovo učenje i poučavanje ostvaruje se opća korist. Nema sumnje da je spoj između učenja Kur'ana i poučavanja drugih njemu vid samousavršavanja i usavršavanja drugih, i da je u tome spoj između lične i opće koristi pa je zbog toga bolji.

### **Smjernice hadisa:**

1. Učenje plemenitog Kur'ana je najčasniji ibadet i na najuzvišenijem mjestu kod Uzvišenog Allaha.
2. Brižljivost u učenju plemenitog Kur'ana u školi , kući i halkama Kur'ana u mesdžidima.
3. Pamćenje u mladosti je snažnije od pamćenja u starosti.
4. Za svako slovo koje čita musliman u Kur'anu ima deseterostruku nagradu.
5. Učenje Kur'ana uz primjenu tedžvidskih pravila ima veću vrijednost.
6. Utjecati se Allahu od šejtana prije čitanja plemenitog Kur'ana.
7. Voditi računa o čistoći Mushafa i ne kidati njegove listove.
8. Musliman treba biti čist prilikom učenja Kur'ana.

### **Pitanja:**

---

<sup>1</sup> Buharija (4/1919), broj 5027, Knjiga o vrijednostima Kur'ana, poglavlje: Najbolji od vas je ko nauči Kur'an i druge poučava njemu.

1. Ko je najbolji čovjek?
2. Stavi znak tačno ili netačno ispred sljedećih rečenica:
  - a. Pamćenje u starosti je bolje od pamćenja u mladosti.
  - b. Učenje Kur'ana u kojem se ne primjenjuju tedžvidska pravila je bolje od onog u kojem se primjenjuju.
  - c. Musliman može biti bez abdesta prilikom čitanja plemenitog Kur'ana.
3. Kakva je nagrada učenja Kur'ana?

## **ČETRDESET I DEVETI HADIS**

### **UTICAJ PRIJATELJA NA ČOVJEKA**

عن أبي موسى الأشعري  $\tau$  قال : قال رسول الله  $\rho$  : ”إِنَّمَا مَثَلُ الْجَلِيسِ الصَّالِحِ وَالْجَلِيسِ السُّوءِ كَحَامِلِ الْمِسْكِ وَنَافِخِ الْكَيْرِ، فَحَامِلُ الْمِسْكِ إِمَّا أَنْ يُحْدِثَكَ، وَإِمَّا أَنْ تَتَّبَعَ مِنْهُ وَإِمَّا أَنْ تَجِدَ مِنْهُ رِيحاً طَيِّبَةً، وَنَافِخُ الْكَيْرِ إِمَّا أَنْ يُحْرِقَ ثِيَابَكَ، وَإِمَّا أَنْ تَجِدَ مِنْهُ رِيحاً خَبِيثَةً“.

Prenosi Ebu-Musa el-Eš'ari, radijallahu anhu, da je Poslanik, sallahu alejhi ve sellem, rekao: "**Zaista, primjer dobrog i lošeg prijatelja je kao onaj koji nosi miris misk i onaj koji puše u kovački mijeh. Onaj koji nosi miris misk ili će ti ga poklonit, ili ćeš ga kupiti od njega, ili ćeš osjetiti od njega ugodan miris. A onaj koji puše u kovački mijeh ili će ti zapaliti odjeću, ili ćeš osjetiti od njega neugodan miris.**"<sup>1</sup>

### **Značenje manje poznatih riječi:**

kovački mijeh – kožna futrola pomoću koje kovač puše u vatru

### **Biografija ravije:**

Biografija ovog ravije je spomenuta u komentaru sedmog hadisa.

### **Kratki komentar hadisa:**

Hadis je dokaz da druženje sa dobrim i moralnim ljudima utiče na sreću čovjeka, i svaki čovjek se na svog prijatelja ugleda. Suprotno tome, druženje sa prostacima i pokvarenjacima donosi čovjeku nesreću. Da bi to pojasnio Poslanik, sallahu alejhi ve sellem, je naveo dva jasna primjera.

### **Upute hadisa:**

1. Islam vodi brigu o usmjerenju svojih sljedbenika da se druže sa dobrim ljudima.
2. Čovjek je pod uticajem svog prijatelja u dobru ili zlu.
3. Nastojanje da se prijateljuje sa odabranim ljudima.
4. Od koristi druženja sa dobrim ljudima je što pomažu u hajru i upozoravaju na zlo.
5. Musliman se čuva prijateljevanja sa društvom koje ima poročne navike poput ostavljanja namaza, pušenja cigareta i tome slično.

### **Pitanja:**

1. Dovrši sljedeće rečenice:

---

<sup>1</sup> Buharija (5/2104), broj 5534, Knjiga o klanju i lovu, Poglavlje o miski, i Muslim (4/2026), broj 2628, Knjiga o dobročinstvu, održavanju rodbinskih veza i adabima, poglavlje: Preporučljivost druženja sa dobrim ljudima.

- a. Primjer dobrog prijatelja .....
  - .....
  - b. Primjer lošeg prijatelja .....
  - .....
- 2. Kakve koristi imaš od druženja sa dobrima?
  - 3. Navedi dvije upute hadisa.

**PEDESETI HADIS**

**OBAVEZA ČINJENJA DOBROČINSTVA  
RODITELJIMA**

عن أبي هريرة  $\tau$  قال : جاء رجل إلى رسول الله  $\rho$  فقال: يا رسول الله، من أحقّ الناس بحسن صحابتي؟ قال : ”أمك، قال: ثمّ من؟ قال: أمك، قال: ثمّ من؟ قال : ”أمك، قال: ثمّ من؟ قال : أبوك“ .

Prenosi se od Ebu-Hurejre, radijallahu anhu, da je došao neki čovjek Allahovom Poslaniku, sallahu alejhi ve sellem, i rekao: "O Allahov Poslaniče, ko je najpreči od ljudi da se prema njemu lijepo ophodim?" Reče: "**Tvoja majka.**" Ponovo upita čovjek: "Ko zatim?" Kaže: "**Tvoja majka.**" "A zatim?" Kaže: "**Tvoja majka.**" "A zatim ko?" Reče: "**Tvoj otac.**"<sup>1</sup>

### **Biografija ravije:**

Biografija ovog ravije je spomenuta u komentaru petog hadisa.

### **Kratki komentar hadisa:**

U hadisu je dokaz da se daje prednost zadovoljstvu majke u odnosu na zadovoljstvo oca, u značenju da majki pripada koliko tri dobročinstva koje zaslužuje otac. A to je zbog muka trudnoće, zatim muka porođaja, zatim dojenja. Na to je ukazano riječima Uzvišenog:

{وَوَصَّيْنَا الْإِنْسَانَ بِوَالِدَيْهِ إِحْسَانًا حَمَلَتْهُ أُمُّهُ كُرْهًا وَوَضَعَتْهُ كُرْهًا }

"Čovjeka smo zadužili da roditeljima svojim čini dobro, majka njegova s mukom ga nosi i u mukama ga rađa."<sup>2</sup>

A na drugom mjestu:

{وَوَصَّيْنَا الْإِنْسَانَ بِوَالِدَيْهِ حَمَلَتْهُ أُمُّهُ وَهْنًا }

"Mi smo naredili čovjeku da bude poslušan roditeljima svojim. Majka ga nosi a njeno zdravlje trpi."<sup>3</sup>

Kaže El-Kadi 'Ijad: "Većina učenjaka smatra da se majki daje prednost nad ocem u starosti."

### **Smjernice hadisa:**

1. Obaveza činjenja dobra, poslušnosti i nesuprostavljanja roditeljima.
2. Suprostavljanje i uznemiravanje roditelja riječju ili djelom je razlog ulaska u vatru.
3. Poslušnost roditeljima je razlog ulaska u Džennet.

<sup>1</sup> Buharija (5/2227), broj 5971, Knjiga o adabima, poglavlje: Ko je najpreči od ljudi da se prema njemu lijepo ophodi, i Muslim (4/1974), broj 2548, Knjiga o dobročinstvu, održavanju rodbinskih veza i adabima, poglavlje: Dobročinstvo prema roditeljima i da su oni najpreči za to.

<sup>2</sup> El-Ahkaf, 15.

<sup>3</sup> Lukman, 14.

4. Poslušnost roditeljima je vadžib pa makar bili nevjernici, osim ako naređuju grijehenje.

**Pitanja:**

1. Ko je najpreči od ljudi da se čovjek prema njemu lijepo ophodi?
2. Navedi tri smjernice hadisa.
3. Stavi znak tačno ili netačno ispred sljedećih rečenica:
  - a. Suprostavljanje i uznemiravanje roditelja riječju ili djelom je razlog ulaska u Džennet.
  - b. Od činjenja dobra roditeljima je upućivanje dove za njih dok su živi i poslije smrti.
  - c. Od činjenja dobra roditeljima je nepoštovanja i neuvažavanja njihovog prijatelja.
4. Dopuni prazninu:

Kaže: "O Allahov Poslaniče, ko je najpreči od ljudi da se prema njemu lijepo .....

.....

....."

**PEDEST I PRVI HADIS**

**ČUVANJE JEZIKA I RUKE OD NANOŠENJA  
NEPRAVDE MUSLIMANIMA**

عن أبي موسى الأشعري  $\tau$  قال: قلت يا رسول الله، أي المسلمين أفضل؟  
قال: "مَنْ سَلَّمَ الْمُسْلِمُونَ مِنْ لِسَانِهِ وَيَدِهِ".

Prenosi se od Ebu-Musaa el-Eš'arija, radijallhu anhu, da je rekao: "O Allahov Poslaniče, koji musliman je najbolji? Kaže: **"Onaj od čijeg jezika i ruke su mirni muslimani."**<sup>1</sup>

### **Biografija ravije:**

Biografija ovog ravije je spomenuta u komentaru sedmog hadisa.

### **Kratki komentar hadisa.**

Hadis je dokaz o vrijednosti čuvanja jezika, jer je u čuvanju muslimana od nanošenja neprijatnosti svom bratu muslimanu najveća potvrda njegovog islama. U hadisu je spomenut jezik jer on izražava ono što je u duši.

Takođe, u hadisu je dokaz o vrijednosti čuvanja ruke, jer većina radnji se obavlja rukom. U spominjanju ruke bez drugih organa je dublje značenje, jer pod značenje ruke ulazi moralni smisao, poput bespravnog prisvajanja tuđeg prava.

### **Smjernice hadisa:**

1. Ne kršiti prava drugih pa makar to bilo nešto neznatno.
2. Nevrijedanje nikog od ljudi.
3. Spominjati ljude po onom što ne vole je vid uznemiravanja tih ljudi.
4. Ostavljanje prenošenja riječi koje uzrokuju neprijateljstvo i razdor među prijateljima.
5. Čuvanje da se ne uzme nešto od školskih kolega, kao olovka, linijar i tome slično, osim sa njihovim odobrenjem.

### **Pitanja:**

1. Šta znaš o ashabu Ebu-Musau el-Eš'ariju?
2. Koji musliman je najbolji?
3. Kaži nešto o bratstvu oslanjajući se na ovaj hadis.

## **PEDESET I DRUGI HADIS**

## **OBAVEZA TRAŽENJA ZNANJA**

عن أنس  $\tau$  قال : قال رسول الله  $\rho$  : " **طَلَبُ الْعِلْمِ فَرِيضَةٌ عَلَى كُلِّ مُسْلِمٍ** ."

Prenosi se od Enesa, radijallahu anhu, da je Poslanik, sallahu alejhi ve sellem, rekao: **"Traženje znanja je obaveza svakom muslimanu."**<sup>1</sup>

---

<sup>1</sup> Buharija (1/13), broj 10, Knjiga o imanu, poglavlje: Koji islam je najbolji, i Muslim (1/65), broj 40, Knjiga o imanu, poglavlje: Pojašnjenje da islam ima različite vrijednosti.

### **Biografija ravije:**

Biografija ovog ravije je spomenuta u komentaru drugog hadisa.

### **Kratki komentar hadisa:**

U hadisu je dokaz obaveze traženja znanja, čak šta više, to je od najvećih fardova i vadžiba. Korisno znanje je ono čiji je plod bogobožnost i poniznost. Ono koristi svom vlasniku u toku njegovog života i poslije smrti:

{ إِنَّمَا يَخْشَى اللَّهَ مِنْ عِبَادِهِ الْعُلَمَاءُ }

"*A Allaha se boje od robova Njegovih učeni.*"<sup>2</sup>

Najpotpuniji način traženja znanja je da onaj koji traži znanje vodi brigu o učenju nasljeđene nauke od Poslanika, sallahu alejhi ve sellem, (tj. hadisa), razumijevanja značenja Poslanikove, sallahu alejhi ve sellem, naredbe, zabrane i ostalog govora, slijedenju toga i davanja prednosti tome nad ostalim.

### **Smjernice hadisa:**

1. Superiornost islama, time što je učinio znanje razlogom uspjeha na dunjaluku i ahiretu.
2. Činjenica da je islam preduhitrio druge u pozivanju znanju i učenju.
3. Traženje znanja je obaveza svakom muslimanu i muslimanki.
4. U islamu je učenjak bolji od pobožnjaka.
5. Iskren nijjet u traženju znanja čini studiranje, istraživanje i pronalaženje primljenim ibadetom, inšallah.

### **Pitanja:**

1. Navedi dvije smjernice hadisa.
2. Popuni sljedeće praznine:
  - a. Traženje znanja je obaveza svakom .....
  - b. U islamu je učenjak bolji od .....

---

<sup>1</sup> Ibn-Madže (1/8), spomenuo je Es-Sehavi mnoge koji bilježe ovaj hadis, kao što je je u knjizi El-Mekasid, 44. str., broj 660. Šejh Albani smatra da je hadis vjerodostojan, kao što je u Sahihul-džami'a broj 3808.

<sup>2</sup> Fatir, 28.



## PEDEST I TREĆI HADIS

### PRAVO PUTA

عن أبي سعيد الخدري  $\tau$  قال : قال رسول الله  $\rho$  : ”إِيَّاكُمْ وَالْجُلُوسَ فِي  
الطَّرِيقَاتِ قَالُوا: يَا رَسُولَ اللَّهِ، مَا لَنَا مِنْ مَجَالِسِنَا بَدُّ نَتَحَدَّثُ فِيهَا، فَقَالَ رَسُولُ اللَّهِ  $\rho$   
: فَإِذَا أَبَيْتُمْ إِلَّا الْجُلُوسَ فَأَعْطُوا الطَّرِيقَ حَقَّهُ، قَالُوا: وَمَا حَقُّ الطَّرِيقِ يَا رَسُولَ اللَّهِ؟  
قال: غَضُّ الْبَصَرِ، وَكَفُّ الْأَذَى، وَرَدُّ السَّلَامِ، وَالْأَمْرُ بِالْمَعْرُوفِ، وَالنَّهْيُ عَنِ  
الْمُنْكَرِ“.

Prenosi se od Ebu-Se'ida el-Hudrija, radijallahu anhu, da je Poslanik, sallahu alejhi ve sellem, rekao: "**Čuvajte se sjedenja po putevima.**" Rekoše: "O Allahov Poslaniče, sjedenje na putu je nama neophodno, mi tu razgovaramo." Pa reče Allahov Poslanik, sallahu alejhi ve sellem: "**Ako ćete sjediti, onda dajte putu njegovo pravo.**" Kažu: "Šta je pravo puta, o Allahov Poslaniče?" Reče: "**Obaranje pogleda, otklanjanje neprijatnosti, odvrćanje selama i naređivanje dobra i zabranjivanje zla.**"<sup>1</sup>

### **Biografija ravije:**

S'ad ibn Malik ibn Sinan el-Ensari, radijallhu anhu, je plemeniti ashab. Učestvovao je u svim bitkama poslije Uhuda. Prenio je mnogo hadisa. Preselio je u Medini 53. god. po Hidžri.

### **Kratki komentar hadisa:**

U hadisu je došla zabrana sjedenja po putevima. Mudrost ove zabrane je što se sjedenjem čovjek izlaže iskušenju. Ponekad onaj ko se boji iskušenja za sebe, gledajući u žene kada prolaze, vidi ono što budi strasti. Na putu se izlaže obavezi davanja prava Allahu i muslimanima zbog toga što su tražili dozvolu da ostanu sjediti po putu. A da je čovjek sjedio u kući ne bi to znao, niti bi bio obavezan obavljati prava koja često ne izvršava.

### **Smjernice hadisa:**

1. Sjedenje sa prijateljima u kući je bolje od stajanja na ulici.
2. Čuvanje od igranja po ulici.
3. Obaveza obaranja pogleda od onog što je Allah zabranio.
4. Ne uznemiravati muslimane ako je neophodno da se sjedi na ulici.
5. Onaj koji sjedi na ulici obavezan je odvrćati selam, upućivati na dobro i upozoravati na zlo.

### **Pitanja:**

1. Navedi tri prava puta.
2. Popuni sljedeće praznine:
  - a. Sjedenje sa prijateljima u ..... bolje je od stajanja na .....
  - b. Od prava puta je odvrćanje ....., upućivanje na ..... i upozorenje na .....

---

<sup>1</sup> Buharija (2/870), broj 2465, Knjiga o žalbama, poglavlje: Dvorišta kuća i sjedenje u njima, i Muslim (3/1675), broj 2121, poglavlje: Zabrana sjedenja po putevima i davanje putu njegovo pravo.

3. Nastavi hadis:

Allahov Poslanik, sallahu alejhi ve sellem, je rekao: "Čuvajte se  
sjedjenja .....

.....  
.....  
.....  
....."

## PEDEST I ČETVRTI HADIS

### ISLAM NAREĐUJE DA MU'MIN BUDE JAK

عن أبي هريرة  $\tau$  قال : قال رسول الله  $\rho$  : ” الْمُؤْمِنُ الْقَوِيُّ خَيْرٌ وَأَحَبُّ إِلَى اللَّهِ مِنَ الْمُؤْمِنِ الضَّعِيفِ وَفِي كُلِّ خَيْرٍ أَحْرَصُ عَلَى مَا يَنْفَعُكَ وَاسْتَعِينُ بِاللَّهِ وَلَا تَعْجَزُ، وَإِنْ أَصَابَكَ شَيْءٌ فَلَا تَقُلْ: لَوْ أَنِّي فَعَلْتُ كَذَا وَكَذَا كَانَ كَذَا وَكَذَا وَلَكِنْ قُلْ: قَدَرَ اللَّهُ وَمَا شَاءَ فَعَلَ فَإِنَّ لَوْ تَفْتَحُ عَمَلَ الشَّيْطَانِ“.

Prenosi Ebu-Hurejre, radijallahu anhu, da je Poslanik, sallahu alejhi ve sellem, rekao: "Jak mu'min je bolji i draži Allahu od slabog mu'mina a u obojici je hajr. Teži za onim što ti koristi, traži pomoć

**od Allaha i ne budi slab. A ako te zadesi neka nevolja nemoj reći da sam uradio tako i tako bilo bi tako i tako, nego reci: Allah je odredio i ono što je On htio uradio. Zaista, riječ "da" otvara šejtansko djelo."**<sup>1</sup>

### **Biografija ravije:**

Biografija ovog ravije je spomenuta u komentaru petog hadisa.

### **Kratki komentar hadisa:**

U hadisu je dokaz da je mu'min snažne volje u činjenju dobrih djela bolji od slabog mu'mina, jer jak mu'min snažne duše je odvažniji u džihadu, zabranjivanju zla, saburanju na neprijatnostima u tome, podnošenju tegobe na Allahovom putu, izvršavanju Allahovih prava poput namaza, posta i tome slično. A slab mu'min je suprotan ovome, osim što u njemu ima hajra zbog postojanja imana u njemu. Zatim je Poslanik, sallahu alejhi ve sellem, naredio da se bude marljiv u pokornosti Allahu, u traženju onog što je kod Njega i traženju pomoći od Allaha u svim stvarima, jer marljivost roba bez Allahove pomoći neće mu koristiti.

### **Smjernice hadisa:**

1. Jak mu'min je bolji od slabog mu'mina, jer se jak mu'min više žrtvuje u dobru.
2. Obaveza je muslimanu da koristi svoju snagu u poslušnosti Allahu i pomaganju drugih.
3. Muslimanu je vadžib da bude snažan u svom radu, učenju i sličnom.
4. Hajr je prisutan u mu'minu pa makar bio slab.
5. Islam poziva da se izgrađuje tijelo na zdravoj osnovi.
6. Muslimanu je vadžib da bude marljiv u onom što mu koristi uz traženje pomoći od Uzvišenog Allaha.
7. Obaveza strpljivosti kod musibeta i vjerovanja u Allahovu odredbu.
8. Zabrana riječi "da" žaleći za onim što je prošlo jer je ona ključ za šejtansko došaptavanje zlih misli.

### **Pitanja:**

1. Šta znači snaga?

---

<sup>1</sup> Muslim (4/2052), broj 2664, Knjiga o kaderu, poglavlje: O naredbi da se bude jak, ostavi slabost, traži pomoć od Allaha i kaderske odredbe prepuste Njemu.

2. Popuni sljedeće praznine:
- Jak mu'min je bolji i draži Allahu od ..... a u obojici je .....
  - Jak mu'min ..... svoju snagu u poslušnosti Allahu ..... od slabog mu'mina.
3. Zašto je jak mu'min bolji od slabog mu'mina?

## PEDEST I PETI HADIS

### O ADABIMA TRAŽENJA DOZVOLE ZA ULAZAK

عن أبي موسى الأشعري  $\tau$  قال: قال رسول الله  $\rho$ : ”الاستئذانُ ثلاثٌ فإنْ أُذِنَ لكَ وإلَّا فارجعْ“.

Prenosi Ebu-Musa el-Eš'ari, radijallahu anhu, da je Poslanik, sallahu alejhi ve sellem, rekao: "**Tri puta se traži dozvola za ulazak, pa ako ti dozvoli uđi, a u suprotnom se vrati.**"<sup>1</sup>

---

<sup>1</sup> Buharija (3/2305), broj 6245, Knjiga o traženju dozvole za ulazak, poglavlje: Tri puta se naziva selam i traži dozvola za ulazak, i Muslim (3/1694), broj 2153, Knjiga o adabima, Poglavlje o traženju dozvole za ulazak.

### **Biografija ravije:**

Biografija ovog ravije je spomenuta u komentaru sedmog hadisa.

### **Kratki komentar hadisa:**

U hadisu je dokaz da je propisano ponavljanje selama kada se spoji sa traženjem dozvole za ulazak, i da je ponekad propisano ponavljanje samog selama ako je grupa velika, ili neki od njih nisu čuli, a žele se svi obuhvatiti sa selamom, tada je potrebno ponoviti drugi put, i treći put a neće se prelaziti više od tri puta. Forma traženja dozvole za ulazak je da se kaže: Esselamu alejkum, mogu li ući? A zatim je pred njim izbor da spomene svoje ime ili da se ograniči na nazivanje selama.

### **Smjernice hadisa:**

1. Tri puta se traži dozvola za ulazak, pa ako mu se dozvoli ući će, a u suprotnom će se vratiti.
2. Nema smetnje da se traži dozvola više od tri puta ako je čovjek siguran da ga ukućani nisu čuli.
3. Zabranjeno je gledanje kroz otvore unutar kuće.
4. Dugo pritiskati na zvonce ili mnogo kucati nije od adaba traženja dozvole za ulazak.
5. Prilikom traženja dozvole za ulazak ne treba stajati ispred vrata nego sa lijeve ili desne strane.
6. Traženje dozvole za ulazak posredstvom sirene na autu ili biciklu uznemirava ljude.
7. Musliman ne ulazi ni u čiji privatni posjed osim poslije traženja dozvole za ulazak.
8. Vaspitan učenik ne ulazi u učionicu kada je u njoj nastavnik a da ne traži dozvolu za ulazak od nastavnika.

### **Pitanja:**

1. Koliko puta je propisano da se traži dozvola za ulazak?
2. Kada je dozvoljeno tražiti dozvolu više od tri puta?
3. Popuni praznine:
  - a. Musliman ne ulazi ..... privatni ured osim .....
  - b. Prilikom ..... ne treba stajati ispred vrata nego sa ..... ili .....
  - c. Dugo pritiskati na zvonce ili mnogo kucati ..... traženja dozvole za ulazak.

## PEDESET I ŠESTI HADIS

### SLAST IMANA

عن أنس  $\tau$  عن النبي  $\rho$  قال : ” ثلاثٌ مَنْ كُنَّ فِيهِ وَجَدَ بِهِنَّ حَلَاوَةَ الْإِيمَانِ : أَنْ يَكُونَ اللَّهُ وَرَسُولُهُ أَحَبَّ إِلَيْهِ مِمَّا سِوَاهُمَا ، وَأَنْ يُحِبَّ الْمَرْءَ لَا يُحِبُّهُ إِلَّا لِلَّهِ ، وَأَنْ يَكْرَهُ أَنْ يَعُودَ فِي الْكُفْرِ بَعْدَ أَنْ أَنْقَذَهُ اللَّهُ مِنْهُ ، كَمَا يَكْرَهُ أَنْ يُقْدَفَ فِي النَّارِ .“

Prenosi se od Enesa, radijallahu anhu, da je Poslanik, sallahu aleji ve sellem, rekao: "Kod koga se nađu tri osobine osjetiće slast imana: da mu Allah i Njegov Poslanik budu draži od svega drugog, da voli čovjeka ni zbog čega drugog osim radi Allaha i da mrzi da se vrati u

**nevjerstvo nakon što ga je Allah izbavio iz njega kao što mrzi da bude bačen u vatru."<sup>1</sup>**

### **Značenje manje poznatih riječi:**

slast imana - užitak koji je produkt imana

### **Biografija ravije:**

Biografija ovog ravije je spomenuta u komentaru drugog hadisa.

### **Kratki komentar hadisa:**

U ovom vrijednom hadisu izlaže nam Allahov Poslanik, sallahu alejhi ve sellem, određena svojstva koja, kada se neko okiti njima, osjeti ljepotu imana i doživi njegovu slast sticanjem užitka i sigurnosti na dunjaluku i ahiretu.

Prvo od ovih svojstava je da mu ljubav prema Allahu i Njegovom Poslaniku bude u srcu draža od svega drugog što voli, pa makar bila voljena osoba, roditelj ili dijete, pa čak i on sam. Ova ljubav ima znakove, od njih su: rad po Allahovoj knjizi i sunnetu Njegovog Poslanika, sallahu alejhi ve sellem, zaštita dina i tome slično.

Drugo svojstvo je da musliman gradi svoju vezu sa drugim muslimanima na temelju ljubavi u ime Allaha, a ne radi dunjaluka ili neke koristi.

I treće svojstvo je da musliman mrzi kufr (nevjerstvo) takvom mržnjom koja je ravna mržnji upropaštujuće vatre, i da mrzi da se vrati u kufr, kao što mrzi da bude bačen u vatru. A znak toga je poslušnost Allahu, ostavljanje grijeha i žurba u činjenju iskrene tevbe.

### **Smjernice hadisa:**

1. Obaveza davanja prednosti ljubavi prema Allahu i ljubavi prema Njegovom Poslaniku, sallahu alejhi ve sellem, nad svim stvorenjima.
2. Neposlušnost ljudima u griješenju prema Allahu i griješenju prema Allahovom Poslaniku, sallahu alejhi ve sellem.
3. Od potpunog imana je da musliman voli svoga brata muslimana radi Allaha, dž.š..
4. Obaveza je muslimanu da mrzi kufr kao što mrzi da bude bačen u vatru.

---

<sup>1</sup> Buharija (1/14), broj 21, Knjiga o imanu, poglavlje: Slast imana, i Muslim (1/66), broj 43, Knjiga o imanu, poglavlje: Pojašnjenje osobina, ko se njima odlikuje osjeti slast imana.



5. U kome se nađu ova svojstva osjetiće sigurnost u svom srcu i mir u duši.

**Pitanja:**

1. Sa koja tri svojstva je vadžib muslimanu da se odlikuje?
  2. Šta stiće onaj kod koga se nađu ova tri svojstva?
  3. Šta znači ljubav prema Uzvišenom Allahu i ljubavi prema Njegovom Poslaniku, sallahu alejhi ve sellem?
  4. Nastavi hadis: Kaže Poslanik, sallahu aleji ve sellem: "Kod koga se nađu tri osobine osjetiće slast imana .....
- .....
- .....
- .....

**PEDESET I SEDMI HADIS**

**SAMILOST PREMA LJUDIMA**

عن جرير بن عبدالله ر قال : قال رسول الله ص : ”مَنْ لَا يَرْحَمُ النَّاسَ لَا يَرْحَمُهُ اللَّهُ“ .

Prenosi Džerir ibn Abdullah, radijallahu anhu, da je Allahov Poslanik, sallahu alejhi ve sellem, rekao: "**Ko nije milostiv prema ljudima neće ni Allah biti milostiv prema njemu.**"<sup>1</sup>

---

<sup>1</sup> Muslim (4/1809), broj 2319, Knjiga o vrijednostima djela, poglavlje: Njegova, sallahu alejhi ve sellem, samilost prema djeci i porodici.

### **Biografija ravije:**

Džerir ibn Abdullah el-Bedželi, radijallahu anhu, je plemeniti ashab. Primio je islam na četrdeset dana prije smrti Poslanika, sallahu alejhi ve sellem. Prenio je nekoliko hadisa. Imao je ogroman uticaj u bitkama. Preselio je 51. god. po Hidžri.

### **Kratki komentar hadisa:**

U hadisu je dokaz o samilosnom postupanju prema ljudima. Međutim, samilosno postupanje u isalmu se ne ograničava samo na ljudsku vrstu, nego obuhvata sva stvorenja, a od njih su životinje koje su u vlasništvu i koje su na slobodi. Pod samilost ulazi njihovo hranjenje i pojenje, olakšavanje prilikom nošenja tereta i ne prelaženje granice prilikom udaranja. Onaj koji nije milostiv prema samom sebi, izvršavajući Allahove naredbe i kloneći se Njegovih zabrana, neće mu se Allah smilovati jer on nije sa Allahom nikakav ugovor sklopio. Prva milost, spomenuta u hadisu, je u značenju djela a druga u značenju nagrade, to jest, ko bude radio dobra djela Allah će učiniti da u njegovom srcu bude milost. U hadisu je potvrda svojstva samilosti Uzvišenom Allahu.

### **Smjernice hadisa:**

1. Zaista, samilost muslimana prema ljudima je uzrok Allahove samilosti prema njemu.
2. Zaista, samilost prema muslimanima je karakteristika mu'mina, a nemilosrdnost je karakteristika kafira.
3. Od samilosti prema ljudima je njihovo poštivanje, pomaganje i činjenje dobročinstva.
4. Čovjek ne nanosi nepravdu slabijem od sebe nego ga pomaže i samilostan je prema njemu.
5. Propisanost pomaganja ljudi koji su u potrebi.
6. Obaveza samilosti i neuznemiravanja radnika, sluga, slabih i njima sličnih.

### **Pitanja:**

1. Navedi tri smjernice hadisa.
2. Šta je propisano da čovjek čini prema ljudima koji su u potrebi, poput slijepca?
3. Ispravi grešku u sljedećim rečenicama:
  - a. Uznemiravanje ljudi uzrokuje Allahovu milost.
  - b. Milost je osobina kafira, a nemilosrdnost je osobina mu'mina.

**PEDESET I OSMI HADIS**

**OBAVEZA LJUBAVI MUSLIMANA PREMA SVOM  
BRATU**

عن أنس  $\tau$  قال : قال رسول الله  $\rho$  : ”لَا يُؤْمِنُ أَحَدُكُمْ حَتَّىٰ يُحِبَّ لِأَخِيهِ مَا  
يُحِبُّ لِنَفْسِهِ“ .

Prenosi Enes, radijallahu anhu, da je Poslanik, sallahu alejhi ve sellem, rekao: "**Niko od vas neće biti pravi vjernik sve dok ne bude volio svome bratu ono što voli samom sebi.**"<sup>1</sup>

### **Biografija ravije:**

Biografija ovog ravije je spomenuta u komentaru drugog hadisa.

### **Kratki komentar hadisa:**

Islam vodi računa o učvščavanju veza ljubavi među muslimanima. Od potpunosti imana čovjeka je da voli svoga brata muslimana, da mu želi dobro i da ga izjednači sa samim sobom nastojeći da ujedini srca i riječ muslimana. Sebičnost unosi mržnju i razilaženje među muslimanima. Islam je spojio ljubav muslimana prema svom bratu sa temeljom njegovog imana da bi vodio računa o toj ljubavi i kako bi upotpunio svoj iman. Ova ljubav neće biti potpuna osim ostavljanjem zavisti, zlobe, mržnje i obmane, a sve su ovo pokuđena svojstva.

### **Smjernice hadisa:**

1. Od potpunog je imana da musliman voli svojoj braći ono što voli samom sebi i da mrzi njima ono što mrzi samom sebi.
2. Zavist i mržnja su razlog smanjenja imana.
3. Od ljubavi muslimana prema svom bratu je da ga upućuje na svako dobro i da otklanja od njega zulum.
4. Čuvanje od egoizma (a to je da želiš svo dobro samo za sebe mimo drugih ljudi).
5. Potenciranje islama na onom što čisti srca i na čemu se grade bratske veze.

### **Pitanja:**

1. Šta je egoizam i je li on od osobina mu'mina?
2. Popuni praznine:
  - a. Od potpunog imana je da musliman ..... svojoj braći ..... samom sebi i da mrzi njima ..... samom sebi.
  - b. Od ljubavi muslimana prema svom bratu je ..... na svako dobro .....
3. Navedi šta znaš o ashabu Enesu, radijallahu anhu.

---

<sup>1</sup> Buharija (1/14), broj 13, Knjiga o imanu, poglavlje: Od imana je da voli svom bratu ono što voli samom sebi, i Muslim (1/67), broj 45, Knjiga o imanu, poglavlje: Dokaz da je od svojstava imana da musliman voli svome bratu hajr koji voli samom sebi.

## **SADRŽAJ**

**TEMA**

**STRANICA**

- PREDGOVOR

4

- UVOD U HADISKU NAUKU	8
- ISKRENOST U NIJETU	14
- OBAVEZA ODRŽAVANJA ROBINSKIH VEZA	16
- STRAH OD ALLAHA I LIJEP AHLAK	18
- PODSTICANJE NA SPREMANJE ZA SUDNJI DAN I POLAGANJE RAČUNA	20
- OD UPUTE ISLAMA JE SAMILOST PREMA ŽIVOTINJAMA	22
- ADABI ISLAMA PRILIKOM JEDENJA I PIJENJA	24
- VAŽNOST MEĐUSOBNE SARADNJE MU'MINIMA	26
- PREPORUČLJIVOST LIJEPA GOVORA I VEDRA LICA	27
- UDALJAVANJE OD SUMNJIVIH STVARI	28
- ISLAM ZABRANJUJE MITO	30
- KO UKAŽE NA DOBRO IMA NAGRADU ONOG KO GA RADI	31
- PODSTICANJE NA TRAŽENJE ZNANJA	33
- OBAVEZA ČUVANJA EMANETA	35
- VRIJEDNOST DŽIHADA NA ALLAHOVOM PUTU	37
- ZABRANA ŠIRKA, NEPOSLUŠNOSTI RODITELJIMA I LAŽNOG SVJEDOČENJA	38
- ZABRANA VARANJA	40
- ZABRANA NEMIMETA	42
- OBAVEZA TAČNOG MJERENJA NA LITRI I KANTARU	44
- ZABRANA MEĐUSOBNE MRŽNJE I ZAVISTI	46
- ODGOVORNOST SVAKOG POJEDINCA ZA ONO ŠTO MU JE POVJERENO	48
- ISLAMSKI ADABI JEDENJA	50
- ADABI KIHANJA	52
- PODSTICANJE NA ISKRENOST I ODVRAĆANJE OD LAŽI	54
- ZABRANA GIBETA	56
- VRIJEDNOST NAZIVANJA SELAMA I NJEGOVOG ŠIRENJA	58
- VRIJEDNOST SAĐENJA I SIJANJA	60
- ADABI OBAVLJANJA NUŽDE	61
- TEMELJI ISLAMA	63
- PAŽNJA ISLAMA PREMA MESDŽIDIMA	65

- ZABRANA PROŠENJA BEZ POTREBE	67
- PRAVA KOMŠILUKA	68
- UPOZORENJE NA SRDŽBU	70
- ZABRANA NEPOSLUŠNOSTI RODITELJIMA	71
- POKUĐENOST BAVLJENJA ONIM ŠTO TE SE NE TIČE	73
- POKUĐENOST OHOLOSTI I PREPORUČLJIVOST ULJEPŠAVANJA	74
- MNOŠTVO PUTEVA DOBRA U ISLAMU	76
- UPOZORENJE NA OSTAVLJANJE VATRE DA GORI U KUĆI PRILIKOM SPAVANJA	78
- ZABRANA MUČENJA ŽIVOTINJE	80
- IMAN I ISTIKAMET	82
- KO OSTAVI NAMAZ, KAFIR JE (NEVJERNIK)	83
- STID JE KLJUČ SVAKOG DOBRA	85
- VIJEDNOST ZIKRA I ONIH KOJI ZIKRE	87
- PODSTICANJE NA LIJEP AHLAK	89
- OBAVEZA LJUBAVI PREMA ALLAHOVOM POSLANIKU, S. A. V. S.	91
- ZNAK MUNAFIKA	93
- OPRAŠTANJE I DOBRODUŠNOST SU OD ISLAMSKOG MORALA	94
- ISLAM ZABRANJUJE DA SE NE GOVORI SA MUSLIMANOM VIŠE OD TRI DANA	96
- VIJEDNOST UČENJA I POUČAVANJA KUR'ANU	98
- UTICAJ PRIJATELJA NA ČOVJEKA	100
- OBAVEZA ČINJENJA DOBROČINSTVA RODITELJIMA	102
- ČUVANJE JEZIKA I RUKE OD NANOŠENJA NEPRAVDE MUSLIMANIMA	104
- OBAVEZA TRAŽENJA ZNANJA	105
- PRAVO PUTA	107
- ISLAM NAREĐUJE DA MU'MIN BUDE JAK	109
- O ADABIMA TRAŽENJA DOZVOLE ZA ULAZAK	111
- SLAST IMANA	113
- SAMILOST PREMA LJUDIMA	115
- OBAVEZA LJUBAVI MUSLIMANA PREMA SVOM BRATU	117
- SADRŽAJ	119

